

18

VERÈ
ADMIRANDA,
feu,
DE MAGNITVDINE
ROMANÆ ECCLESIAE
LIBRI DV.O.

Auctore THOMA STAPLETONO *Anglo, S. Scriptu-
rarum nuper in Academia Louaniensi Professore Re-
gio ac Primario.*


PSAL. CXVII.

A Domino factum est istud, & est mirabile in oculis nostris.



ANTVERPIÆ,
EX OFFICINA PLANTINIANA,
Apud Ioannem Moretum,

M. D. XCIX.



SANCTISSIMO PATRI
CLEMENTI OCTAVO
PONTIFICI MAXIMO



IN fidem meam libe-
ro, Beatissime Pater,
opúsque quod nuper
ab eruditissimo sacra-
rum literarum in Aca-
demia Louaniësi Pro-
fessore Thoma Stapletono *De Verè admi-
randa Ecclesia Romana magnitudine* conscri-
ptum significavi, Beatitudini tuæ offe-
ro, (extremam & tanquam cygneam vi-
ci eruditissimi vocem atque orationem)
idei quidem meæ ab illo concreditum,
sed tuo vnus nomini debitum; id nem-
pe ille facturus erat, ni subitâ inualetu-
line, quam præpropere deinde mors
subsecuta fuit, impeditus fuisset. Quid
enim aliud ille, aut cui alij opus hoc
* 2 suum

suum offerret quàm Sanctitati tuæ? cui
seipsum iam suosque labores penè om-
nes priuatim ac publicè deberi profes-
sus, vt id factò aliquo testatum faceret,
Antidota Apostolica pro Romanæ Ca-
tholicæ fidei defensione aduersus nostri
temporis hæreses, suppliciter consecra-
rat. Quod igitur ille, multis multorum
gemitibus præmortuus, facere non po-
tuit, id ego Illustrissimi ac Reuerendis-
simi Domini, Petri Aldobrandini S.R.
Ecclesiæ Cardinalis Amplissimi, San-
ctitatis tuæ nepotis litteris adductus, fa-
cio; ac sub sacri nominis tui auspiciis
Posthumum hunc Stapletoni foetum
produco; vt qui miranda Dei opera in
Ecclesiæ Romanæ magnitudine om-
nium oculis inspicienda proponit, sub
eius patrocínio in lucem exeat, cui sum-
mum illius principatum magno Catho-
licorum omnium bono, extremis hisce
mundi

mundi labantis temporibus, summus il-
le Deus, singulari sua miseratione impo-
suit, impositumque ad eiusdem tutelam
ac columen firmabit. Hæc mea, hæc
omnium verè Christianorum, Beatissi-
me Pater, vota; Ita faciat, nòsque in te
vno firmet, qui vnum firmandis omni-
bus destinavit. Bruxellæ Brabantino-
rum, Calendis Martiis 1599.

Tua Beatitudinis

Humillimus servus

*Christophorus ab Assonvilla,
Alteville dominus.*


PRÆFATIO AD LECTOREM.



HABES hic, Christiane Lector, Li-
 bros duos, exiguos quidem illos, sed
 Catholicos, eruditos, ac multorum
 iudicio probatos, de Verè admiran-
 da Ecclesia Romana magnitudine,
 auctore Thoma Stapletono, fidei
 Catholica nuper propugnatore acerrimo: Vbi quæ ab
 aliis nonnullis diffusè admodum tractata, compendio
 tradita, unòque veluti obtutu omnium oculis subiecta
 conspiciuntur. Ita scilicet eruditus ille ac sacrarum litte-
 rarum in florentissima totius Germania, Sediq; Aposto-
 lica deuotissima Louaniësi Academia Professor celeberrimus
 sibi magna ratione scribendum existimauit. Cum
 enim de magnitudine Romana elaboratissimos nobi-
 lissimi nostri temporis scriptoris, ac in eadem Louaniensi
 Academia Regij historiæ professoris libros legisset,
 studiumq; illius vehementer probauisset; sui itidem mu-
 neris esse existimauit ut quam ille pro professione sua in
 huius sæculi imperio, ipse etiã pro sua, in eo quod vniuersa
 mundi imperia longo intervallo exuperat, describendo,
 operam collocaret. Sancta isthac est eruditorum amulatio,
 ac commune bonis quibusque inuandi studium. Jam ve-
 rò quod ea quæ de admiranda Romana Ecclesia magni-
 tudine duobus hisce libris differenda suscepit, minus ample
 forsitan quam pro rei amplitudine atque dignitate cui-
 piam descripsisse videri possit, id ob eam rationem quam
 suprâ innuimus, ut compendio tradita, nullo labore om-
 nium

*nium oculis animisq; conspecta caperentur: huc accedit
quod hunc ipsum laborem co tempore sibi subeundum
sumpserit, quo pro more scholæ, in prædicta Academia de
re quæpiam graui ei in publico eruditissimorum viro-
rum consensu perorandum fuit. Loci itaque temporisque
rationem sibi habendam existimauit, paucisq; in animos
Auditorum quod vellet inferendum: Neq; ut ea quæ
ob hæc rationes in angustum coegerat, diffusius (etiam si
id animo eius insedisset) postea explicaret, Vita breuitas
permisit; paucis namq; diebus postquam hunc ipsum per-
orandi laborem sumpsisset, in aduersam valetudinem in-
cidit, magnosq; deinde studio fori ac Catholicorum com-
plurium luctu ex hac mortali vita sublatu est. Extre-
mo itaque hoc eruditissimi scriptoris labore perfrui,
vnumq; hoc sanctis illius sudoribus redde, bene ut præ-
ceris mortuo.*

LIBRI



LIBRI PRIMI

CAPITVM INDEX.

M ^V NDI Imperia quatuor: Christi regnum: Eius primaria sedes.	
Capus 1.	pagina 1.
Argumentum cum sua distributione. Cap. II.	2.
Romana Ecclesia Amplitudo. Cap. III.	13.
Romana & Catholica Ecclesia eadem. Cap. IIII.	20.
Romani Imperij periodus brevis. Cap. V.	28.
Romana Ecclesia fortitudo aduersus persecutiones ethnicas. Cap. VI.	23.
Romana Ecclesia fortitudo aduersus heresum persecutiones. Cap. VII.	28.
Romana Ecclesia fortitudo contra schisma Gracorum & persecutiones ethnicas. Cap. VIII.	29.
Potestatis plenitudo erga alias Ecclesias. Cap. IX.	33.

LIBRI SECVNDI

CAPITVM INDEX.

Romana Ecclesia potestas, in orbis Principes etiam creandos. Cap. I.	30.
Romana Ecclesie studium, ad Reges conciliandos. Cap. II.	32.
Romana Ecclesia potestas ad Reges Ecclesia noxios castigandos. Cap. III.	41.
Ecclesia Romana ab Orbis Monarchis quantum honorata. Cap. IIII.	52.
Operum magnitudo, prima conuersio gentium. Cap. V.	58.
Mundi Imperia a Christi regno contrita. Cap. VI.	67.
Orientalis Ecclesie fides quanto studio conseruata. Cap. VII.	70.
Orientalis Imperij dignitas quanto sudore defensa. Cap. VIII.	80.
Euerso Imperio Orientali contra Turcas opera & labores. Cap. IX.	88.
Munificentia in pios toto orbe laborantes. Cap. X.	91.
Romana Ecclesie munificentia domestica. Cap. XI.	98.
Templorum magnificientia. Cap. XII.	103.
Romana Ecclesie Senatus. Cap. XIII.	104.
Orbis salutem ab hoc sacro principatu pendere. Cap. XIII.	107.

VERÈ ADMIRANDA,

seu,


DE MAGNITVDINE

ROMANÆ ECCLESIAE

LIBER PRIMVS.

CAPVT PRIMVM.

*Mundi Imperia quatuor : Christi regnum aeternum.
Eius primaria Sedes.*

 **I** SIO prophetica admiranda Regi quidem Babylonie Nabuchodonosor primùm reuelata, sed ab eo mox obliuioni tradita, & Danieli prophetæ Dei magno, denuò diuinitus patefacta, ipsique Regi per eum explicata, maximam meritò admirationem non Regi modò eam audienti peperit, sed & cuilibet eam legenti excitare poterit. In illa quippe statua magna, sublimi atque terribili, cuius caput ex auro optimo, pectus & brachia Dan. 2. ex argento, venter & femora ex ære, tibiæ autem ferreæ, pedum quedam pars ferrea, quedam autem fictilis apparebant, quatuor maxima regna, imperia & monarchiæ orbis terrarum designabantur; Assyriorum seu Babylonicum, Persicum, Macedonicum, & Romanum: tametsi loco Persici Imperij (quod breuissimum fuit, & iuxta Hebræos Danielis prophetiæ cap. ii. inhærentes, non nisi quinquaginta duorum annorum) Africanum Genebrar
dus anno
mundi
3779.

Orosiu
lib. 7. c. 2.

seu Carthaginense numeret Orosius homo Afer, quod ille annis septingentis stetisse vult. Horum Imperiorum potentiam, amplitudinem, magnitudinem omnes rerum humanarum scriptores admirati, suis scriptis celebrarunt, posterisque commendarunt: potissimum verò Romani imperij, *quod cetera omnia* (ait Daniel) *comminuet & conteret, sicut ferrum comminuit & domat omnia.* Quare Romanarum rerum scriptores & Romani imperij præcones infiniti leguntur: ex quibus omnibus præcipua capita & selectissima quæque in compendium redacta, eleganti & grata methodo in lucem nuperrimè prodierunt, à Iust. Lips. politioris literaturæ professore lectissimo edita: vbi ad Romani imperij magnitudinem admirandam omnium oculis subiiciendam, & in eius Imperij admirationem omnium animos excitandos, illius fines, copiae, opes, opera, viri, virtutes elaboratè admodum summaque diligentia, ita ex tota antiquitate eruuntur ac describuntur; vt Romani imperij potentiae, virtutibus, & magnitudini admirandae nihil hactenus comparabile orbis terrarum habuisse videatur. Est quidem ita quod vrbi Romæ totius penè orbis imperium florentissimum ad aliquod breue tempus Dei prouidentia concesserit; eam maximè ob causam (ait B. Augustinus) *quia ad domanda grauiamala multarum gentium, Romani iustitiæ & æquitatis magis studiosi, ob solam gloria ingentem cupiditatem, ceteras cupiditates omnes comprimebant; unde non erat quod de summi & veri Dei iustitia conquererentur; quia perceperunt mercedem suam: primùm libertatem, postea dominationem; cui vni & maximè anhelabant; iuxta illud poëtæ:*

De Ciuitate Dei,
lib. 5. c. 12

cap. 15.

Tu regere imperio populos Romane memento.

Cæterùm, cum bona venia eorum omnium qui Romani imperij magnitudinem admirantur, aliud ego in terris imperium, regnum aliud, monarchiam aliam, magis admiror ac suspicio, magis & verè admirandum iudico, de quo idem propheta Daniel, eodè in loco statim subiungit. *In diebus autem regnorum illorum*, id est Dan. 2. illius regni ferrei, quod cætera omnia comminuit & subiugauit (vnde omnium hic nomen accipit) *suscitabit Deus cali regnum quod in aeternum non dissipabitur, & regnum eius alteri populo non tradetur; comminuet autem & consumet vniuersa regna hac: etiam ferreum illud Romanum: & ipsum stabit in aeternum; secundum quod vidisti quod de monte abscissus est lapis sine manibus, & comminuit testam, & ferrum, & æs, & argentum, & aurum*, id est, omnia totius mundi imperia. Hoc quale regnum, quantum imperium, quàm latè patens, quanti roboris, quàm Inuictum, excellens, vereque admirandum existimamus? Huius fines, copias, opes, opera, viros, virtutes, quanta admiratione digna arbitramur? De huius regni finibus toto terrarū orbe amplissimis dicit in hac visione Propheta; *Lapis qui percusserat statuam, factus est* Dan. 2. *mons magnus, & impleuit vniuersam terram*: Lapis, inquam, ille de monte sine manibus excisus, filius Dei incarnatus de beatissima virgine sine opere virili natus: Lapis à Iudeis quidem reprobatus, sed factus in caput anguli; vbi statim subiungit Propheta, *A Domino factum* Psal. 117. *est istud, & est mirabile in oculis nostris*. Mirabile sanè & summa admiratione dignum, quomodo paruus lapis factus sit mons magnus qui vniuersam terram impleat, quod cæteri admirantes Prophetæ certatim celebrant.

- Psal. 71. *Dominabitur à mari vsque ad mare, & à flumine vsque*
 Esai. 2. *ad terminos orbis terrarum. Fluent ad eum omnes gentes.*
 Psal. 21. *Conuertentur ad Dominum vniuersi fines terra: & alia*
 Psal. 71. *quàm plurima. Copias & opes huius regni magnificè*
 Psal. 71. *quoque decantant Prophetæ: Coram illo procident Aethiopes,*
 Psal. 71. *& inimici eius terram lingent: & adorabunt eum omnes reges,*
 Psal. 71. *& omnes gentes seruiant ei. Et noster Daniel:*
 Dan. 7. *Datus est ei principatus & honor & regnum, & omnes populi*
 Esai. 60. *seruiant ei. Et alius Propheta: Afferetur ad te fortitudo gentium,*
 Esai. 60. *& reges earum adducentur; gens enim & regnum quod non seruiert tibi, peribunt. Et adhuc semel:*
 Esai. 49. *Erunt reges nutricij tui, & regina nutrices tua: vultu in terram demisso adorabunt te, & puluerem pedum tuorum lingent. Nunquid huius regni Amplitudo admiranda non est? Nunc quàm inuictum & perpetuum sit, attende.*
 Dan. 2. *Suscitabit Deus cali regnum quod in aeternum non dissipabitur, & regnum eius alteri populo non tradetur: comminuet autem & consumet vniuersa regna hæc, & ipsum stabit in aeternum. Et rursus in alia visione audiuit: Potestas eius potestas aeterna quæ non auferetur, & regnum eius quod non corrumpetur. Quod quum alius Propheta multis verbis cecinisset, Regnum tuum, regnum omnium seculorum, & dominatio tua in omni generatione & generationem. Et iterum, Deo Patre ad Filium incarnandum loquente, Vsq; in aeternum preparabo semen tuum, & edificabo in generatione & generationem sedem tuam; ad rem tam admirandam obstupefactus subiungit: Confitebuntur cali mirabilia tua Domine; etenim veritatem tuam in Ecclesia sanctorum. Huius igitur regni, siue fines, siue copias, siue robur inuictum spectes, vera & solida admiratione digna animaduertis esse omnia.*

Hic forsitan excipiet Romani imperij admirator, hæc quidem quæ diximus summa admiratione esse digna, sed de externo aliquo & aspectabili regno quod in-
 ruentium oculos admiratione percellat, non esse intel-
 ligenda; verum de spiritali tantum quod sensum fu-
 giat: vnius quoque Christi Redemptoris mundi hoc
 regnum esse, non alicuius aut Principis aut populi alte-
 rius. De ipso quippe vno Christi hos omnes Prophetas
 loqui, *qui lapis ille de monte sine manibus abscissus est*, & de
 eius regno, quod nisi spirituale esse quo in cordibus
 credentium regnat, quum primum in hunc mundum
 descendere voluit, Angelus profitebatur dicens, *Re-* Luc. 2.
gnabit in domo Iacob. (quod utique nunquam externa
 dominatione fecit) ipseque postmodum Christus aper-
 te profitebatur dicens, *Regnum meum non est de hoc* Ioan. 19.
mundo. Istud ergo regnum utcunque amplissimum cre-
 dere magis quam contueri, & venerari magis quam
 admirari possumus. Imò verò est hoc ipsum Christi
 regnum utcunque spirituale, maximè tamen aspectabi-
 le. In cordibus quidem credentium regnat Christus:
 Sed ipsi credentes homines sunt. Isti quoque credentes
 fidei suæ magistros, pastores, ac doctores habent. Iidem
 externo cultu vario & conspicuo vtuntur. Hæc omnia
 aspectabilia sunt, & regnum Christi visibile consti-
 tuunt. Rursum non est de hoc mundo Christi regnum,
 sed est in hoc mundo: Non ex hominibus; vt neque ba-
 ptismus Ioannis totus aspectabilis, sed ex cælo est: Matt. 20.
 E cælo potestatem accipit, sed quæ in terra exerceatur. Non est
 humana creatura seu creatio, *χρίσις*, vt potestatem secu-
 larem vocat Petrus, non ex populorum consensu, suf-
 fragiis, authoritate introducta, sed à Deo Patre imme-

Matt. 17. diatè accepta, voce de cælo delapsa: *Ipsum audite*: ab eo
 Matt. 28. per Christum accepta, dicentem: *Omnis potestas data
 mihi est in calo & in terra*. Quam ille rursus ad alios de-
 riuauit, nec in persona sua sed per ministros suos exer-
 Marc. 16. cuit illis dicens: *Euntes in uniuersum mundum prædicate
 euangelium omni creatura*. Et rursus, *Eritis mihi testes in
 Ait. 1. Iudæa & Samaria, & usque ad ultimum terræ*. Ascen-
 dens quippe in altum hæc dona dedit hominibus, *Aposto-*
 Ephes. 4. *los, Prophetas, Pastores, doctores, ad consummationem san-*
ctorum in opus ministerij, in ædificationem corporis Christi:
donec occurramus omnes in unitatem fidei & agnitionis Fi-
lij Dei, &c. Per hos Christus toto orbe regnat. Horum
 ministerio regnum suum inchoauit, propagauit, dila-
 tauit vsque ad vltimos fines terræ.

Dicetis hîc mihi, Quid nunc ergo aliud moliris
 quàm vt Christi Ecclesiam toto orbe dispersam veluti
 regnum illud æternum à Daniele prædictum, tua nobis
 commendet oratio? & (de quo nemo dubitat) Chri-
 stianam & Catholicam Ecclesiam, regnum quoddam
 esse Romano imperio magis admirandum magno mo-
 limine demonstres? Atqui non ego istud molior, nec in
 talem collationem planè vulgare & per se perspicuam
 mea collimat oratio: Illud potiùs mecum considerate,
 An toto passim orbe perinde regnat Christus? An regni
 sui nullam primariam sedem fixam, stabilem, incon-
 cussam, puram, illibatam, pretiosam, validam denique,
 potentem & gloriosam in terris Christus reliquit?
 Matt. 16. Quorsum igitur illa eius ad Petrum verba: *Ego tibi dico,*
Tu es Petrus, & super hanc petram ædificabo Ecclesiam
meam, & porta inferi non præualebunt aduersus eam: & ti-
bi dabo clauces regni calorum; & quæ sequuntur. An non

his verbis vnus designatur perpetuus Petrus, super quem ipse Christus suam semper ædificabit Ecclesiam? *ædificabo, inquit, super hanc petram.* Iste Petrus, hic Cephas, hoc saxum, me qui lapis sum angularis, illum sustinente, protegente, firmante, sui generis fundamentum & firmamentum erit meæ extruendæ, propagandæ & stabiliendæ Ecclesiæ. Mei regni caput, metropolis ac sedes erit: & quidem huiusmodi, vt portæ inferi, nec totius mundi persecutio, nec hæreses quæcunque diaboli arte inuentæ, nec ipsa personalia peccata aduersus hanc petram, vel aduersus meam Ecclesiam eiusque perpetuam propagationem, præualere valeant. Huic quippe perpetuo Petro *dabo clauēs regni cælorum*, id est plenam & adæquatam potestatem omnia administrandi, decernendi, exequendi quæ regnum cælorum (mei regni in hoc mundo finem ac scopum) omnibus in me credentibus quoquo modo aperiant, aut fidem in me suam malè excolentibus quoquo modo claudant. Hic ergo Petrus regni Christi caput in terris ac fundamentum alterum designatus, vbi sedē suam fixit, vbi Christi fidem diutius prædicauit, vbi sanguinem suum fudit, vbi successores reliquit, nisi in vrbe Roma? Suam sedem Romanam esse voluit. Regni sui caput Romanam sedem Christus in Petro posuit. Huc igitur nostra tendit oratio.

CAPVT II.

Argumentum cum sua distributione.

VNVS igitur Romanæ Ecclesiæ in qua Christus potissimum regnare voluit, magnitudinem verè admi-

admirandam, ex certis & amplissimis capitibus, demonstrandam suscepi. verè dico & meritò Admirandam, vel hoc imprimis nomine, quod vt in verbo & promissione Filij Dei fundata fuit, ideoque ipsius Dei opus non humanum, ita eius Admiratio salutaris est, tum quia ex parte intellectus filium Ecclesie & Catholicum aut facit aut firmat (doctrina huic tempori necessaria) tum quia ex parte affectus nullam corruptionem inducit. Romani autem imperij & rerum illarum omnium caducarum admiratio, in huiusmodi rerum amorem incautum animum rapit, quæ semel amatae miserum faciunt: puro & beato rerum diuinarum amore spoliant: amari quippe diuina & humana eadem mente haud secus nequeunt, quàm eodem oculo cælum & terra pariter spectari: vt propterea non modò prudentior sed & beatior fuerit qui talia non admirari didicerit: vnde & illius temporis poëta quo Romanum imperium maximè florere cæpit, ab hac admiratione amicū suum reuocat, his verbis:

Nil admirari prope res est vna Numici,

Solaq; que possit facere & seruare beatum.

Quòd si admiratio sapientiae peperit. philosophiam, quis dubitet quin admiratio vanitatis pariat amorem eiusdem? At sapientissimus Paulus nos monet: *Nolite* 1. Cor. 14. *pueri effici sensibus: malitia paruuli estote, sensibus autem perfecti.* Ad eos loquitur qui dona & charismata admirabantur, ipsius quidem diuini Spiritus, loqui lingua, orare lingua, benedicere spiritu, sed dona inferiora & minus vtilia: & iubet eos æmulari charismata meliora, illa admirari, illa suspicere quæ ædificationem coniunctam habent: hoc perfectorum esse, puerile alterum.

Perten-

Pertentabo igitur, an non ex multis & maximis causis,
 vnius Romanæ Ecclesiæ magnitudinem, proprium fi-
 lij Dei opus, & quam omnes venerari debemus, verè &
 meritò admirandam esse demonstrare queam. Quod ut *Distribu-*
 certo ordine fiat, explorabimus primùm quanta sit eius *110.*
 Amplitudo, quàm longè latèque propagata. Deinde *1.*
 fortitudinem ac robur aduersus omnia huius mundi *2.*
 mala, persecutiones, hæreses, peccata, inuictum explica-
 bimus. Mox potestatis eius plenitudinem tum erga ali- *3.*
 as Ecclesias omnes, tum erga Reges ac Principes huius
 mundi, seu creandos & in sede collocandos, seu ad pa-
 cem conciliandos, seu demum, quum id aut Ecclesiæ sa-
 lus, aut regnorum necessitas postularit, vel censuris Ec-
 clesiasticis castigandos, vel etiam regno exuendos, in-
 quiremus. De vario deinceps honore à summis Regi- *4.*
 bus, ipsisque interdum fidei hostibus huic vni Ecclesiæ
 exhibito, quantus Imperatoribus Romanis exhibitus
 non legitur, aliqua commemorabimus. Subsequentur *5.*
 Operum eius magnitudo, varietas, magnificentia, mul-
 tis certè nominibus admiranda. Atque in his omnibus *6.*
 Romani imperij magnitudinem, à Romanæ Ecclesiæ
 maiestate superatam fuisse, perspicuè ni fallor ostende-
 mus. Tandem & illud docebimus, Romani imperij & *7.*
 exordia & progressus & salutem, à Romanæ Ecclesiæ
 salute & conseruatione; veluti medium à suo fine pen-
 dere ac semper pependisse. Quæ singula si huius tem-
 poris angustia, à me nunc dici non patiat, aliàs di-
 cenda aut promenda reponemus.

CAP. III.

Romanæ Ecclesiæ Amplitudo.

*Cato de
origin.
Plin. lib.
16. c. 10.*

*Oros. lib.
4. cap. 7.*

ROMANI imperij fines & amplitudinem qui admiratur, idem Romanæ Ecclesiæ fines & amplitudinem latissimè propagatam, longissimeq; extensam si expendat, hæc illis longè maiori admiratione digna diffiteri non poterit. Romanæ vrbis imperium totis quadringentis annis ab vrbe condita Italię fines non est egressum, sed cum Samnitibus, Volscis, Vliis, Tuscis toto illo tempore de imperio decertatum, nec nisi sub annum vrbis quadringentesimum septuagesimum Turreno Tusciæ rege Hetruriæ urbem Romanis dedente, & regnum Hetruriæ finitum, & Romanorum arma vltra Apenninum extendi cæperunt. Sed & toto illo tempore non nisi scandulis seu ligneis tegulis tota vrbs tecta fuit, teste Plinio. Sed paulo post anno vrbis cōditæ quadringentesimo octuagesimo tertio, prima extra Italiam arma in Siciliam mouerunt, vt Mamertinis, quorum caput Messana, auxilio essent, contra Afros Hieroni regi opem ferentes Appio Claudio, Quinto Fabio Consulibus. Vbi victorias nacti amplissimas, sequentibus annis in Hispaniam & Africam, in Macedoniam & Græciam, totamque Asiam tanto successu exercitus duxerunt, vt duobus post seculis à Paulo Æmylio Perseo vltimo Macedonum Rege deuicto, à Scipionibus Hispania & Africa subactis, ab altero Scipione magno Antiocho debellato, Asia subiugata, à Lucio Sylla Græcia perdomita, ab vno Pompeio post Mitridatem à Lucullo fractum, Ponto, Cappadocia, Armenia, Albania, Colchide,

Colchide, Hemochia, Caspiis, Iberis, Parthis, Arabia
 atque Iudæa magno Romani nominis terrore captis,
 idque adeò, vt si Plutarcho credimus, trinum è trina *Plutar. in*
 vniuersa orbis parte triumphum duxerit, pauloque *Pompeio.*
 post per Iulium Cæsarem Galliis, Britannia, ac magna
 Germaniæ parte pari felicitate superatis, ac libera tan-
 dem Republica sub vnius imperio redacta, Romanum
 Imperium anno ab vrbe condita septingentesimo, plus
 minus, per Europam, Asiam & Africam extendi fines-
 que latissimos habere cepit. Aliæ quidem adhuc à pro-
 ximis Imperatoribus Augusto maximè, Claudio, Ve-
 spasiano, Traiano, Romano imperio prouinciæ amplif-
 simæ adiectæ fuerunt. Cæterùm nec totum orbem oc-
 cupauit vnquam, vt non animosè tantùm, sed & superbè,
 quia falsò ac vanè Romanarum rerum scriptores aliqui
 iactitarunt, nec ipsius aut Africæ aut Asiæ regna omnia
 sibi subiicere potuit, quum ad Æthiopes & Abyssinos
 nunquam peruenerint, Tartaros & Scythas à Septen-
 trione, Chaldaeos ab Oriente nunquam attigerint, ipsi
 autem Parthi ac Persæ Romani imperij iugum cito
 semper & facilè excusserint. vnde illud in Iulium Cæ-
 sarem scõmma, quia in libris Fatalibus continebatur
 Parthos nisi à Rege non posse vinci, Cæsarem regem *Sueron. in*
 appellari debere. Atqui Romanæ Ecclesiæ amplissimi *Iul. Cæs.*
 fines, & in ipso statim exordio latissimè propagati fue- *cap. 79.*
 re, & vniuersum terrarum orbem iuxta certissima Pro-
 phetarum oracula occuparunt. Nec ea loca tantùm vbi
 Romanorum arma leges dederunt, sed ad vltimos vs-
 que terræ fines, qui de Romana potentia nihil vnquam
 audierunt. verè & animosè non superbè scripsit Pro-
 sper: *Sedes Roma Petri, qua pastoralis honoris Facta caput* *Lib. de*
mundi *Ingratis.*

Ser. I. in
Nat. Petri
& Pauli.

mundi quicquid non possidet armis, religione tenet. Nec minus animosè ac verè Leo ille magnus, urbem Romanam ita compellans: Isti sunt Patres tui veriq; Pastores (Petrum & Paulum dicit) qui te regnis caelestibus inferendam, multò melius multòque felicius condiderunt, quàm illi quorum studio prima mœnium tuorum fundamenta locata sunt, ex quibus qui tibi nomen dedit, fraterna te cade fadu- nit. Isti sunt qui te ad hanc gloriam prouexerunt, ut gens sancta, populus electus, ciuitas sacerdotalis & regia per sacram B. Petri sedem, caput orbis effecta, latius præsideres religione diuina quàm dominatione terrena. Quamuis enim multis aucta victoriis tus imperij tui terra mariq; protuleris, minus tamen est, quod tibi bellicus labor subdidit, quàm quòd pax Christiana subiecit. Hæc B. Leo & gloriosè & verè. Verum quippe & indubitatum est quod de Apostolicis laboribus suo adhuc tempore Paulus affirmavit: In omnem terram exiuit sonus eorum, & in fines orbis terra verba eorum. Verum & indubitatum est toto terrarum orbe veluti in prouincias distributo, facta primùm in Iudæa & Samaria diuini Euangelij prædicatione, iuxta ordinem à Christo præscriptum, Petrum in Italia, Paulum in Græcia, Andream in Achaia, Joannem in Asia, Philippum in Phrygia, Bartholomeum in Schythia, Thomam in utraque India tam Orientali quàm Occidentali, Matthæum in Æthiopia, Simonem in Persia, Thaddæum in Mesopotamia, Iacobum in Hispania hoc Christi regnum, cuius caput Roma, latissimè propagasse. Apostolicos postea viros per reliquum orbem terrarum discursisse, & idem regnum à Romana maximè Ecclesia vnde quaque emissos dilataste, præterquam quod in genere commemorat Eusebius, mox in particulari

Rom. 10.

Orig. hom.
12. in Gen.

I. ab. 3.
cap. 37.

culari docebitur, vbi de Operum eius magnitudine differetur. In ipsa verò vrbe Roma sub D. Clemente proximo ferè Petri successore, Ecclesiam ipsam Romanam tam numerosam & amplam fuisse constat, vt Traianus Imperator ei (vt putabat) malo volens occurrere, cauerit imprimis edicto, ne collegia seu sodalitia essent: quo fretum edicto Plinium Proconsulem Christianorum conuentus vetuisse, eoq̃ue nomine supplicia irrogasse; ipsemet in sua ad Traianum epistola commemorat. Hæc autem Christianorum sodalitia quæ *ἐταίριας* in suo rescripto vocauit Traianus, quàm numerosa & ampla fuerint, totius orbis potentia aduersus ea nequicquam sæuiente, Tertullianum audi cādē ferè ætate ipsis persecutoribus exprobrantem. *Externi*, inquit, *sumus* (sic enim Christianos vocabant gentiles veluti ex Iudæis omnes oriundos) *et vestra omnia impleuimus: vrbes, insulas, castella, municipia, conciliabula, castra ipsa, tribus, decurias, palatium, senatum, forum.* Et paulo post: *Sola vobis reliquimus templa. Si tanta vis hominum in aliquem orbis remoti sinum abrupissemus à vobis, suffudisset utique dominationem vestram tot qualiumcunque amissio ciuium: imò etiam et ipsa destitutione punisset; procul dubiò expauissetis ad solitudinem vestram, ad silentium rerum et stuporem quēdam quasi mortua vrbis: quasissetis quibus in ea imperassetis. Plures hostes quàm ciues vobis remansissent. Nunc enim pauciores hostes habetis præ multitudine Christianorum penè omnium ciuium; penè omnes ciues Christianos habendo: Sed hostes maluistis vocare generis humani, quàm erroris humani.* Hæc ille. Luculenter expressit vt totum Romanum orbem Christianorum populus necdum ducentis post Christum annis occupa-

Plinius
lib. 10.
epist. 97.

Epist. 43.

In Apolo-
getico.
cap. 37.

uerit. Quam sanè eiusdem populi frequentiam nihil postea imminutam fuisse, perpetuæ propemodum Romanorum Imperatorum persecutiones vsque ad Constantinum illum Magnum, qui omnium primus Christianorum toto orbe & aperuit & locupletauit Ecclesias, perspicuè demonstrant. Neque enim aduersus paucos & ignobiles totius imperij potentia tam acriter & acerbè sæuiisset. Vnde non ita multò post Origenes obiiiciēte Celfo Epicureo, *Christianorū dogma obscurum & ignobile esse* rectissimè respondit, *uniuerso terrarum orbi quod predicant Christiani longè esse notius quàm quorumcunque philosophorum placita.* At vbi Rōmāni imperij culmen ipsum, Christi regno colla subiicere cepit (quod apud Origenē idem ille Celsus Epicureus breui futurum formidabat; *& ne omnes toto orbe Christiani fierent, Adrianum Imperatorem templā sine idolis extruere molientem oracula terruerunt.*) ad eò per omnia mundi climata dilatatum hoc regnum est, vt altero post seculo verè scripserit B. Augustinus, *suo tempore impletum fuisse quod ante tot secula promissum est Abrahae, in semine eius benedici omnes gentes:* ideo què vt alibi scribit, *eos qui tunc prodigia peterent, vt Christiani fierent, ipsosmet prodigia & monstrasse qui mundo credente non crederent.* Tamen si quippe ducentis aut trecentis post Constantinum annis mixti Christianis pagani in multis prouinciis vixerint, paganissimi quoque & idololatricæ reliquiae vtcunque variis Imperatorum edictis ac legibus penitus aboleri iussæ, in ipsa vrbe Roma eiusque Senatu non solum ad Ambrosij tempora, qui aduersus Symmachum aram in Senatu postulantem orationem luculentam scripsit, sed etiam vsque ad Gelasium

Lib. 1. cō-
tra Cel-
sum.

Lib. 8.

Acl. Lam-
prid. in A-
lexandro.

Tract. in
epist. 102.

De Ciuit.
Dei, lib.
22. cap. 8

fimum Pontificem, annis ferè post Christum quingentis,
 qui aduersus Andromachum Senatorem, cæterosque ^{Bar. rom.}
 Romanos Lupercalia reposcentes Apologeticum scri- ^{6. p. 512.}
 psit, aliqua ex parte perdurarint; *nec simul ac semel, sed* ^{In Esai.}
paulatim, & per partes omnes gentes Christi fides peruafe- ^{cap. 45.}
rit, (vt rectè annotauit Hieronymus) ipseque alibi Au- ^{Contra}
 gustinus disertè profiteatur, *nonnullas adhuc gentes super-* ^{Crescon.}
esse ad quas Euangelij prædicatio non peruenerit; tamen in ^{lib. 3. cap.}
 vniuerso orbe cognito Christianorum Ecclesias florui- ^{65. epist.}
 se, & Christi regnum per florentissimas terrarum par- ^{80. de}
 tes propagatum fuisse, qui quasi ad oculum cernere ve- ^{nat. &}
 lit, legat & percurrat *Prouincialium omnium Ecclesia-* ^{gras. cap.}
rum cathedralium vniuersi orbis, editum Parisijs, anno ^{2. de vni.}
 millesimo quingentesimo decimo octauo, posteaq; Lug- ^{eccl. cap.}
 duni, anno millesimo quingentesimo quadragesimo ^{14.}
 sexto, sub hoc titulo, *Practica Cancellariæ Apostolicæ,* &c.
 vel magnum illud volumen cui titulus est, *Gloria mun-*
di, parte quarta, cui idem Prouinciale Ecclesiarum in-
 fertum est. In eo quippe omnium totius mundi Archi-
 episcopatus cum suis Ecclesiis suffraganeis tanto nume-
 ro recensentur, vt eorum tantum commemoratio clep-
 sydrum nobis ad dicendum datam penitus exhauriret.
 Sufficit in illo catalogo *centum triginta* Archiepiscopos
 & *mille septem & decem* episcopatus numerari. Quibus
 nunc adde in sola India Occidentali viginti episcopatus
 de nouo erectos, & teste Bozio insignis Ecclesie, templa ^{Lib. 4. c. 3}
 illic constructa circiter septuaginta millia. Taceo Indiæ
 Orientalis insulas permultas, Sinarum populos, & *toto*
penitus diuisos orbe Iapanos, vbi Christi regnum mirificè
 hodie propagatur. Vtriusque huius Indiæ amplissima
 regna Romano imperio penitus incognita fuerunt.

CAP. IIII.

Romana & Catholica Ecclesia eadem.

- D**IXERIT hîc aliquis, ad Ecclesiæ Christianæ propagationem, non autem ad Ecclesiæ Romanæ amplitudinem vniuersum istud pertinere. Atqui istud dicenti aut dicere volenti, breuiter respondendum, primum, nullam in orbe Ecclesiam Catholicam censeri quæ Romanæ Sedis communionem non teneat, eam-
 2. que veluti radicem ac matricem non veneretur. Deinde Episcopales illas Ecclesias, plerasque omnes in tota maximè Europa & Africa à Romanæ Ecclesiæ summo Pontifice vel erectas vel approbatas & cōfirmatas fuisse, vt in dicto prouinciali sigillatim annotatur. Tandem Christianam & Catholicam Ecclesiam ad eam à Romana distinctam non esse, vt in tota antiquitate, Romana & Catholica Ecclesia pro eodem & veluti synonyma habita fuerint: quod postremum aliquot nunc exemplis demonstabo. Nempe vt Romani imperij socij reliquæ gentes illi subditæ dicebantur: imò lege sancitum erat, *vt omnes qui sub orbe Romano essent, Romani ciues appellarentur*; ideoque ciues Romani habui sunt, qui nec Romæ nati, nec Italiæ fines vnquam ingressi fuerant, vt Paulus noster Tarsi Ciliciæ natus antequam Romam vidisset, *ciuem se Romanum etiam nātum profitebatur*, imò & Senatores Romani plurimi habebantur qui Romam nunquam viderant, vt attestatur B. Augustinus; sic propter eiusdem religionis communionem, & maximè propter Christianæ religionis caput Romanum Pontificem, cuius inembra ceteri

*L. in vrbe
Roma. ff.
de statu
hominum
iuxta le-
gionē Al-
ciati.
Añ. 22.*

*De Ciuit.
Dei lib. 5.
cap. 15.*

Chri-

Christiani omnes se profitentur, Romanæ Ecclesiæ dicuntur, quotquot ad Catholicam toto orbe Ecclesiam spectant. Hinc scribit Optatus cum Papa Siricio sui temporis Romano Pontifice *totum orbem in una communionis societate concordare*. Sic Hieronymus ad Damasum. *Beatitudinitus, id est, cathedra Petri communi- In epist. ad Damasum.* one consocior. Scribit Ambrosius de fratre suo Satyro eum foris peregrinantem quocunque appelleret, ab Episcopo loci percontari solitum, *an cum Episcopis Catholicis, hoc est, cum Romana Ecclesia conueniret*. Ciprianus acceptis à quodam Episcopo literis Romam mittendis ait. *Scripsisti ut exemplum earundem literarum ad Cornelium (erat is Romanus Pontifex) transmitterem, ut deposita omni solitudine sciret te secum, id est cum Catholica Ecclesia conuenire*. B. Augustinus scribit, contra Pelagium *non solum Episcopalia Concilia & Sedem Apostolicam, sed etiam uniuersam Romanam Ecclesiam Romanumq; imperium rectissimè commotū fuisse*; Romanam Ecclesiam sicut Romanum imperium dicit per totum orbem diffusam. Eodem sensu Innocentij & Zosimi Rom. Pontif. aduersus Pelagianos prolatam sententiam, *Ecclesiæ Dei Catholica prolatum iudicium*, vocat Possidonius Episcopus in vita B. Augustini. Nec aliter aduersus Ruffinum Hieronymus. *Si Romanam fidem suam dicit, ergo Catholici sumus*. Sed & ipsi hæretici ita loqui didicerant. Refert Victor Vticensis, Ariani Episcopi ad Regem Vandalorum verba de quodam Catholico non occidendo, sed in exilium mittendo. *Si gladio peremeris, incipient Romani martyrem predicare*. Et apud Gregorium Turonensem ita alius loquitur Ari- De glor. martyrr. cap. 30.

num de hoc Romanorum presbytero: quam phrasim sæpe apud illum authorem Ariani repetunt. Sanè Theodosius iunior ad Acacium Beroensem Episcopum ita scribit. Vos probatos Romanæ Ecclesiæ sacerdotes esse manifesto argumento declarate. Sic Catholicos dici & haberi discernit Gratianus, eos solos qui Damasi Romani Pontificis communionē amplexarentur. Refert Theodoretus. Sanè Donatistæ, quia nisi Romanæ Ecclesiæ filij haberentur, inter Catholicos reputari se non posse aduertebant, commento admodum ridiculo suos quosdam Romam miserunt, qui in mōtibz & speluncis iuxta urbē (vnde & Montenses nuncupati sunt) Episcopalem sedem occuparent, quod cum aliqua successione diu fecerant, priusquam ad publicam notitiam res deueniret, vt latè commemorat Optatus. Eadem etiam ex causa Marcion & Cerdo vetustissimi hæretici, Romam pergentes vtcunque ducentis sestertiis Ecclesiæ illatis, Romanæ Ecclesiæ communionem frustra ambiebant. Origenes quoque à Dionysio Alexandrino in hæresis suspicionem meritò vocatus, non solùm apud Fabianum Papam missa fidei suæ professione se purgavit (quod solum narrat Eusebius) sed & ipsemet sub eodem Pontifice Romam venit, etsi antea sub Zepherino Papa Romanæ fuisset, haud dubiè vt plenius se apud Romanam Ecclesiam purgaret. Cuius quidem rei alia multa exempla adferri possent. Sed docent hæc pauca luculenter Romanam Ecclesiam & Catholicam pro eodē semper à fidelibus habitam fuisse, ideoque quæcunque ad Catholicæ Ecclesiæ propagationem toto orbe factam pertinent, Romanæ Ecclesiæ amplitudinem finesque latissimos demonstrare.

Cap. 25.
& 79.

In Actis
Conc.
Ephes.
apud Pel-
tunum,
tom. 5.
cap. 10.
Hist. Eccl.
lib. 5. c. 2.

Lib. 2.

Lib. 6.
cap. 28.

Bar. tom.
2. pag.
435.

CAP. V.

Romani imperij periodus breuis.

AD eiusdem Ecclesiæ fortitudinem ac robur inui-
ctum nostra nunc se vertat oratio. Sed Romani
imperij breuem periodum prius ante oculos ponamus.
Romanæ quidem vrbis potestas amplissima, vbi post
maximas in bellis punicis acceptas clades, post tribuni-
cios furores, post Mariana & Syllana tempora ciuium
cæde & cruore redundantia, ad aliquam tandem mo-
lem excreuerat, mole ruebat sua; tota que amissa liber-
tate, pro qua conseruanda expulsis Regibus totis penè
sexcentis annis dimicauerat, demum ciuilibus bellis
penitus fracti atq; subacti, ad vnius hominis imperium
colla subiicere Romani illi rerum domini coacti sunt.
Tamen si quippe Octauio Augusto ciuilibus omnibus
sublatis bellis solo tandem imperante, Imperij Roma-
ni florentissima facies resplenderet, & domi ac militiæ
Romanum nomen in summa gloria claresceret, domi
quidem Senatu ac ciuibus altissima pace, & rerum om-
nium affluentia gaudentibus, foris autem legionibus
Romanis subacti, orbis prouincias in officio conti-
nentibus, & post Augustum tribus circiter seculis for-
tissimi quidam Imperatores Tiberius primis saltem im-
perij sui annis, Vespasianus, Titus, Traianus, Hadria-
nus, duo aut tres Antonini, pauci que alij, Philippus,
Valerianus, Claudius, Tacitus, Probus, Diocletianus,
Romani imperij decus & honorem rebus fortissimè
gestis sustinuerunt, & ciuibus grati & hostibus terrori;
alios tamen interea Imperatores crudelitate in ciues,

ignauia in hostes, libidine & flagitiis infames, eundem circa finem vitæ Tiberium, Caligulam, Claudium, Neronem, Vitellium, Domitianum, Commodum, Seuerum, Caracallam, Heliogabalum, Maximinum, Gallienum, cum suis triginta Tyrannis, monstra potius hominum quàm homines ita Roma sustinuit, vt non tam orbi imperare, quàm seruitutem seruire, imò lanienam pati, & turpissimam & acerbissimam meritò videretur. Successit postea Christianorum Imperatorum laudatissima series, Constantini Magni, Iouiniani, Valentiniani senioris, Gratiani, Theodosij Magni, Arcadij & Honorij, qui vno plus minus seculo Romani imperij dignitatem splendidè sustinebant. Sed aliis interea Imperatoribus impiis, Christi regnum grauitè affligentibus, Constantio & Valente Arianis, Iuliano apostata, & in impietatis pœnam barbaris vndique irrumpentibus, ac Romanum imperium tam in Oriente quàm in Occidente foedè lacerantibus; Gothis primùm, mox Bulgaris, Hunnis, deinde & Vandalis, in Occidente, quidem post Honorium plurimistyrannis imperium frustra affectantibus, ipsisque mox Vandalis, Gothis & Longobardis, Africam, Italiam, Hispaniam, Gallias penè pro libito vastantibus, per totos ferè quadringentos annos imperari cessatum est; nisi quod per exarchos suos Rauennæ positos speciem quandā imperij, Orientales illi Principes agrè aliquamdiu retinuerint. In Oriente enim, vno ferè aut altero post Arcadium seculo Imperij Romani culmen vtcunque eminuit, in Theodosio iuniore, Martiano, Leone primo, Iustino seniore, Iustiniano, Iustino iuniore, ac Tiberio, satis fortiter & gloriosè imperantibus. Cæterùm tum interea temporis
impus

impius ille Zenon & Anastasius hæreticæ prauitati patrocinantibus imperij gloriam fœdè macularunt, tum sequentibus post sæculis, Mauritij auaritia, Phocæ crudelitas, Heraclij & filiorum eius varia impietas, mox Iconomachorum Constantini Pogonati, Leonis secundi, Philippici primi, Leonis tertij, Isaurici, Constantini Copronymi, Leonis quarti, longa & execrabilis successio imperium Romanum ita fœdauit, debilitauit, fregit, vt nouum in Occidente imperium stabilire Romanæ Sedis Antistes, & Ecclesiæ petra in persona Caroli Magni & successorum eius debuerit. Quo quidem per aliquot iam secula ad nostrum vsque tempus vtcunque florente, Orientale interim imperium varia forma vsum, partim ipsorum Imperatorum maiori ex parte, aut fœda & flagitiosa libidine, aut scelere & crudelitate immani (quæ in particulari qui scire auct, Zonaram legat) partim cleri ac populi vario ac impio sæpeq; repetito schismate (de quo mox) diu multumq; agitatum ac laceratum, à Tartaris ac Sarracenis primùm, deinde à Turcis oppugnatum, Regum interea ac Principum Occidentalium armis & copiis amplissimis sæpe & identidem recreatum, roboratum, restauratum (quæ postea sigillatim dicentur) nunc tamen suorum Imperatorum perfidia & ignauia, ante sesquiseculum penitus deiectum & extinctum iacet. Ita barbarorum paulatim incursus, ipsorumq; Imperatorum vel ignauia, vel libido, vel impietas Romani imperij magnitudinē quanta, quanta erat, in ipso Occidēte & capite Roma primùm, postea in Oriente, labefactauit, fregit, perdidit, vt vanè cecinerit poëta, *Imperium sine fine dedi, vanè vrbs æterna deorum cura, vrbs mundi domina.* ratione quidem huius

Tom. 3.

Imperij celebrata & nuncupata fuerit. Vnde Imperij huius ratione non malè cecinit poëta nostri temporis:

Roma fuit quondam terra Regina marisq̃.

At nunc necterras, nec mare Roma regit.

Sed verò Ecclesiæ Romanæ respectu quam ille poëta illis versibus perstringere voluit, rectiùs ego dixerim:

Roma fuit quondam terra Regina marisq̃.

Nunc mare, nunc terras, amplius illa regit.

In epist.
ad Rom.
hom. 3. 2.

Nam Ecclesia Romana quæ pariter ferè cum Imperio Romano ortum suum accepit, quæ non à Romulo aut Remo, quorum alter à fratre occisus, alter à Senatu discerptus fuit, sed à Petro & Paulo gloriosissimis Christi Apostolis, qui animas suas pro Christo tradiderunt, fundata est, de quibus ita Chrysostomus; *Admiror urbem Romam non propter copiam auri, non propter columnas, neque propter aliam rem, sed propter columnas illas Ecclesiæ, quibus veluti coronis duabus ornatur vrbs illa, quibus veluti duobus oculis toto orbe resplendet;* ad cuius exor-

Dio. Rom.
hist. lib.
37.

tum (Christo videlicet proximè nascituro) *Imago Lupæ cum Remo ac Romulo consecrata in capitolio veluti de calo tacta cecidit,* aliaque multa tum in vrbe, tum in cælo prodigia apparuerunt; quæ nec Augustum, nec Imperium illius vrbs, sed Christum & Ecclesiam Christi in illa vrbe potissimum dominaturam significabant, ut latè & doctè prosequitur rerum nostrarum nobilis Historicus Paulus Orosius; hæc, inquam, Ecclesia Romana utcunque omnis generis hostes, persecutiones, insidias, odia & inuidiam perpeffa, per sedecim iam penè secula stetit, nihilominus inuicta, statque floretq̃, gloriosa. Quod nunc compendio demonstrabo.

Lib. 6.
cap. 18.

CAPVT VI.

Romana Ecclesia fortitudo aduersus persecutiones ethnicas.

ROMANI illi Imperatores qui totis primis trecentis Imperij Romani annis orbi imperarūt, in hanc maximè Ecclesiam Romanam eiusque Pontifices, totis quasi collectis viribus ac copiis sæuierunt. Viginti septem ordine Pontifices, à B. Petro & Paulo auspicati trucidarunt. Nam & Imperatores qui inter persecutores non numerantur, vt Vespasianus, Titus, Nerua, Commodus, Alexander, Seuerus, Galienus, & alij, vt-cunque alios toto orbe Christianos cruētis legibus non persequebantur, suorum tamen temporum Romani Pontifices eorumque clerum mactare non desinebant, quo factum est vt ad Constantini vsque tempora Romani omnes Pontifices vix vno aut altero excepto martyres extiterint. At decem aut duodecim illi qui numerantur persecutores, Nero, Domitianus, Marcus, Antoninus, Seuerus, Maximinus, Decius, Aurelianus, & omnium maximè cum suo Herculio Maximiniano Diocletianus non illius tantum vrbis clerum, ac populum ad multa hominum millia interemerunt, sed & in-
numeros alios extra urbem Christianos, Romam pertrahere, & in ea potissimum vrbe lanienis cōficere consueuerunt. Testis huius rei locupletissimus Plinius secundus est, qui Bythinix Proconsul quum in Christianos ex Traiani mandato sæuaret, ita ad eum scribit: *Fuerunt alij similis amētia* (Christianos dicit) *quos quia ciues* Lib. 10. epist. 97. *Romani erant, annotauit in urbem mittendos.* Nec ciues tantum

tantum Romani, sed & celebriores alij Christiani Romam mactandi mittebantur, vt de ipso imprimis Beatissimo Ioanne Euangelista constat, ex Asia Romam misso, ibique in olei feruentis dolium coniecto, *unde*

Tertull. in
Praescript.

vegetior solito exiuit. Item de Sancto Ignatio Smyrnenfi Episcopo, de Sancto Onesimo Ephesino Episcopo, multisque aliis nobilissimis martyribus, vt in Martyrogiis obseruare licet. Ira vna Roma mactandis Christi ouibus generale quasi macellum erat. In ea aut Imperatores aut Praefecti vrbis perpetuam Christianorum carnificinam exercebant, & vocante ad pugnam hoste,

Epist. 57.

non singuli milites, sed tota simul castra prodibant, vt scribit ad Cornelium Papam Cyprianus. Nec vsquam terrarum Christianus sanguis vberius effusus est, quam in

Serm. 1.
in Nat.
Petri &
Pauli.

vna vrbe Roma. *Illa quippe (ait B. Leo) sicuti omnibus penè dominabatur gentibus, ita omnium gentium seruiebat erroribus: & magnam sibi videbatur assumpsisse religionem, quia nullam respuebat falsitatem.* Et iterum: *Hic conculcanda philosophiae opiniones, hic dissoluenda erant terrena sapientiae vanitates, hic confutandi demonum cultus,*

Ibidem.

hic omnium sacrilegiorum impietas destruenda, ubi diligentissima superstitione habebatur collectum quicquid vsquam fuerat vanis erroribus institutum. Illa igitur vna vrbs quanto tenacius erat diabolo alligata, tanto pertinacius veritatem est persequuta. Quare illam urbem,

Ibidem.

vt verè scribit B. Leo, beatorum millia martyrum Apostolicorum amuli triumphorum purpuratis, & longè latèque rutilantibus populis ambierunt, & quasi ex multarum honore gemmarum conferto vno diademate coronarunt.

In praefat.
lib. 3. ad
Gal.

Nec vsquam terrarum, vt scripsit B. Hieronymus, tanto studio & frequentia ad Ecclesias, & ad martyrum sepulchra

chra ut in vna Roma concurritur, vbi ad similitudinem celestis tonitruum Amen roboratur, & vacua idolorum templa quatiuntur. Ita quod de Christo prædictum erat in hac maxima vrbe & Ecclesia Romana, vbi Christi sedet vicarius, completum est, Dominare in medio inimicorum tuorum. Nusquam infensos magis hostes habuit Christi Ecclesia. Nusquam eadem gloriosius & diutius floruit.

Psal. 109.

CAP. VII.

Romana Ecclesia fortitudo aduersus hæresum persecutiones.

SED hac tandem persecutionis ethnica tempestate sedata, & per Christianos Principes pace Ecclesiis reddita, an hanc Romanam nullæ aliæ portæ inferi oppugnarunt? vtique multò sæuiores magisque infestæ. Hæreses quippe & atroces & variæ, & Imperij Romani viribus armatæ, sequentibus seculis eam certatim infestarunt: & erat hæc pugna acerbior, quia aduersus domesticos, & sub specie communis fidei latentes hostes. *Persecutor quippe paganus* (vt scribit Augustinus) *aper- tè sauit vt leo, hæreticus insidiatur vt draco.* Ille cogit negare Christum, iste docet: ille ingerebat violentias, iste insidias: aduersus illum opus erat patientia, aduersus hunc opus est vigilantia. Sed Ecclesia Romana quâ aduersus paganos patientia inuicta, eadem aduersus hæreticos vigilantia solerti vsa est, & quæ vicit leonem, vicit & draconem, iuxta illud Propheticum: *Conculcabis leonem & draconem.* Leo sauit apertè (ait in eum locum Augustinus) *Draco occultè insidiatur.* Utramque vim & potestatem habet diabolus: quando martyres occidebantur,

ENATTAL.
in Psal.
39.

Psal. 90.

Leo erat fauens: quando hæretici insidiantur, draco est surrepens. Omnes autem in vniuersum insidiantes hæreticos, omnes illos circumlatrantes Ecclesiam canes, omnes Satanæ proprios ministros, vna Ecclesia Romana ita perpetuo cavit, abegit, prostrauit, vt non modò nulla vnquam hæresis rubigine illa Sancta Sedes attacta fuerit, verùm etiam omnes in vniuersum hæreses ipsa confecerit, ipsa iugulauerit, suo calculo, iudicio, decreto profligauerit. Arianam hæresim vtrunque Constantio ac Valente Imperatoribus, eam in Oriente summo studio propagantibus, Liberius, Damasus, Iulius Romani Pontifices, à toto Occidente longissimè propulerunt. Macedonianos hæreticos idem Damasus, Donatistas Melchiades, Nestorianos ac Pelagianos, Cælestinus, Zosymus, Innocentius, Eutychetistas, *Leo ille Magnus*, Monothelitas, *Agatho*; Harum quoque sectarum varias ac potentes reliquias à magnis illis Patriarchis Antiocheno, Alexandrino & Constantinopolitano turpiter susceptas, Imperatorum Heraclij, Zenonis, Anastasij, posteaq; Iustiniani patrocínio in posterioribus Imperij sui annis acriter defensas, fortissimi semper & inuicti Romani Pontifices, *Simplicius*, *Felix tertius*, *Gelasius secundus*, *Symmachus*, *Hormisdas*, *Agapetus*, *Siluerius*, piè, fortiter ac strenuè debellarunt, aduersus singulos istos Imperatores singulari certamine depugnantes: vt eorum Epistolæ decretales omnibus legētib; demonstrant. Imò in omnibus aduersus huiusmodi hæreses collectis Synodis Romanorum Pontificum epistolę per legatos suos missę præiudicatam sententiam tulerunt, vt in singulis illis magnis & primis Conciliis (Niceno primo, Ephesino primo, Chalcedonensi, Constantinopolitano

politano secundo & tertio) videre licet. Nec secus postea contra Iconomachos Imperatores nuper à me commemoratos, fortissimi Romani Pontifices, Constantinus, Gregorius secundus & tertius, Zacharias pro muro Dei sese opposuerunt, & ab omni prauæ doctrinæ fermento Sanctam Sedem illibatam seruarunt, quæ explicatiùs postea dicentur. Aliis postea surgentibus in Græcia hæresibus, illa imprimis contra processionem Spiritus sancti à Patre Filióque, auctore Phoca, seu Photio Constantinopolitano, cuius insaniam Michaël Imperator strenuè protegebat, Nicolaus primus Romanus Pontifex fortissimè se opposuit; reliquique post eum Pontifices ab omni semper hæresi prorsus immunes ad Græcos illos in Ecclesiæ gremio continendos multis coactis Conciliis variis legationibus in Orientem missis, omnem operam ac studium collocarunt, nullū non mouerunt lapidem (vt postea latiùs explicabitur) donec terdecies (vt notauit Trithemius) cum Latinis conciliati, semperque ab vnitæ Romanæ cathedræ resistentes, Mahometistis tandem in prædam & seruitutem acerbissimam dati sunt, in qua & hodie desudant. Reliquis igitur omnibus Apostolicis sedibus, Alexandrina, Antiochena, Ephesinā, Hierosolymitana, ac demum Constantinopolitana ipsa Romanæ æmula (vt mox dicemus) è regno Christi excisis, & propter hæreses quas amplexæ sunt, à toto Christianismo ad Mahometismum apostatātibus (Alexandriam quippe & vniuersam Ægyptum tunc occuparunt Sarraceni, cū Cy-
rus Monothebita Patriarcham ageret, Antiochiam & Syriam Homar Mahometis successor tunc debellauit, quum Anastasius Iacobita de secta Eutychetis Patriar-

*In Chro-
nico mo-
nasterij
Hirsau-
gensi.*

*Paulus
Dracon.
lib. 18.*

cha esset Antiochenus; Constantinopolim & Aſiam minorem totam tunc ſubiugauit Mahometes Turcarum Imperator, quum ab vnione Romanæ Eccleſiæ in Concilio Florentino maximo Græcorum conſenſu firmata, paulo poſt leuitate Græca reſilirent, nec in Africa Mauri Mahometis leges ſuſceperunt, niſi Ariani quum eſſent) ſola Romana Petra aduerſus omnes hæreſes, Dei beneficio, & iuxta Chriſti inſallibile verbum triumphans, immobilis & inuicta ſtetit ac ſtat. Nec minori robore ac firmitate aduerſus Occidētales hæreticos poſtremis ſeculis exortos, Gallos maximè ac Germanos, Berengarium, Petrobruſſianos, Henricianos, Waldenſes, Albigenſes, Lolhardos, Wiclephiſtas, Huſſitas, ac noſtra demum ætate Lutheranos, Caluiniſtas, Anabaptiſtas, & alia ſectarum portenta multiplicia, vna Romana Eccleſia fortiſſimè præualuit; non ipſa tantum ſana ſemper & illibata, ſed & reliquas Eccleſias orthodoxas ſuo robore firmans; vt nec in fide ipſa vnquam deficeret, & fratres præterea ſuos confirmaret, iuxta

LUC. 22. Chriſti verbum. Et quum his annis octoginta vnā Romanam Sedem omnes horum temporum hæreſes, vnanimi & ferociſſimo impetu, omnibus & viribus & artibus impugnaverint, ſtat ſtetitque hæc religionis arx inexpugnabilis: & ridiculè Pſeudopropheta Lutherus, cæterorum omnium Patriarcha in tumultu ſuo ſcribi iuſſit:

P eſtis eram viuens, moriens ero mors tua Papa.

Mortuus quidem ille eſt ac ſepultus in inferno; & ſectam penè totam Caluiniſmus ſua noua luce offuſcauit; viuut ac floret Sedes Apoſtolica Romana.

*Romana Ecclesiæ fortitudo contra schisma Græcorum
& cruces domesticas.*

PRÆTER hanc duplicem rabiem Leonis ac Draconis à Romana Ecclesia per sexdecim iam secula conculcatam, super aspidem quoque & basiliscum ambulauit, Seculi ambitionem variam, à qua multa quoque & acerba passa est, fortissimè superauit. Quū enim Constantinopolitani Patriarche in illa noua Roma veteris Romæ æmuli esse voluerunt, ac primum quidem cæteris sedibus Patriarchalibus, Alexandrinæ & Antiochenæ contra Nicenos Canones sese anteposuerunt, vt proximi post Romanū essent, illi ambitioni in Cōcilio Chalcedonensi erumpenti Leo Magnus & alij successores fortissimè se opposuerunt, postmodum verò etiam Oecumenici & vniuersales Episcopi quasi suprema totius orbis Christiani capita nuncupari quum vellent, quod sub Mauritio Imperatore Ioannes Constantino-

*Leo 9. in
epist. ad-
uersus
præsumpt.
Nub. &
Leonis Ar-
chiep. c. 9.*

politanus maximo studio affectauit, Gregorius Magnus vtrique strenuè aduersatus, Ioānis superbiam fregit, Imperatorem deterruit; nec tota illa Orientalis Imperij ambitio ac superbia, vtcunque totis quadringentis annis sese obdurauerat, vsque ad Leonis noni tempora, Petræ Romanæ iustam auctoritatem vel frangere vel imminuere hætenus potuit.

*Cruces
domestica.
Platina in
Vital. do-
no Agath.
& Leon. 2*

Fractis iam Orientalis Imperij viribus, & Occiden-

ne Romanæ Sedis æmulis, quorum audacia vix post annos septuaginta frangi potuit, multa dura & acerba tulit. Pulsis postea tota Italia Exarchis, & Imperatorum Orientalium Ducibus, ab ipsis Italiæ Regibus, vt plurimum Arianis, primum Ostrogothis, deinde Vandalis, mox Hunnis, postea Herulis, ac demùm Longobardis, grauissimè & diutissimè agitata fuit: non solùm ipsa vrbe Rōma à Genfericho Vandalo, à Totila & Alarico Gothis tercapta atque vastata, sed omnibus ferè Catholicorum Ecclesiis tota Italia aut clausis, & subuersis, vt sub Gothis; aut impia Arianorum communione pollutis, vt sub Longobardis. Nam sub Rothari Rege Longobardo, in omnibus ferè Italiæ vrbibus duæ Ecclesiæ & duo Antistites Catholicus & Arianus constituti sunt. Omnem tamen hanc tam grauem, & tam vicinam luem in ipsis penè visceribus grassantem vicit ac superauit, seseque semper ab omni hæresi puram & illibatam serauit, sed & pestes illas omnes extinxit ac profligauit Sancta Romana Ecclesia Christi verbo stabilita.

Quid? quod ab ipsis Romanis suis ciuibus Senatoriam dignitatem recuperare volentibus, dira & acerba passi sunt Romani Pontifices, idque totis ferè centum annis, si vera narrat Sabellicus? Sanè hanc vnam ob causam Auinione in Gallia totis septuaginta annis veluti ab vrbe Roma exulantes, Sedem suam Romani Pontifices tenuerunt. Sed & hoc domestico malo perdomito firma & fixa constitit.

Schisma-
ta Ecclesia
Romana. Porro ne quæ deessent inferorum portæ, machinæq;
Diabolicæ ad Petram istam Romanam sua Sede exturbandam, ante annos iam mille & amplius, quædam in

Sabell.
Aenead.
8. lib. 6.
Plat. in
Mart. 1.

Aen. 9.
lib. 1.

ea schismata circa veri Pontificis electionem, eaq; gra-
 uia exorta sunt, quæ Principes & populos Christianos
 in diuersas partes traxerunt, maximumq; illi Sedi scan-
 dalum pepererunt. In primo schismate, quum impius
 ille Nouatianus aduersus Cornelium Papam Pseudo-
 pontificem ageret, adeò vi ille Sanctus id acerbè tulit,
ut multo patientius ac tolerabilius amulum Principem De- Lib. 4.
cium persecutorem aduersum se insurgere, quàm amulum epist. 2.
sacerdotem aduersum se constitui cerneret, quemadmo-
 dum de eo scribit B. Cyprianus. Aduersus S. Damasum Bar. tom.
 Laurentius pro antipapa se gerens annis quàm pluri-
 mis, & Sedem illam & Imperatorem optimum Theo-
 dosium insigniter exercuit. Huiusmodi schismata nu-
 merantur viginti quinque, quorum duo annis viginti;
 vnum etiam annis quadraginta perdurauit, idque eo
 tempore quo Hussitarum sectæ grassantes, tam Sedem
 Romanam, quàm fidem ipsam labefactare conatæ sunt.
 Sed & contra hanc inferorum portam præualuit Petra
 Romana, eiusque perpetui Episcopi serie ac successione
 continua, à S. Petro ad Clementem octauum Pontifi-
 cem Sanctissimum, hodie gloriosè regnantem, vsque ad
 ducentos triginta quinque numerantur.

Tandem postquam omnibus ferè malis, ab impieta-
 te & ambitione Orientali, à perturbatione ciuili ac
 domestica Romanam Sedem infestantibus occursum
 fuisse videbatur, translato in Occidentem Imperio, ip-
 sosmet Germanos Imperatores non paucos (qui huius Impera-
 Sedis beneficio Imperij diadema gestant) *Fridericum* torii Ger-
Barbarossam sub Alexandro tertio, *Henricum quartum*, manorum
sub Gregorio septimo, *Henricum quintum*, sub Paschali vexatio.
secundo, *Philippum*, sub Innocentio tertio, *Ludouicum*

Baui-

Bauarum, sub Ioanne vicesimo secundo infensissimos hostes habuit, multaqué ab illis & indigna & acerba perpeffa est. Nam & in horum Principum fauorem quidam illorum temporum scriptores Romanam Ecclesiam multis calumniis asperferunt, legitima sua auctoritate magna ex parte spoliare contenderunt, *Dantes Aligerius, Marsilius Patavinus, Guilielmus Occam, Ioannes Parisiensis*, & alij nonnulli: quorum omnium insolentiam, furorem, rabiem, inuicta hæc Romana Petra, veluti rupes solidissima facilè decussit, labefactauit, fregit, vt de his omnibus cū Propheta dicere & triumphare meritò possit: *Sagitta paruulorum facta sunt plaga illorum*: Et rursum: *In Petra exaltauit me, & super inimicos meos exaltauit caput meum*. Hæc scilicet fuerunt Romanæ Ecclesiæ bella Punica, hi veluti tribunitij furores, hæc eius Mariana & Syllana tempora, ciuilia, intestina & domestica mala, quibus tamen libertatem non amisit, vt Roma ethnica orbis domina: Hic eius Barbari, Vandali, Gothi, Hunni, Longobardi, Sarraceni, Turcæ, propter quos tamen primatū à Christo dato non excidit; sicuti Romanum Imperium sua tota per orbem dominatione exutum fuit, nisi quam illi Romana hæc Sedes propter bonum Ecclesiæ, & vt Christi regno seruiret, benignè postea restituit. Sic Romana fortitudo & robur eius inuictum non à Romano Imperio, sed à Romana Ecclesia (si veri rerum aestimatores esse volumus) prædicari & admiratione digna videri debent. Sicuti ergo in eius Amplitudine latissimè propagata stat Christi verbum, *Super hanc petram edificabo Ecclesiam meam*, ita in eius fortitudine ac robore inuictō, stetit alterum Christi verbum, portæ inferi non

præualebunt aduersus eam. ne quidem peccata ipsa scelera & flagitia, quibus aliqui etsi pauciores Romani Pontifices nō caruerunt; & quidem ab anno octingentesimo septuagesimo quarto, per annos centum quinquaginta, Pontifices circiter quinquaginta, à Ioanne octauo vsque ad Leonem nonum, (exceptis quinque intermediis, Martino secundo, Agapeto secundo, Ioanne decimo septimo, Sergio quarto, Gregorio sexto) propter Germanicos Imperatores liberam & canonicam Romani Pontificis electionem impredientes à virtute maiorum plurimum deficiētes parum Apostolici visi sunt. Sed alia Dei promissio hanc vnam sedem conseruauit. *Si dereliquerint filij eius legem meam, & in iudicijs meis non ambulauerint, si iustitias meas profanauerint,* Psal. 88.
mandata mea non custodierint, visitabo in virga iniquitates eorum, & in verberibus peccata eorum: Misericordiam autem meam non dispergam ab eo, neque nocebo in veritate mea, neque profanabo testamētum meum, & quæ procedunt de labijs meis non faciam irrita. Semel iuravi in sancto meo si Dauid mentiar, semen eius in aeternum manebit, & thronus eius sicut sol in conspectu meo, & sicut luna perfecta in aeternum, & testis in calo fidelis. Quod totum vt de Catholica Christi Ecclesia nunquam interitura verum est, ita de huius Ecclesie Petra, fundamento, capite, verissimum esse dubitari non debet.

CAP. IX.

Potestatis plenitudo erga alias Ecclesias.

VENIO nunc ad tertium Christi verbum, *Et tibi Petre dabo clauēs regni calorum, vt de potestatis plenitudine* mar 16
E tudine

tudine Petro eiusque successoribus Romanæ Ecclesiæ Pontificibus data pauca dicamus: Et de ea quidem erga alias Christi Ecclesias ipsumque vniuersum clerum regno Christi propagando, administrando & consummando dicatum & consecratum, non est opus in hoc argumēto multa proferre. Tractarunt hanc partē sigillatim, accuratè, copiosè plurimi hodie cōtrouersiarum tractatores, compendio tamen præcipua attingam. Sedis Romanæ Pontificem omnium Ecclesiarum caput, ac Præsidentem supremum tota cognouit antiquitas orthodoxa. *Uniuersalem & Oecumenicum Patriarcham* in persona Leonis Magni agnouit concilium Chalcedonense Episcoporum sexcentorum, tametsi hoc titulo Romani Pontifices nunquam uti voluerint, ut affirmat *Leo nonus*. *Omniū Ecclesiarum caput*, apud victorem Eugenius Carthaginis Archiepiscopus. *Principem Episcoporum*, Optatus. *Totius orbis magistrum*, Chrysostomus. *Rectorem domus Dei, quam columnam & firmamentum veritatis Paulus vocat*, Ambrosius. *Catholica Ecclesia Episcopum*, Cyprianus τῆς ἐκκλ. σίας παγκοσμίου κοσμητορ. *Totius Ecclesiæ toto orbe dispersa principem*, Damascenus. *Ecclesiam principalem unde unitas sacerdotalis exorta est*, idē Cyprianus. & rursus, *qui cathedram Petri super quam fundatur Ecclesia deserit, in Ecclesia esse non posse*. *Qui exierit foras ab Ecclesia Petri, siti perire*, Arnobius. *Qui extra hanc domum agnum comedit, profanum esse*, Hieronymus. *Ad unam Petri sedem vniuersalis Ecclesiæ curam confluere*, *Leo*. *In specula pastoralis excelsiori eminere fastigio*, Augustinus. *Pro ipso principatu solam Apostolorum Principis Sedem in auctoritate conualuisse*, Gregorius Magnus. *Ad unam Roma-*

^a Añ. 3.
epist. allegat.
anno domini
1020.

^b Lib. 2.

^c Lib. 2.

^d Hom.
87. in Ioan.

^e In com.
in 1. Tim.

^f Lib. 3.

^g epist. 11.

^h In orat.
de transfigura-

ⁱ tione Domini.

^k Lib. 3.

^l epist. 3.

^m De unitate Ecclesiæ.

ⁿ In Psal.
106.

^o In epist.
ad Damascum.

^p epist.

^q 82.

^r Lib. 1. c. 1
con. 2. epi-

^s stol. Pel.

^t Lib. 6.

^u epist. 37.

^v Lib. 3.

^w p. 3.

nam Ecclesiam propter potentiorē principalitatem necesse
 esse omnem conuenire Ecclesiam, id est, eos qui sunt undiq;
 fideles, Irenæus. Romano quippe Pontifici datum à Do-^{a Epist. 52}
 mino esse quod aulterinum est à legitimo & puro discer-
 nere, ac fidem Patrum sine ulla subtractione predicare
 affirmat S. Basilius.^b Per Romanum Pontificem semper^{b Hæres.}
 quod in fide manifestum & certum est, ostendi ac declarari,^{27.}
 ait Epiphanius.^c In una Petri cathedra unitatem ab om-^{c Lib. 2.}
 nibus seruari Optatus,^d Non esse dubitandum in illius Ec-<sup>d De vi-
lit. cred.
cap. 17.</sup>
 clesia nos condere gremio, quæ ab Apostolica Sede Romana
 per successiones Episcoporum culmen authoritatis obtinuit,
 Augustinus. Et addit: Cui nolle primas dare, vel summa
 profectò impietatis est, vel precipitis arrogantia. vnde alibi
 de seipso. Tenet me in Ecclesiæ gremio ab ipsa Sede Apo-
 stoli Petri, cui pascendas oues suas post resurrectionem Do-
 minus commendauit ad presentem usq; Episcopatum sacer-
 dotum successio T Addam Imperatorum testimonia;
 Romana ciuitatis Episcopo principatum sacerdotij super
 omnes Antiquitas contulit, ait Valentinianus tertius.
 Tuam sanctitatem (ait Leoni Papæ^e Martianus) princi-
 patum in Episcopatu fidei obtinentem rogamus ad celebra-
 dam Synodum te authore.^f Summi Pontificatus apicē apud
 Romanos Pontifices esse nemo est qui dubitet, profitebatur
 Iustinianus, antequam à sua Theodora ad hæreticorum
 patrociniū pertractus fuit.^g Gratianus illam solam
 pro orthodoxa & Catholica fide agnosci iubet quam
 Damasus Romanus Pontifex approbaret. Hac fide^h (ait
 Maximus Imperator) Roma ipsa venerabilis gloria:ur,
 cuius etiam in hac parte principatus est. Quicquid igitur
 ad ecclesiasticę potestatis plenitudinem pertinet, vnam
 Ecclesiam Romanam exercuisse qui singula eius pote-
 statis

Cōciliorū
authoritas
à Romano
Pontifice
pendet.

^a Can. 20.

apud Al-
phonsum

Pisanum.

^b Epist. 1.

ad Orient.

^c Lib. 2.

cap. 5. &

13.

^d Apolog. 2

Cōst. No-

uel. 131.

Art. 10.

Innocent.

epist. 1.

cap. 3.

Epist. 94.

Ep. 104

Cont. 2.

epist. Pell.

Lib. 2. c. 3

statis officia excutere velit, facilè deprehendet Conci-
liis Episcoporum generalibus & vocandis authorem
fuisse, & per suos legatos in singulis præfedis, & ea de-
mum conclusa roborasse, perpetua hætenus Ecclesiæ
Christianæ praxis demonstrat. In primo Concilio ge-
nerali Nicæno^a diserto canone cautum est, *Ne præter
sententiam Romani Pontificis ullo modo Concilia cele-
brentur.* Hunc Canonem aduersus Arianos citat^b *Ju-
lius* Romanus Pontifex. Eundem commemorat in Hi-
storia ecclesiastica^c *Socrates*; & ante eum^d *Athanasius*,
qui totam Iulij epistolā, in qua ille canon legitur, Apo-
logiæ suæ secundæ inseruit. Sed & idem Canon tam in
epistola Synodica Athanasij & aliorum Ægyptiorum
Episcoporum ad Felicem Papam, quàm in epistola Da-
masi ad tria Concilia Africana legitur. Tandem & *Ju-
stinianus Imperator* in suis Cōstitutionibus Nouellis il-
lum agnoscit, quum ait: *Nulla unquam Synodus rata le-
gitur, quæ ab Apostolica B. Petri Sede non fuerit fulta.*
Quare & in Concilio Chalcedonensi aduersus Dio-
scorum Alexandrinum Patriarcham, *Synodum facere
sine authoritate Romana Sedis ausum*, eadem regula pro-
fertur. Hinc & Africana omnia Concilia aduersus Pe-
lagianos à *Celestino Papa confirmata sunt*, & post eum
Pelagianorum reliquias, vtcunque à Concilio quodam
Carthaginensi & altero Numidiæ damnatas, *non dum
tamen euidenter ab Ecclesia separatas fuisse* scribit Augu-
stinus, *donec manifestissimo Sedis Apostolica iudicio dānati
repentè conticuisissent*, vt in alia scribit epistola: ac po-
stremo literis Innocentij Papæ, *totam de hac re dubitationem
subla:am fuisse* alibi affirmat. Hanc ob causam varia hæ-
reticorum Concilia, etiam Imperatorum authoritate

suffulta, verbi gratia, *Antiochenum & Ariminense Ari-*
norum, quibus fauit Constantius Imperator, *ſconoma-*
chorum Synodus à Constantino Copronymo collecta, om-
 ni autoritate ac fide caruerunt, ex hoc potiffimum ca-
 pite quod nec Iulius, nec *Damasus* Romani Pontifices
 priora illa (vt & *Socrates* ac *Sozomenus* in Historia ec-
 clesiastica, & *Athanasius* in Apologetico secundo di-
 fertè profitentur) nec postremum *Zacharias* Pontifex
 Romanus approbaret, quod *Sanctus Stephanus iunior*, In vita eius apud Damascen.
 impio Imperatori in os affirmavit. Primarium hoc Ec-
 clesiasticæ potestatis officium in Romano Pontifice re-
 fidere hæc pauca doceant.

Alterum supremi primatus argumentũ perspicuum
 est, ab omnibus aliis Episcopis & Patriarchis ad hanc
 Sanctam *Sedem* appellationes deferri. De hoc etiam in
 Concilio Nicæno diserto Canone cautum est: ipseque Can. 9.
 Canon non à *Iulio* tantum Papa in epistola secunda ad
 Orientales, sed & à ^a *Socrate*, ^b *Sozomeno*, ^c *Theodore-* a Lib. 2.
cap. 13.
b Lib. 3.
c cap. 9.
d lib. 2.
 to in Historia ecclesiastica commemoratur: posteaque
 tum in Concilio *Laodicensi* Canone septimo: tum in
 Concilio *Chalcedonensi* Canone nono disertè repeti-
 tur, & à *Nicolao* primo in epistola aduersus *Michaë-*
 lem Imperatorem asseritur. Sed & ante Concilium Ni-
 cænum primum ad *Stephanum* & *Cornelium* Roma-
 nos Pontifices ab Episcopis Africanis appellatum fuis-
 se, ex *D. Cypriani* epistolis apertè constat. Nam poste-
 rioribus seculis à summis Patriarchis magnisque Epi-
 scopis iniuriam domi passis, ad Romanos Pontifices, ve-
 luti ad supremum Pastorem ac Iudicem appellatum.
 fuisse, exempla ^d Magni *Athanasij* Patriarchæ *Alexan-* a Theodor.
lib. 2. cap.
4. & So-
cr. lib. 2.
cap. 11.
 drini, cum aliis Episcopis, *Marcello* Anciræ, *Asclepa*

^a Leo epi-
stol. 4.
^b Niceph.
lib. 3. cap.
34.
^c Libera-
tus in bre-
uiatio
cap. 18.

^a In epi-
st. ad Leonē
com. in
epist. ad
Rom. pra-
fixam.
^b Tom. 2.
Concil.

Gazæ, Lucio Adrianopolis, Paulo Constantinopolis
ad Iulium Papam, item^a Flauiani &^b Chrysostomi Pa-
triarcharum Cōstantinopolitanorum ad Leonem Ma-
gnum & Innocentium primum;^c Ioannis quoque Ta-
laide Patriarchæ Alexandrini, ad Simplicium Roma-
num Pontificem ad oculum docent, qui vel ab impiis
Imperatoribus Constantio & Zenone, vel ab hæreticis
partim Arianis, partim Eutychianis vexati, & iniuria
affecti appellauerunt. Inter quos etiam^d Theodoretus
ille Cyrensis Episcopus doctissimus fuit, à Maximo An-
tiocheno Patriarcha suo ad Leonem Papam appellans:
multiq̃ue alij Orientales Episcopi aduersus^e Acacium,
Patriarcham Constantinopolitanum ad Symmachum
Papam appellantes. Quid attinet alia supremæ potesta-
tis officia circa Episcopos, vt minimum Occidentalis
Ecclesiæ omnes confirmandos (in Oriente quippe &
Africa à suis vel Patriarchis, vel primæ Sedis Metro-
politanis Episcopi inferiores confirmationem acceperunt,
ipsi verò Patriarchæ, & Metropolitanì à Pontifice Ro-
mano missa ad eum fidei suæ & legitimæ consecratio-
nis attestazione publica, quam epistolam Synodicam
vocabant) totius verò orbis Episcopos vel excommuni-
candos, vel reconciliandos hoc loco commemorare?
Harum rerum exemplis plena tota antiquitas est, quæ
à tractatoribus controuersiarum plenè, vt diximus, di-
gesta, & obseruata sunt.

39

DE MAGNITVDINĒ
ROMANÆ ECCLESIAE
LIBER SECVNDVS.

CAPVT PRIMVM.

*Romana Ecclesiapoteſtas in orbis Principes etiam
creandos.*

HACTENVS de plena in ipsos Ecclesia-
sticos, aut res sacras, summorum Ponti-
ficum potestate, compendio dictum est;
Nunc verò quanta etiam autoritate in
ipsos Reges & Monarchas vsi fuerint,
paucis attingemus: Nameo magis Ecclesiæ Romanæ
maiestas eluceſcet, si quantam in ipsos Orbis terrarum
Principes ac Reges potestatem exercuerit, qualisq̃ue il-
lis vicissim à totius orbis Regibus ac Principibus ho-
nor exhibitus fuerit, similiter paucis demonstramus.
Magna certè Romani Imperij gloria de Regibus Asiæ,
Armenia, Macedonia, Africa, Hispania, Gallia, Ger-
mania, ac demum Britannia triumphasse, eos aut re-
gno exuisse, aut tributarios, aut certè beneficiarios fe-
cisse. Magnæ laudi & meritò Augusto Cæsari fuit, quod
Reges socios non aliter vniuersos quàm membra partēsq̃ue Suet. in
Augusto
cap. 48.
Imperij cura habuit. Tiberius verò ad Imperij sui di-
gnitatem plurimum facere existimabat, *quod Reges in-* Idem in
Tiberio
cap. 37.
festos ac suspectos comminationibus magis & querelis quàm
vi represserit: alios verò ad se blanditijs euocatos ad pro-
pria regna nunquam remisit. Nero autem pro summa
gloria

Idem in
Ner. c. 13.

gloria duxit *quod Tiridatem Armenia Regem in vrbe Roma maximo cum fastu ac pompa imposito illi diademate creasset*. Videamus tamen an hanc gloriæ partem Romanæ Ecclesiæ maiestas Imperio parem, addo & maiorem non habuerit. Sanè Imperatorem Romanum triginta aut quadraginta legionibus armatum, reges multos aut subiugasse, aut obnoxios sibi habere parum mirandum fuit. Pontificem verò Romanum prorsus inermem, nec vlla armata manu potentem, Regibus terræ iura dare, vel ad regna euehere, vel euectos diademate ornare, vel cum aliis regibus dissidentes ad pacis fœdera inducere, vel contra Deum ac Religionem peccantes castigare, adeoque regnis interdum suis exuere, quis non summa admiratione dignum duxerit? Neque enim ex aliqua Romanæ vrbis aut potentia, aut prærogatiua tanta potestate Romanos Pontifices vfos fuisse, manifesto documento esse potest, quòd post translatam à Constantino Imperij Sedem in Byzantium, Roma deinceps Imperatorum Christianorum nunquam Sedes fuerit: sed Imperatores omnes in Occidente confidentes, aut Treuiris in Germania, vt Cōstans, Constantini Magni filius, aut Mediolani, vt Valentiniani tres, aut Rauennæ, vt Honorius, aut in Gallia vel Germania, vt Carolus Magnus eiusque successores consederunt, in vrbe verò Roma quasi illic Sedes Imperij esset, nunquam. An verò ita se res non habet? De Regibus ab hac Sede institutis & creatis primùm videamus. Quis nescit sola huius Sedis autoritate (quia hoc Ecclesiæ saluti expedire videbatur) Carolum Magnum Franciæ Regem à Leone tertio Occidentali Imperio donatum, & diademate Augustali ornatum, primùm Occidentis

Imperatorem creatum fuisse? cuius Imperij successio ab annis iam penè octingentis perdurauit. Istud vnum nullis à me verbis amplificabitur. Quantæ tamen res ea authoritatis adeoque maiestatis fuerit, facile prudens quisque apud se expenderit. Orientali quippe Imperio maximum inde vulnus inflictum fuisse, cui & nunquam per tot secula mederi illud potuit, vtcunque sæpe ac subinde illud tentauerit, maximè sub Isaacio Commeno res ipsa loquitur. Sed & idem Pontifex eodem tempore Pipinum Caroli filium, Italiæ Regem creauit & coronauit. Aliquanto post tempore anno millesimo primo, quum Hungaria Regem non haberet, Stephanus regalem dignitatem à Sergio Romano Pontifice petens, eam obtinuit: quæ gratia Polonorum Duci idem eodem tempore petenti, denegata est. Sed anno demum millesimo trecentesimo vicesimo, Venceslaus Dux à Ioanne vicesimo secundo, regalem illam dignitatem obtinuit, Cromero Polono teste. Porro anno millesimo septuagesimo sexto, Demetrius Russorum seu Ruthenorum Rex primus, à Gregorio septimo declaratus est. Paucis post annis Edgarus primus Scotorum Rex ab Urbano secundo declaratur. Tandem anno millesimo duodecimo, beneficio Eugenij tertij, Alphonsus primus Portugalliæ Rex inauguratur. Primus porro Hierosolymorum Rex, vnde qui hoc nunc titulo gaudet, descendunt omnes (præcesserunt quippe alij, Gothefridus Lotharingiæ Dux, & Balduini eius posterij ab exercitu Christiano in Reges electi, qui ad quartam aut quintam tantum generationem regnarunt) fuit Ioannes de Pregma, vel vt alij scribunt, Brenna, Viennæ Allobrogum Princeps ab Innocentio tertio creatus. Sed & Mindacus

*Albert.**Crantz.*
*lib. 2.**cap. 18.**Blöd. dec.**2. lib. 1.**Bons. dec.**2. lib. 1.**Steuchus**de donat.**Const.**Hist. Scot.**lib. 7.**Roderic.**Tolstan.**Blöd. dec.**2. lib. 6.*

Ann. 1210

Crome-
tus lib. 8.

Lithuanorum Dux, quia militibus Teutonicis, à quibus bello fractus fuerat, certas prouincias concesserat, ad hoc eum instigante Opissone Abbate Messanenſi, Innocentij quarti legato, ob id illi à Pontifice Regium nomen impartitum fuit. Sunt & hodie duo magni Duces, Moscouiꝑ vnus, in Italia alter, qui ab hac Sancta Sede Regali dignitate donari dudum contendentes, eam adhuc obtinere non possunt. Veteres Romani Fabricius, Cato maior, & alij maiorem sibi gloriam duxerũt, Regibus imperare ac Reges facere, quàm Reges esse. Est igitur huius Sanctæ Sedis eximia potestas in prouinciis Christianis sua authoritate Reges instituere, creare, inaugurare, tametsi potestatem regiam ipsa non exercent. Quid quod Reges non à Pontifice Romano, sed à populis & communitate ciuili constituti, ipsam tamen inaugurationem suam, eiusque formam ad præscriptum huius amplissimæ Sedis acceperunt; à certis videlicet. Archiepiscopis vncti, quibus Romanus Pontifex hanc potestatem dedit, & ea verborum forma quam idem instituit? Rex Franciæ ab Archiepiscopo Remensi, ex institutione Hormisdæ Papæ; Rex Angliæ ab Archiepiscopo Cantuariensi ex Adriani tertij priuilegio; Rex Scotiæ ab Archiepiscopo S. Andreæ, de concessione Urbani secundi, Rex Germaniæ à Moguntino, Bohemiæ à Pragenſi, Poloniæ à Gnesnenſi, Hungariæ ab Albæ regalis, Sueuiꝑ ab Vspalensi, Daniꝑ à Lundenſi Episcopis, ex Romanæ Sedis instituto, vt earum regionum scriptores proprij, Dubrauius, Cromerus, Bonfinus, & Ioannes Magnus memoriæ prodiderunt, in Reges vnguntur & coronantur omnes.

CAPVT II.

Romana Ecclesia studium ad Reges conciliandos.

IAM verò in conciliandis ad pacis fœdera Regibus Christianis, qui intestinis bellis & sese mutuo confecerunt, & toti Reipublicæ Christianæ maximas clades intulerunt, quantam operam, quam diligentiam, assiduam sæpeque felicem & efficacem Romani Pontifices veluti Patres orbis Christiani posuerint, aliquot hîc exemplis aperiendum est. Ac sanè quemadmodum felix in ea parte est Ecclesia Christi Catholica, quod ad componendas omnes fidei controuersias vnum habet Petrum, vnum caput visibile, vnum supremum Pastorem, qui iuxta Christi verbum *confirmet fratres suos* (quo vno beneficio apud Catholicos totis his sexdecim iam seculis vnitas fidei ac religionis conseruata est, & eo vno remedio quia omnis hêresis caret, nulla apud quolibet hæreticos vel vnus anni concordia constare potest, quod vel maximè hodiernę hæreses ad oculum demonstrant) sic & quoad pacem ciuilem & tranquillitatem externam inter orbis Christiani Principes, aut seruandam, aut faciliùs recuperandam, vnus Romanus Pontifex veluti arbiter & moderator à Christo datus est, qui eam suo studio, suo concilio, sua authoritate, & sæpiissimè Christianis Regibus reddiderit, & nullam operam ad eam restaurandam prætermiserit. Innocentius primus tota Italia bellis flagrante, & Alarico Gottho vrbs obsidionem minitante, vrbe ipsa populo supplicante exiuit, & ad Honorium Imperatorem Rauennæ agentem peruenit, de pace inter ipsum & hunc Got-

*Orosius
lib. 7. cap.
39. & So-
zomenus
lib. 9. c. 7.*

thum quoquo modo componenda tractaturus: quæ et-
 si pax non successit, officium tamen præclarum opti-
 mus Pontifex fecit, & ipse Alaricus capta vrbe Roma,
 mitiùs se multò & clementiùs gessit, vt suo postea loco
 dicetur magis. Nec dissimiliter Ioannes Papa primus à
 Theodorico Ariano Italiam turbante ad Iustinum se-
 niolem pacis componendæ causa missus, legationem
 non recusat, optimi patris officium facit, & Ecclesiæ in-
 terim laborati, tametsi cum suæ vitæ discrimine sapien-
 ter consulit. Mox Agapetus Pontifex à Theodato Got-
 thorum Rege ad Iustinianum Imperatorem missus, qui
 alteri bellum comminatus fuerat, pacem ab Imperato-
 re impetrauit. Ad Orientale Imperium conseruandum,
 & eius Principes toties ab Ecclesiæ vnione relapsos, ei-
 dem conciliandos & vniendos, quantum operæ & stu-
 dij Romani Pontifices impenderint, mox alio capite
 dicetur, vbi de Operum huius Sedis magnificentia tra-
 ctabitur. Nunc ad Occidentem oculos vertentes, in
 Germania primùm quàm præclara huius generis offi-
 cia Romani Pontifices præstiterint, exquiremus. Vbi
 Fridericus secundus Teutonicos milites à Syria abductos
 (magno Christiani orbis malò) in Germania colloca-
 set, atque ad Prussiæ prouinciam à Christi fide tunc alie-
 nam, & Polonis Christianis infensam, subigendâ Chri-
 sti quæ religione imbuendam, sola interueniente Gre-
 gorij noni auctoritate, destinasset, vt latè narrat Cro-
 merus, & ex publicis Actis contra Nauclerum & alios
 probat, inter vicinos Principes Christianos, & istos Teu-
 tonicos milites variæ simultates & contentiones quæ
 ad arma prorumperent subinde exortæ sunt. Ad quas
 assiduè componendas, ne Ordinis illius præclari ad fi-
 dem

Platina.

*Lib. 9.
 Anno
 1228.*

dem dilatandam progressus, quibus Satan inuidebat, impedirentur, vide vt Romani Pontifices incessanter aduigilarint. Post annum millesimum ducentesium quadagesimum tertium, cùm Suentopoclus Dux bello armisq̃ue promptissimus plurima Teutonicis eripuisset, Guilihelmus Episcopus Mutinensis Apostolicus legatus effecit vt ablata ille redderet, pacemq̃ue cum Teutonicis firmaret. Sed & quum paulo post fidem datam fallere cepisset, idem rursus effecit Opisso Abbas Messanensis Innocentij quarti legatus. Ab eodem similiter Innocetio missus aliis de causis Iacobus Archidiaconus Leodiensis pacem rursus violatam inter Teutonicos & eundem Suentopoclum redintegrauit. Sed & anno millesimo ducentesimo octuagesimo secundo Philippus Episcopus Firmanus Põtificis legatus pacem conciliauit inter eosdem Teutonicos & Mesciugum Pomeranorum Ducem. Sed & paulo post anno millesimo trecentesimo tricesimo sexto, quum inter Polonos & Teutonicos bellum oriretur, ad id componendum, suam authoritatem Romanus Pontifex requisitus interposuit, cui tamen Ludouicus Bauarus Imperator ita obstitit, vt pax exitium non sortiretur, ait Cromerus. Exarsit postea exitiale & funestissimum bellum anno millesimo trecentesimo sexagesimo tertio, quo tota Germania conflagrasset, inter Carolum quartum Imperatorem, Regem Bohemiæ, Morauix, Germaniæq̃ue Principes ab vna parte, & Cazimirum Polonia, Ludouicum Vngariæ, Sigismundum Daniæ Reges, Russiæq̃ue & Tartariæ Principes ab altera parte. Quod vbi sensit Vrbanus quintus Romanus Pontifex, legatum misit, qui non modò Reges adduxit ad concordiam, sed om-

Cromerus
lib. 8.Lib. 9. &
10.Cromerus
lib. 2.

nes ipsos affinitatibus nouis coniunxit. Sed & rursus cruentissimis bellis inter Teutonicos & Polonos ortis, quæ nullo modo cõponi posse videbãtur, tandem Ioannes vicesimus tertius, prudenti Consilio vsus legatum misit, per quem pactæ induciæ inter Teutonicos & Polonos, & controuersiæ reiectæ ad Concilium Constantiense. Martinus autem quintus in Concilio Constantiensi Papa declaratus ter suos ad eãdem rem conficiendam legatos misit: vbi semper magis se difficiles ac refractarios Teutonici præbuerunt. Quapropter grauissimis adhuc bellis inter eos & Polonos obortis, ad ea sedanda Nicolaus quintus legatum misit. Paulus quoque secundus ei ferè proximus, ad eandem rem misit legatum Rodolphum Episcopum Lausanensem: per quem tandem confecta pax summa cum laude: quæ fixa & firma perstitit, donec Illustrissimus ille Ordo maximo Germanicæ nationis dedecore ad Lutheranismum prolapsus penitus extinctus fuit, & Liuania à Moscouitis occupata, magnaque regnis Germanicis decessio facta, quod Tilmãnus Bredenbachius edito ea de re libello, & Cromerus latè exponit. Sed & nostra ætate quum inter Stephanum Poloniæ regem fortissimum, & Basilium Moscouiæ Ducem circa Liuioniæ principatum bellum acerrimum exarsisset, Gregorius decimus tertius misso Antonio Posseuino Societatis Iesu præbytero, Sedis Apostolicæ legato, pacem Germaniæ perutilem & firmam inter illos vicinos Principes composuit. Iam inter Gallos & Anglos centum olim continuis annis bello mutuo decertantes quoties & quanto studio Romani Pontifices pacem componere adnisi fuerint, & nostri & Gallorum Annales passim meminerunt. Illustre illud

& me-

& memorabile est, quod stante in acie Ioanne Francorum Rege maximis cum copiis ex tota Francia collectis aduersus Edouardum Angliæ Principem Regisq̃ue filium paruo tunc satis & minimè expedito agmine munitum, duo Cardinales ab Innocentio sexto Auinione tunc sedente legati missi, inter vtrumque exercitum discurrentes vtrique Principi varias pacis conditiones proponebant; sed iniquiores petente Franco certam sibi victoriam promittente, reiecta quidem legatorum intercessio & neglecta Romani Pontificis postulatio fuit; sed cum maxima Francorum clade, quorum Rex Ioannes ea pugna captus cum Philippo eius filio ac nobilibus mille septingentis: vt latè narrat Polydorus Virgilius. De Paulo tertio scribitur, totum eum quamdiu sedit (sedit autē annis quindecim) in eo fuisse vt pax inter Carolum quintum Imperatorem & Franciscum primum Gallorum regem componeretur: ad quam etiam componendam ipsemet Nissam Pedemontanam veniens coram cum vtroque illo potentissimo Monarcha pacis media & conditiones tractauit; quæ cum non succederet, decem saltem annorum inducias impetrauit, vt narrat Paulus Iouius. Quid hoc loco commemorem quod proximis his diebus factum, omnes læti vidimus & admirati sumus; inter duos potentissimos Monarchas, Regem Hispaniæ Catholicum Philippum secundum, & Regem Franciæ Christianissimum Henricum quartum, post longum & atrox inter vtrumque bellum, opera, studio, authoritate Sanctissimi Pontificis Clementis octauī, Petri nunc locum gloriosè tenentis, pacem exoptatissimam stabilitam esse, cuius tractatio à Sua primū Sanctitate initium accepit, misso primū prudent-

*Polydorus
lib. 19.*

prudentissimo patre, Ordinis Minorum Generali, qui inter vtrumque Principem discurrens pacis semina spargeret, adhibitoque postea Illustrissimo Cardinali Mediceo, cum alio adhuc Nuncio Apostolico, qui rem totam cum vtriusque Principis legatis prudentissimis conficerent.

Quam superi pacem firment, faxintque perennem. Plura huius generis Romanorum Pontificum officia, praestantissima, in quibus huius Sedis & autoritas & pietas mirificè eluxit, infra à nobis commemoranda sunt, vbi de Operum Romanæ Ecclesiæ magnificentia dicendi locus erit.

Cap. 18.

C A P. III.

Romana Ecclesia potestas ad Reges Ecclesia noxios castigandos.

AD potestatis eius amplitudinem, in qua nunc versamur, nō minùs propriè pertinet, vt quam in Regibus creandis & inaugurandis prærogatiuam exercuit, eandem in corripiendis, castigandis, & quum id salus Ecclesiæ postularet, imperio exuēdis exercuisse doceatur. Hanc prorsus Romanis Pontificibus autoritatem imprimis necessariam esse, vel hoc vno argumento perspicuè demonstrant Theologi, quòd spiritualis suprema potestas ad animarum salutem à Christo Petri successoribus data, debet omnino esse in suo genere perfecta, vt quælibet ciuilis potestas est; vt finem videlicet sibi propositum consequatur, omniaque media adhibeat, quibus animarum salus eius finis ac scopus procuretur, omnia quoque impedimenta remoueat, quibus idem

Rom. Pōr.
ad Reges
castigandos
potestas
necessaria.

finis

finis impediatur, ac per hoc peccantes in Deum ac religionem Principes, siue ne ipsi pereant, siue ne alios perdant (quo in genere à malis Principibus maximum periculum est) & corripere & coercere, & censuris Ecclesiasticis castigare, ac demum ne totus pereat populus, ab impia administratione penitus remouere possit ac debeat. Cui argumento sanè validissimo hoc breue dilemma adiungunt; Regem Christianum qui ad ouile Christi pertinet, aut ouem gregis esse aut pastorem. Pastores verò sui populi, vt pro animabus eorum Deo rationem reddant, Reges nec esse volunt, nec possunt. Oues igitur gregis Dominici sunt, ab ipsis pastoribus, maximè à supremo pastore, & pascendi & regendi. Ceterum nos hoc loco ad Ecclesiæ Romanæ potestatem amplissimam demonstrandam, non an sit inquirimus (alterius loci disputatio hæc est, quam & alibi executi sumus) sed qualis & quanta erga mundi monarchas ipsos de facto fuerit, ex rebus in orbe Christiano gestis demonstrare satagimus.

Et quidem si antiquissima tempora reuoluimus, Philippus primus Christianus Imperator, anno Domini ducentesimo quadagesimo nono, imperij sui anno quarto baptizatus, ac postea licentia Imperiali grauius delinquens, & diebus Paschalibus cum ceteris Christianis Synaxim facere cupiens, à Fabiano Papa vsque ad debitam Exomologesim factam, ab Ecclesiæ ingressu prohibitus fuit. Arcadium verò Imperatorem in Oriente, qui ante annos mille ducentos S. Ioannem Chrysostomum Sede Patriarchali expulerat, Innocentius primus Romanus Pontifex, etiam quo tempore Italiam Romamque ipsam Gotthi occuparent, scriptis

*Euseb. lib.
6. cap. 27*

*Niceph.
lib. 13.
cap. 34.*

In Decre-
tu horum
Pontifi-
cum.

ad eum literis cum sua Eudoxia excommunicauit. Anastasium Imperatorem Eutychianæ hæresi acriter patrocinantem, Anastasius secundus similiter excommunicauit, factique sui rationem insigni, ad Imperatorem scripto Apologetico fortiter dedit. Philippicum Iconomachum in Oriente in Catholicos sæuientem, Constantinus Papa non excommunicauit modò, sed ne aut nummi Imperatoris aut Imago Romæ recipe-
rentur mandauit Leonem similiter Isaurum Iconomachum acerrimum, Gregorius tertius Romæ Concilio indicto excommunicauit, & ab eius obedientia Italiam totam abstraxit, vt Miscellæ author scribit. Michaëlem verò Theophili filium, qui Ignatium Constanti-
nopolitanum Patriarcham Catholicum iniquè expul-
lerat, quàm acriter Nicolaus primus redarguerit, in-
signis ad eum epistola declarat.

Dixeris, in absentes ac longè positos Orientis Impe-
ratores ferociùs à Romano Pontifice, quasi extra peri-
culi aleam posito, actum fuisse, in eosdem verò præ-
sentes, aut in Occidentalis imperij proximos Reges,
hanc illos libertatem exercere minimè ausos fuisse. At-
qui multò se & fortius & acrius aduersus Occidentalis
Imperij Principes, religionis iura violantes, Romani
Pontifices sese opposuerunt. Nam & Orientis Impera-
toribus contra Deum pugnantibus, quàm etiam in fa-
ciem Romani Pontifices restiterint, aliquot exempla
docuerunt. Liberius aduersus Constantium Impera-
torem Arianum, quàm liberè, intrepidè & constanter
se gesserit, pulchrè & latè describit Theodoretus. Aga-
petus Papa Constantinopolim veniens, quum Iustinia-
nus illicita illi quædam minaciter extorquere veller, re-
spondit:

Hist. Ec-
cles. lib. 2.
cap. 16.

spondit: *Atqui ego me non ad Diocletianum, sed ad Iu-* *Plat. m*
stinianum venisse existimabam, quo & responso Impera- *Agap.*
 toris audaciam fregit. Martinus primus pari constantia
 Constantinopolim ad Constantē Monothelitam frau-
 de perductus, impiis eius conatibus imperterritus resti-
 tit. Cæterum in Occidente magis hæc Romani Pontifi-
 cis fortitudo & potestas eluxit. Gregorij septimi aduer-
 sus Henricum tertium Imperatorem Simoniacum pu-
 gnæ, & quanta constantia impietatem eius perfregerit,
 Canusij, maximè præsentē Imperatore, à Germanis scri-
 ptoribus utcumque in hunc Pontificem pessimè affectis
 latè describuntur. Qui etsi vicissim optimum Pontifi-
 cem miris modis vexauerit, Imperio tamen à proprio
 tandem filio propter nimis præfractam rebellionem
 spoliatus est. Ludouicus quartus Bauarus ab Alexan-
 dro tertio, & à Ioanne vicesimo secundo, Ottho quar-
 tus propter similem impietatem Imperio eiicitur, sub-
 stituto illi ab Electoribus Frederico secundo. Qui ta-
 men & ipse impiè se postea ac tyrannicè gerens, ab In-
 nocentio quarto in Concilio Lugdunensi throno Im-
 periali similiter deiectus est, eiq; suffectus Lantgravius
 Hessius. Quid, quod propter imperandi ignauiam, &
 Chilpericus Rex Francorum suffecto Pipino Martelli
 filio, quem & S. Bonifacius Germanorum Apostolus, *Regino*
 Sueffioni coronauit, & Carolus Crassus Imperator, *lib. 2.*
 Adolphus quoque & Venceslaus Imperatores, ac de-
 mum Sanctius Portugalliæ Rex, Romanorum Pontifi-
 cum autoritate à regali & imperiali fastigio depulsi
 sunt? Cùm autem Ladislaus quartus Hungariæ Rex à
 fide Catholica resiliens, Hunnorum ritus amplectere-
 tur, missus à Romano Pontifice Nicolao tertio, Cardi-

*Cromerus
lib. 5.*

nalis Firmanus Regem cœtu piorum priuauit, populumque in officio & cultu Christiano continuit. Ioannem Angliæ Regem propter sacrilegia nimis atrocia, Innocentius tertius iure regni priuauit. Boleslaum secundum Poloniæ regem cognomento Ferum, propter Stanislai Cracouiensis Episcopi cædem, Gregorius septimus anathemate percussit, & regni titulo ac iure priuauit, vnde successor eius Vladislaus regem se appellari non est passus, quod propter Pontificis interdictum inunctus & coronatus non esset. Porro Robertum Siciliæ regem ab Henrico Imperatore damnatum, Clemens quintus absoluit, regnoque restituit. Sed maxime illustris in hoc genere fuit Urbani secundi laudatissimi Pontificis fortitudo, qui ab Henrico tertio Imperatore dudum excommunicato, Italia pulsus, & in Galliam profugiens, eodem tamen tempore nec Imperatorem absoluit, & ipsum Regem Franciæ Philippum, ob incestas nuptias cœtu Christianorum depellit, ac alios nihilominus Christianos in Occidente Principes, aduersus Sarracenos Asiam Palæstinamque tenentes ita efficaciter commouit, vt equitum centum millia, peditum 300000. in Orientem miserit, per quos Asia cum Palæstina recepta fuit. Debuit hoc inter opera admiranda huius Sanctæ Sedis à me commemorari; sed ex alio capite hîc quoque locum habere oportuit,

*Guil. Ty-
rius lib. 1.
& 8.*

CAP. IIII.

*Ecclesia Romana ab orbis Monarchis quantum
honorata.*

VIDEAMVS nunc quasi huius partis appendicem
quantus vicissim à Regibus Christianis, interdum
etiam à fidei hostibus huic S. Sedi Romanæ honor ha-
bitus, quanta illi veneratio delata fuerit. Ac primùm
Apostolorum Petri & Pauli qui hanc Sedem funda-
runt, monumentis ac tumulis, quanta veneratio non
à populo tantùm Christiano, ex omnibus terrarum par-
tibus eò confluente, sed ab ipsis summis Imperatoribus
antiquitus deferri solita fuerit, duo Orientalis & Occi-
dentalis Ecclesiæ lumina testatum reliquerunt. Chry-
sostomus in Oriente Patriarcha ita scribit. *Servorum*
Christi splendida sunt sepulchra, quæ urbem maximè re-
giam (Romam dicit) occupauerunt; & dies perspicui
sunt, diem festum terrarum orbi facientes: non adificio-
rum amplitudine & splendore (hac enim etiam parte ex-
cellunt) sed quod amplius est, conuenientium studio. Nam
& ille ipse purpura indutus peregrè proficiscitur, sepul-
chra illa complexurus, & fastu deposito contingit sanctos,
rogans ut sibi apud Deum patrocinentur: & tabernaculo-
rum opificem (Paulum) & piscatorem (Petrum) patronos
etiam mortuos deprecatur ille diadema gestans. Hæc ille
non de vno certo Imperatore loquens, sed de more &
pietate solenni Imperatorum omnium Christianorum.
vnde alio in loco scribit, *Relictis omnibus ad sepulchra Pi-*
scatoris & Pellionis currunt, & Reges & Prasides, &
milites. In Homilia, quòd Christus est Deus. Eodem

Hom. 16.
in 2. ad
Cor.

modo D. Augustinus Occidentalis Ecclesiæ lumen.

Serm. 28.
de S. iud.

Nunc ad memoriam Piscatoris flectuntur genua Imperatoris. Ibi radiant gemma diadematis, ubi fulgent beneficia Piscatoris. Et alio in loco: *Videtur Imperij nobilissimi eminentissimum culmen ad sepulchrum Piscatoris Petri submisso diademate supplicare.* Quare D. Chrysostomus Romani Imperij gloriam hac ex parte à Romana Ecclesia plurimum superatam esse, disertè annotauit.

Hom. 4. in
2. ad Tim.

Nullus, inquit, ex Romanis Regibus tanto in honore fuit, quanto vnus Paulus. Imperator quidem foris alibi iacet abiectus: hic autem velut viuens & regnans tenet. De Petro quoque alio in loco tantundem. *Quot*

Homil. in
Psalm. 48.

Reges vrbes euerterunt, portus extruxerunt, & nominibus suis inscriptis decesserunt, nec tamen eis quicquam profuit, sed silentio & obliuioni dati sunt. Piscator autem Petrus, qui nihil fecit eorum, quoniam virtutem est persecutus, & ciuitatem maximè regiam occupauit, etiam post mortem resplendet sole clariùs. Sed parum hoc dices ad Romanæ Ecclesiæ gloriam, quæ potiùs à viuis in ea sedentibus Pontificibus, quàm in defunctis eius fundatoribus quærenda est. Age igitur, & eorum successoribus dum uiuerent Põtificibus, quantus à mundi Principibus honor exhibitus fuerit, aliquot exemplis illustribus ostendamus. Ammianus Marcellinus ethnicus scriptor tempore Valentis & Valentiniani senioris de honore incredibili sacerdotibus, quos cælibes vocat, Romæ maximè exhibito, inuidiosè scribens, de Præextato Orientis aliquando Proconsule & vrbis Præfecto narrat, quum B. Damasus Papa ad Christianam fidem amplectendam eum adhortaretur, ei respondisse. *Facite me Romana vrbis Episcopum, & protinus erit Christiana.*

Hist. lib.
27.

Christianus, tactus videlicet honorum cupiditate, quos videbat nō à plebe tantum, sed ab Imperatoribus ipsis, tunc Christianis Romanis Pontificibus deferri. Sanè quū Ioannes Papa à Theodorico Ariano Italię Rege, ad Iustinum Imperatorē Constantinopolim legatus missus, eò aduenisset, Imperator ipse *cum tota urbe obuius illi* *Platina.* *proceßit, & ad ipsius pedes venerationis causa procubuit, ad templum deduxit, ubi insignia Augusta sibi detraxit, procidēsq; suppliciter petiit, ut rursus illis ipsum adornaret.*

Nec dissimiliter Cōstantino Pontifici Nicæā Bithyniæ *Anno* se conferenti, Iustinianus Imperator ei occurrens, ac de *711.* more coronatus ad pedes Pontificis procubuit, eis osculum dans. Eodem honoris genere Imperatores ac Reges Christianos Romanę Ecclesię Pontificē perpetuò proscutos fuisse, quotquot orthodoxi & benè Christiani erant, exempla Pipini Regis erga Stephanū secundum *Anno* Franciam ingredienti, Caroli Magni erga Leonem tertium, quū eum in castris ad Lippiam excepit: Ludouici *754.* Pij erga Sergium secundum quum Romam veniret, & aliquot pōst annis erga Nicolaū Papam in Franciā venientem; Henrici quarti erga Paschalem secundū; Frederici primi erga Adrianum quartū; Duorum etiam simul Regum Ludouici Francorum, & Henrici secundi *Anno* Anglorum erga Alexādrum tertiū in Franciam venientem, qui obuiam Pontifici progressi, ac veluti stratorum functi officio, dextra læuaque equum Pontificis tenuerunt, ad hospitium vsque comitati. Ne verò quiscquam à proximis tantum Regibus, aut præsentibus veluti ciuilem tantum honorem Romanis Pontificibus deferri existimet, Reges Christiani à nostro climate remotissimi omnem honorem tam ciuilem quàm religiosum

giosum huic Petro nostro Romano exhibuisse leguntur. Ante annos circiter septuaginta, à Mexicanis oris Indiæ Occidentalis ad Clementem septimum missi sunt duo Proceres illustres, qui nomine illarum Põtificali perpetuam obedientiam pollicerentur ac præstarent, quos se hoc officio functos vidisse, Paulus Iouius scribit. Ad eundem similiter Clementem. eodem ferè tempore, David Abyssinorum in Æthiopia Rex legatos misit, cum literis, qui nomine ipsius & omnium regnorum suorum, quæ latissima sunt, obedientiam perpetuò pollicerentur, eodem quo cæteri Catholici Reges modo. Idem per suos legatos Orientalis Indiæ Reges præstiterunt, vt Oforius refert. Quid quod ab vltima Iapania, quæ vltra Indiam Orientalem tam procul penè abest, quàm ipsa à nobis India illa, ad Gregorium decimum tertium ante pauculos annos trium Iapanensium Regum legati tres, solius obedientiæ ac venerationis exhibendæ causa, trium penè annorum nauigatione & profectioe supplices acceperunt? Quid vnquam simile vllis Romanis Imperatoribus, quantumcunque latè dominantibus accidit?

Sed nunc & ab ipsis fidei hostibus dominationem regiam consecutis, Romanæ Ecclesiæ Pontificibus quantus sit honor habitus, paucis similiter exemplis commonstrabimus. Luithprandus Longobardus Rex, & hostis & hæreticus, post multas iniurias ipsi Pontifici Gregorio tertio illatas, & quædam oppida illi sublata, quum in exarchatum ipsum Rauennatem Imperatori Orientis subiectum irrupisset, Papiæ à Pontifice conuentus ac rogatus destitit ab incæptis: in causa aliena Pontificem veneratus, quem in sua causa sola patien-

*De viris
Illustribus
lib. 6. in
Corteſia.*

*Hist. O-
rien. lib. 8.*

*Anno
743.*

tia vsum animaduertit. Rachis quoque alius Longobardorum Rex, quum Pentapolim aggressus Perusiam obsideret, à Zacharia Pontifice placatus, ad sanio-^{Ann} rem mentem rediit. Sed magis memorabile est, quod Atti-^{749.} lam illum Hunnorum Principem, & flagellum Dei dictum, cum innumeras secum copias ducens, in Italiam irrupisset, obuia quæque flamma ferroque vastans, & iam Padum traiecturus esset, Leo Pontifex ad illum locum ei occurrens, cunctis admirantibus effecit, vt placatus ad sua rediret. Sed & postea cum Genserico^{Miscell author.} Vandalorum Rex Arianus, Romam captam direpturus esset, impetrauit ab eo idem Pontifex, vt à cædibus & incendiis abstineret. Nec minus admiratione dignum est, Luithprandum Longobardorum regem pariter cum Paulo Exarcho, quum Romam obsidione pertinacissime cingerent, ad ipsumque Pontificem Gregorium secundum interimendum destinato venirent, ab ipso tamen Pontifice animo intrepido, ex vrbe in castra ad illos egresso, ita aut placatos aut deterritos fuisse, vt re infecta abierint, & ab incœpto destiterint. Tanta fuit non apud Christianos Reges modò, sed & fidei hostes Petræ Romanæ veneratio: quam soli nostrorum temporum barbari & insensati hæretici probare nesciunt. Ac de amplissima potestatis plenitudine Romanæ Ecclesiæ hæc compendio dixisse, vel subnotasse potius, & pauca de multis obiter attigisse sufficiat.

Operum magnitudo, prima Conuersio gentium.

NVNC ad Operum magnitudinem & magnificentiam venio, quæ Romanam Ecclesiam magis adhuc admirandam & illustrem reddunt, tamen si in hac vna parte à Romano Imperio longissimis intervallis illam superari certissimè quis sibi fortè persuadeat. Romani Imperij ab Operibus magnitudo siue admiranda siue stupenda in eo maxime eluxisse videtur, quod totius Europæ, Asiæ, Africæ regna, prouincias, gentes, florem saltem ipsum & robor aut subegit aut domuit, aut ita pacauit, vt victoria atque Imperio Romanorum lætarentur. Sanè Imperij Romani Metatores, vt sic dicam, & qui eius fines propagarunt, à subactis sibi gentibus ita gloriam captarunt, vt non solùm priuati illi Duces in libera adhuc Republica Scipiones & alij, Africani, Asiatici, Macedonici nuncupati fuerint, sed Imperatores demùm orbem digito qui temperabāt Alemannici, Francici, Dacici, Parthici, Gotthici, Britannici, aliisque deuictarum gentium titulis & cognominibus ornari ac decorari, hacque in re magnam gloriæ & splendoris sui partem ponere voluerint. Tota tamen hæc gloria, totus splendor, tota magnificentia non nisi cum populorum strage, spoliis & cæde coniuncta erat, vt aliorum miseria Romanorum fælicitas fuerit. Atqui Romanæ Ecclesiæ Opus illud vnum & meritò admirandum, & magnificentissimum erit, quod eius vnus opera, labore, auspiciis, innumeræ gentes, per Europam, Asiam, Africam,

Africam, non bello subacta, non fortunis aut libertate spoliata, non seruituti tributariae addicta; sed in summam ac beatam libertatem à seruitute & captiuitate. Diaboli, hostis humani generis infestissimi asserta, à tenebris ad lucem, ab errore ad veritatem, ab ira ad gratiam, ab interitu ad salutem, à scelere & maleficio ad virtutis ac pietatis studium, denique à ferina barbarie ad humanitatem imò vitam angelicam excolendam ducta & translata fuerint. Quod etsi omnibus Apostolis à Christo in mundum missis commune esse videatur, tamè illud Christi verbum Petro specialiter dictum, quum præter expectationem traheret rete ita plenum magnis piscibus, vt rumperetur rete, & alij ad auxilium vocarentur, *Ex hoc eris homines capiens*, manifestè docet Petri & successorum eius in hac piscatione spirituali capturam longè fore quauis alia Ecclesia vberiore & feliciorem. Velut enim à sole radij & è fonte riui, & à capite in reliqua corporis membra vitalis omnis influxus, operatio, motus: sic à Romana Ecclesia & vna Petri sede longè lateque fides Christiana diffusa per totum orbem feliciter est propagata: quod his verbis Innocentius primus ad Decentium scribens animosè & verè profitetur. *Quis, inquit, nesciat aut non aduertat id quod* Epist. 1.
à Principe Apostolorum Petro Romanae Ecclesiae traditum est, ac nunc usq; custoditur, ab omnibus debere seruari, nec superinduci aut introduci aliquid quod aut auctoritatem non habeat, aut aliunde videatur accipere exemplum: praesertim quum sit manifestum in omnem Italiam, Gallias, Hispanias, Africam & Siciliam, insulasq; interiacentes nullum hominum instituisse Ecclesias, nisi eos quos venerabilis Apostolus Petrus aut eius successores constituerunt sacerdotes

Baron.
tom. I. an.
no 46.

cerdotes. Quæ tanti Pontificis verba dilucida veritate esse subnixa, tametsi in singulis harum orbis partium prouinciis ac locis ostendere perdifficile sit, quum harum rerum memoriam post tot secula extare in tanta scriptorum veterum iactura impossibile penè videatur, plurimistamen & illustribus exemplis demonstrare conabor. Habuit ab ipso D. Petro institutos Episcopos primosque Apostolos, Sicilia Pancratium, Marcianum, Berillum & Philippum, Capua priscum, Neapolis Asprenatem, Tarracina Epaphroditum, Equicola populi Marium, Ptolomæum Nepe, Romulum Fesula, Paulinum, Luca, Rauenna Apollinarem, Verona Euproprium, Patavium Prosdocimum, Ticinum Syrum, Aquileia post Marcum Hermagoram. Hæc in vna Italia. In Galliis Lemouicenses Tolosani & Burdegalenses Martialem; Tungrenses, Colonienfes & Treuerenses Maternum nec non Valerium; Remenses Sixtum; Arelatenses Trophimum; Senonenses Sabinianum; Cenomanenses Iulianum; Vienna & Moguntia Crescentem, Catalaunium, Nemmium; Bituricenses Vrsinum; Auernenses Austremonium, Sanctonenses Eutropium; Germania Eucharium, Egistum & Marcianum; Hispania Torquatum, Ctesiphontem, Secundum, Indaletium, Cæcilium, Helychium Eufratium & alios. In Britanniam quoque nostram à Claudio Imperatore subiugatam confestim à B. Petro Iosephum ab Arimathea destinatum penetrasse & euangelium ibi prædicasse, certissima apud nos monimenta sunt. Hinc Simeon Metaphrastes & alij in ipsas Britannias Petrum peruenisse affirmant. Reliquæ verò omnes à solo B. Petro ad tam varias prouincias missos esse, ex certis & indubitatis monumentis docet

Die 29.
Iulij.

docet Baronius in suis ad Romanum Martyrologium annotationibus, alia multa prætermittens minus explorata. Sanè Aureliis in Gallia templum olim vidimus paruum, sed vetustissimum, *S. Pierre le vis*, nuncupatum, quia viuentē adhuc D. Petro extructum fuit. Porro Numidiæ in Africa Episcopos à D. Petro ordinationum suarum initia accepisse, scribit ad eos Gregorius Magnus. Vnde Tertullianus Afer longè antea scripserat, *Habes Romam vnde nobis quoque authoritas præsto est*, Et Cyprianus Afer Romanam Ecclesiam *matricem* appellat, quia ab ea non Carthago tantum, sed Mauritania & Numidia fidem primitus acceperunt. Sed & in Phœnicia, Syria & Asia quòd Episcopos varios D. Petrus constituerit, postquam à vinculis illis Hierosolymitanis liberatus esset, Simeon Metaphrastes ex antiquioribus chartis recenset: videlicet Cæsareæ, Stratonis, & Sidonis, quibus Herodes propter receptum ab illis Petrum, & in honore habitum grauitè infensus fuisse legitur in Actis, statim post solutum à vinculis Petrum: Deinde Beryti, Biblij, Tripoli, Phœniciæ ciuitatibus; mox Orthosiæ, Antandri, in insula Arado, Balanæis, Pantæ, Laodiceæ, ac demum in Antiochia Syriæ Metropoli. Inde verò in Cappadociam profectum Tyanæ, mox Ancyræ in Galatia, Dein Sinopi & Amasæ Pontici ciuitatibus, ac subinde Gangræ in Paphlagonia, Postea verò Claudiopoli, ac inde Nicomediæ ac Niceæ Bithiniæ, tum fidem prædicasse tum episcopos reliquisse. Nam & Byfantinis ipsis primum episcopum à B. Petro datum fuisse præterquam quod idem author refert, Agapetus Pontifex in epistola ad Petrum quæ in quinta Synodo generali recitatur, satis insinuat, affirmans hanc

Lib. 2.

epist. 75.

De Præ-

scrip. c. 36

Epist. 45.

Die 29.

Iunij apud
Suntium.

Act. 12.

Act. 2.

singularem dignitatem Mennæ Patriarchæ Byzantino seu Constantinopolitano (quem suis manibus Papa isthic ordinauerat) accidisse, quia à temporibus B. Petri nullum alium vnquam illa Ecclesia accepit Episcopum manibus Romani Pontificis ordinatum: addens præterea, ideorem tantam prouenisse, vt illis Menna similis esse videatur, quos in illis quandoque partibus Apostolorum, primi electio ordinauit. Hæc Agapetus Pontifex antiquæ traditioni celebre testimonium præbens, quòd in Cappadociæ & Põti partibus varios Episcopos B. Petrus præfens instituerit. Hinc verò rectà Romam venit Claudij anno secundo, & (vt scribit B. Leo) *siluam illam fremensium bestiarum & turbulentissimæ profunditatis Oceanum, ubi diligentissima superstitione habebatur collectum, quicquid vsquam fuerat vanis erroribus institutum, constantiior quàm cum super mare graderetur, ingreditur. Jam populos qui ex circumsione erant, erudierat: Iam Antiochenam Ecclesiam ubi primùm Christiani nominis orta est dignitas, fundauerat: Jam Pontum, Galatiam, Cappadociam, Asiam atque Bithyniam legibus Euangelicæ prædicationis impleuerat: Ac ita demum trophæum Crucis Christi Romanis arcibus intulit, quo illum diuinis ordinationibus anteibant, & honor potestatis, & gloria passionis. Hæc hæctenus Leo. In hoc verò mundi seu compendio, seu miraculo, seu capite & vertice, non fidei tantum luce, populum orbis dominatorem B. Petrus illustrauit, sed & celeberrimum illum Magum Simonem Neroni intimè dilectum, & cui veluti Deo sancto statua iam in vrbe erecta fuerat, in aëra subuectum veluti cælos in totius populi conspectu conscensurum oratione præcipit, vt pedibus con fractis ad ambulandum ei plantæ de-*

Ser. i. in
Nat. Petri
& Pauli.

ræ deessent, qui per aëra volitare se posse præsumpserat, quod plurimi graues authores attestantur. Clemens Const. libro 6. cap. 9. Arnobius libro secundo aduersus gentes, Cyrillus Catech. 6. Epiphanius hæresi vicesima prima. Eusebius libro secundo, cap. decimoquarto. Philast. de hæres. cap. tertio. Augustinus epistola 85. & lib. de hæres. capite primo, & contra Fulgentium Don. cap. vicesimo tertio. Seuerus Hist. lib. secundo. Theodoretus hæresi Fab. lib. primo, & Maximus Taurinens. sermone quinto in Nat. Apost. Petri & Pauli. Quid quod & Romæ residens varios in alias orbis partes diuini verbi Præcones emisit, qui in Ecclesiæ Romanæ corpus populos colligerent? Scribit Ioannes Vassæus Hispanus, diligētissimus antiquitatis indagator, anno Domini quadregesimo quarto, creatos Romæ à B. Petro Episcopos, & in Hispaniam missos, Cæcilium ad Elibertinos, Euphrasium ad Illiturgitanos, Secundum ad Abilenses, Indaletium ad Visitanos, Cresiphonem ad Abderitanos, Hesichiū ad Cartefanos. Scribunt, alij anno quinquagesimo missum à B. Petro in Hispaniam Saturninum, postea Tolosæ Episcopum. Hic Romanæ Ecclesiæ primus Pontifex, sicuti Romani Imperij primus prænomine Imperator Iulius Cæsar. Qui si ex eo veluti dignus vt primus orbis Imperator esset, à Plutarcho celebratur, quòd mille vrbes vicepit, quòd regiones trecentas Plutar. in C. Cæs. subiecit, quòd centena hostium millia in acie cecidit, quòd in Asia, Africa, Hispania bellis civilibus victor gloriosus extitit, quanto & maior & verior erit Romanæ Ecclesiæ gloria, cuius fundator primus tot gentes ac populos, ipsamque demum urbem Romanam ad vnam diuinæ veritatis lucem ex omnium penè superstitionum col-
luie

luuie traduxerit, nec corpora seruituti addixerit, sed animas in libertatem & salutem asseruerit.

Videamus nunc an eius postea successores eandem operam non præstiterint, non illustres tantum & gloriosas, sed salutes ac beatas victorias consecuti. *Clemen-*
Hildyri- *nus.* *mens* B. Petri proximus penè successor Luteriam Parisiorum, Dionysium Areopagitam cum sociis suis Eleutherio, Rustico & aliis misit, qui eam Franciæ partem nobilissimam Christo acquirerent. . Ab eodem *Cle-*
Antoni *Leo.* *Demochares.* *mente* Baiocensibus in Gallia Exuperius, Ebroidensibus Taurinus, Rothomagensibus Nicasius, Metensibus Cælestinus & Felix Episcopi dati sunt, qui postremi totum illum tractum qui Lotharingia dicitur, Christo conciliarunt. *Quintinus* autem Romani senatoris filius, à Marcellino Papa baptizatus vnà cum Piatone, Dionysio, Ruffino, Valerio, Eugenio, Crispino, Crispiniano, Luciano, Marcello & aliis, religionem Christianam in Ambianis & Veromanduis propagarunt. Iam & vetus Britannia missis ab Eleutherio Papa Fugatio & Damiano, & Scotia adiacens misso à Cælestino Papa Palludio, vel si vera narrat Hector Boëtius, missis à Victore Romano Pontifice fidei magistris, & ipsi demum Anglosaxones occupata Britannia insula, à B. Gregorio Magno, misso B. Augustino Monacho cū aliis vndecim sociis fidem Christi acceperūt. Paulo post Conon Papa S. Chilliano cum Ditomanno & Colomanno misso, primos Germaniæ populos ad fidē Christi pertraxit, teste Sigisberto. Nam non ita multo post auspiciis Gregorij secundi insulam suam egressi Anglosaxones, Hollandiam, Phrisiam, Westphalam, Turingiam, & Catos, aliosque Germaniæ populos Christo quoque

quoque lucrati sunt: Sanè Winfridus, vel vt alij scribunt, Benfridus, postea Bonifacius dictus, à Gregorio secundo, Moguntix primus Archiepiscopus creatus, eodem authore & Zacharia successore eius, creauit Episcopos Traiecti Cobanum, Herbipolis Burchardum, Eisterensium Willibaldum, Salisburgensium Ioannem, Frisingensium Erimbertum, Ratisponensium Winibaldum, è monasteriis Angliæ omnes eductos. Similiter in Phrisia fidem primi plantarunt Willibrordus, Suibertus, Acca, Leuinus, Hannudus, Walterus, Wittinghius & Marcellinus Monachi Angli. Auspiciis eiusdè Gregorij secundi, Corbinianus Noricis Christum prædicauit. Morauia Christi cultum complexa est, missis è Cyrillo & Methodio, à Nicolao primo, qui varios prætereā populos ad Christi fidem adduxerunt, Triballos, Rascios, Bosnenfes, Seruios & Croatas, vniuersam denique gentem quæ Vistula, Danubio & vago flumine circumdatur: ac demum in Mysia Bulgaros & Gazaros. Bohemia opera Stephani septimi Romani Pontificis. Dania ab Agapeto secundo fidem accepit. Primum Illyrij Episcopum Eleutherium Anicetus Papa & ordinauit & eò misit. Scribit Stanislaus Orichonius à Ioanne decimo tertio missos fuisse, qui Vandalos & Lechitas sacra Christiana docerent. A quo etiam Pontifice missus est Ægidius Cardinalis Tusculanus, qui Christi religionem in Polonia stabiliiuit: nam prius fidem susceperat, missis Româ Gallis magistris, vt scribit Martinus Cromerus in colloquiis de rebus religionis. Ænea Syluio teste, Liúonia cum suo Principe complexa est Christi cultum, opera Meinardi, quem prouinciæ illius Episcopum creauit Alexander tertius. Noruegia tota à

*Aen. Syl-
uius.*

*Saxo Græ.
lib. 9. sim-
Metaphr.*

Lib. 1.

Nicolao Anglo postea Romano Pontifice Hadriano quarto dicto, Christi & Romanæ Ecclesiæ adiuncta est. Addit Saxo Grammaticus ab eodem, & Bernardo Anglo aliis assumptis sociis, Daniam eadem felicitate donatam esse. Ita totam hanc Europæ partem, Hispanias, Gallias, Britanniam, Germanie populos tam vastos ac diuersos, opera potissimum & auspiciis Romanorum Pontificum ad Christi fidem conuersos fuisse cernimus. Sanè Galli Antistites scribentes ad Leonem

*Post epi. 7.
51. Leonem.*

Papam primum agnoscunt Romanam Sedem *fontem & originem religionis suæ extitisse*. Iam verò nostra ipsorum ætate ac memoria, quis nescit amplissimas & numerosissimas gentes in vtraque India Orientali & Occidentali, sed hac magis, adeoque & Iaponios, & Sinarum populos sacerdotum quidem maximè Societatis Iesu, & aliorum Monachorum operâ immediatâ ac labore, auspiciis tamen & authoritate vnius Romanæ Ecclesiæ, à qua missionis suæ originem omnes acceperunt, ad Christi gloriosum regnum accessisse? Nam & quos populos Asiaticæ & Orientalis Ecclesiæ siue per Episcopos & presbyteros suos, vt interioris Indiæ per Frumentium^a ab Athanasio missum, b Sarracenos per Moysen Monachum, c Burgundos per quendam Galliæ Episcopum anno quadringentesimo tricesimo (nomen Historici non produnt) sine piorum Imperatorum opera ad Christi fidem adduxerunt; vt sub Iustino seniore Lazos^d, sub Iustiniano Herulos, Hunnos & Afros Azimitenos, sub Constantino quarto^e Persarum Regem, non nisi in communione, societate ac fide Romanæ Ecclesiæ, cum qua omnes communicarunt, Christi regno adiunxerunt.

^a Sozom.

lib. 2. c. 23

^b Socr. lib.

4. cap. 29

^c Socr. lib.

7. cap. 30.

^d Sigub.

ad annum

432.

^e Paulus

dia. lib.

15. & 16.

^f Pluma

in Vita-

liano.

CAPVT VI.

Mundi Imperia à Christi regno contrita.

HÆC est præda Dauid, hæc spolia Amalech, hæc trophæa Apostolica, quibus non corpora subiungantur, sed animæ liberantur, & in æternam felicitatem asseruntur. Hæc est gloria Christo propria, qui à Romano Proconsule interrogatus, an Rex esset, profitetur *se ideo natum fuisse, & in hunc mundum venisse, ut testimonium perhiberet veritati*, utique docendo & propagando illam, ac demum *ut saluos faceret qui perierant*. Hæc est denique illa beata libertas, quam vnus Esaias verbis amplissimis, veniente Christo, futuram prædicauit. Consurge, consurge, induere fortitudinem tuam Syon, induere vestimentis gloriæ tuæ Ierusalem, ciuitas sancti, quia non adiciet vltra vt pertranseat pro te incircuncisus & immundus. Omnis superstitio & cultus sacrilegus è medio tui tolletur. Excutere de puluere, consurge, sede Ierusalem. Solue vincula colli tui captiua filia Sion: quoniam hæc dicit Dominus: Gratis venūdati estis, & sine argento redimemini, utique sanguine Filij Dei, quem prædicatio Apostolica mundo reuelauit. Tandem hoc maximè modo, *lapis de monte sine manibus abscissus, comminuit testam & ferrum, & as, & argentum, & aurum, Christiq; regnum quod Deus cali suscitauit, comminuit & consumpsit vniuersa regna mundi*, etiam Romanum ipsum. Comminuit autem atque consumpsit, non quòd facta Apostolica prædicatione, fideq; Christi per illa omnia regna totumq; Romanum Imperium propagata, aut Imperatores Romani, aut alij in

I 2

mundo

mundo Reges esse destiterint, quum surgēte hoc Christi regno, duo eius primarij Præcones clara voce suis edixerint: *Omnis anima sublimioribus potestatibus subdita sit. Subiecti estote omni humanæ creature, siue Regi tanquam præcellenti, siue Ducibus tanquam ab eo missis.* Imò vt mox distincto capite docebitur, à salute & felicitate huius regni Christi, Imperij Romani salus pendeat, nec alia magis de causa tanta eius Imperij gloria ad nihilum tandem redacta fuit, quàm quia Christi regno hostis esse voluit. Sed cætera mundi regna per vnum Christi regnum comminuta, consumpta & contrita à Propheta dicuntur: quia tota illorum vanitas, superbia, impietas, iniustitia, cæcitas, ignorantia, superstitio, aliæque innumera mala, quibus vniuersa mundi regna; Romanum Imperium maximè, laborabāt, per Christi doctrinam, cui colla tandem submiserunt, Constantino illo Magno primo præeunte, faciemque aliis Imperatoribus præferente, penitus abolita fuere: vt regna illa mundi non iam ampliùs mundana ac terrena, sed spiritualia & sancta esse ceperint: legesque & edicta, arma & potentia, diuitia & opes, eorum regnorum Religioni Christianæ non superstitioni gentilitæ, pietati non impietati seruirent: vt Imperatori iam Christiano *nihil magnificentius esset, quàm, vt filius Ecclesiæ vocaretur*, quod ad Valentinianum iuniorem scripsit. Ambrosius: vt Imperatores ac Reges *capita iam submitterent manibus sacerdotalibus*, quod scripsit Chrysostomus: & Valentianus senior Imperator, libenter se facere discretis verbis professus est. *vt iam seruiant Deo iubendo bona, prohibendo mala, non solum quæ pertinent ad humanam societatem, sed etiam quæ ad diuinam religionem*; quod scripsit

• Epist.

32.

• De verbis Esaiæ
Homil. 4.• Paulus
ad Cor. lib.

12.

psit B. Augustinus'. Denique vt in ipsa sua inaugura-
 tione, sese ac regna sua Christianæ religionis obsequio,
 custodię incremento deuoueāt, quod ipsa coronationis
 & inaugurationis forma tam Imperatori, quàm aliis no-
 stræ Europæ Regibus vſitata apertè contestatur, Impe-
 ratoris inaugurandi iuramentū, in manibus Colonien-
 sis Archiepiscopi præstari solitū refert Sleidanus. Regis
 Franciæ iuramentū in manibus Episcopi Remensis fie-
 ri consuetum, verbis amplissimis conceptum, à Gallicis
 Historicis Eiraldo, Paulo Æmylio, Belleforestio, & aliis
 commemoratur. Regum Angliæ iuramentum in ma-
 nibus Cantuariensis Archiepiscopi, nostri Annales re-
 ferunt; sicuti & Regis Poloniæ in manibus Archiepi-
 scopi Gnesnensis,^b Alexander Gaguinus, & Stanislaus
 Orichenius. Quatenus igitur regna mundi, ipsumque
 Imperium Romanum Christi regno se subiecerunt, se
 suaque eius honori & propagationi deuouendo, cate-
 nus quoad impietatis vetustatem contrita & commi-
 nuta censentur (quid enim est aliud regnum aliquod
 subiugare, quàm ad obedientiam pertrahere?) tametsi
 quoad sanctæ religionis nouitatem reflorescere, & bea-
 ta se esse meritò gloriantur. Cuius felicitatis nouæque
 gloriæ Romana potissimum Ecclesia Regibus mundi
 ipsisque Imperatoribus prima radix, origo & funda-
 mentum fuit. Ita gentium ac populorum ad fidem con-
 uersio Romanæ Ecclesiæ, vel opera & labore, vel auspi-
 ciis & autoritate facta, inter opera eiusdem Ecclesiæ,
 magnificentissimum meritò censeri debet.

*Conti.
Crescon.
lib. 3. c. 51*

*Lib. 1.
ann. 1519*

*In Eichar.
1. & 2.*

*^b Rerum
Polonic.
Tom. 1.
pag. 276.
In Chi-
mara pag.
50.*

CAP. VII.

Orientalis Ecclesia fides quanto studio conseruata.

A TQVI quum Petra ista Romana non solum ad ædificandum Christi regnum fundamenti locum teneat, sed & ad idem conseruandum potestatem singularem acceperit; dicente ei Christo, *tu conuersus confirma fratres tuos*, nec minor est virtus quàm quærere, parta tueri, dispiciendum est in conseruando hoc Christi regno, quàm strenuam operam Ecclesia Romana nauauerit, quàm gloriosè & magnificè in ea se gesserit. Sicut Romano Imperio in duo semel capita diuiso, Occidentale & Oriëntale, & duobus iam pedibus subnixo, iuxta Danielis vaticinium *ex parte ferreis, ex parte autem fictilibus*, fictili quidem & fragili in Occidentis tractu, propter innumeros barbaros ei ab Aquilone adiacentes Vandalos, Gothos, Hunnos qui in illud irruerunt; ferreo autem & fortiori in Oriente, propter nouam Imperij Sedem Constantinopoli positam, exinde labascere cepit, ac tandem in Occidente excisum est, donec de nouo vnus Romanæ Ecclesiæ operâ & auctoritate re floruit ac reuixit; sic Orientalis Ecclesia ex illa sua noua Roma Constantinopolitana Sede superbiens, & in Christo luxurians, postquam per varias hæreses ac schismata, ab Occidentali & veteri Romana Petra sefenefariè per aliquot secula certis interuallis, petulanter separasset, à Persis, Sarracenis, Tartaris ac Turcis diu multumq; diuexata, vltimum tandem excidium iugo Mahometano subiecta passâ est. Ne autem ad hanc extremam calamitatem florentissimæ illæ quondam Ecclesiæ

clesie adducerentur, sed vt tum à Barbarorum incurfi-
 bus, tum ab hæretica prauitate & schismatica labe im-
 munes seruantur; quantum studium, quàm indefes-
 sam operam & laborem vna Romana Ecclesia posue-
 rit, Deo per illam, sicut suum quondam Israëlẽ, per
 varios Prophetas, vnum post alium subinde missos,
 quasi de nocte consurgente, & quotidie commonente,
 vtcunque illi omnem hanc Romanæ Ecclesie in ipsos
 pietatem, sicuti vetus ille populus omnes Dei nuncios,
 subsannarent & parui penderent, imò & illi illuderent,
 donec ascenderet furor Domini in eos, & nulla iam ef-
 fecturatio, compendio nunc & ordine exponam. Hæ-
 reticas pestes in Oriente exortas, Arianos, Eunomianos,
 Macedonianos, Nestorianos, Eutychetistas, Monothe-
 litas, Iconomachos, quomodo vna Romana Ecclesia
 sua maximè autoritate prostrauerit atque extinxerit,
 nuper explicatum dedimus. Schisma & diuisio illarum
 Ecclesiarum à matrice Romana, in ambitione & super-
 bia Constantinopolitanorum Præsulum, primò partu-
 riuit, quando eius ciuitatis Episcopus, qui nec Metro-
 polita est, sed Heracleæ Metropolitæ subiectus, propter
 Imperij Sedem & nouæ Romæ titulum, primum Pa-
 triarchalis & Metropolitanus sic esse voluerit, vt Antio-
 cheno, Alexandrino & Hierosolymitano Antistitibus,
 quibus post Romanum Pontificem primum ordinem
 Canones Nicæni constituerant, sese antepone, & post
 Romanum primo loco haberi, sub finẽ Concilij Chal-
 cedonensis contenderit: cui facto & ambitioni, etsi Leo
 Magnus fortissimè se opposuit, Nicenorum Canonum
 assertor, & post eum Gelasius in Tomo de vinculo ana-
 thematis, *Imperatoris tamen patrociniò preualuit quo-*
dammodo

2. Patri-
vlt.

Schisma
Gracori.

In breui-
rio c. 14.

Dist. 22.
Renouau-
tes.

dammodo ait Liberatus. Et rectè sanè adiecit, *quodammodo*. Quumuis enim tam in sexto Concilio generali ducentis post annis, quàm ab ipso maximè Iustiniàno magna contentione actum fuerit, vt post Papam Romanum proximo censeretur loco Constantinopolitanus Præsul, nihil tamen ampliùs à Romana Ecclesia obtinere potuit ambitio illa, in sola secularis Imperij noua sede fundata, quàm vt post primas illas Patriarchales Ecclesias, Alexandrinam & Antiochenam, ipse quoque Patriarchalis haberetur: quod his verbis Leo nonus aduersus Michaëlem Constantinopolitanum profite-
tur. *Cum nullo diuino vel humano priuilegio honorabilior aliis Ecclesiis Constantinopolitana existat Ecclesia, & Antiochena atque Alexandrina, ob reuerentiam Principis Apostolorum inter alias retineat dignitas iur. i. tamen pia mater Romana Ecclesia nolens dilectam filiam dote honorificentie ex toto carere, per beatos predecessores nostros in aliquo: Synodis curauit decernere, vt salua principalium & Apostolicarum sedum dignitate Constantinopolitanus Antistes honoraretur, sicut regi ac ciuitatis Episcopus. Romana igitur Ecclesie indulgentia & prudentia huic primæ Græcorum ambitioni hoc modo mederi voluit, ne à Catholici corporis vnitatem resili-
ret. Sed verò pro innata quadam Ecclesie Constantinopolitane superbia (cuius morbo ita laborabat, vt edito Augustorum Theodosij, Arcadij & Honorij prohibitum sit, quenquam ex Constantinopolitana Ecclesia defuncto Episcopo Sisinnio, eius Ecclesie Pontificatum deinceps sperare, sed ex alia sibi iugiter Pontificem expetere,) non hinc ambitionis eius modus aut finis fuit. Voluerunt deinceps Constantinopolitani Episcopi, *Uniuersales & Oecumenici* appella-
ri,*

In epist.
aduersus
Præsump.
Michaëlem
& Leonum
Arch. cap.
28. Tom.
3. Concil.

Leo 9. lib.
de iur. 31.

lari, quo vanitatis vocabulo non Romano tantum, sed & omnibus totius orbis Episcopis dignitas Episcopalis subtrahebatur, dum vni ex toto arrogaretur. Hunc titulum planè *Antichristianum*, vt illum B. Gregorius ^{Lib. 4. epist. 38.} appellat, post tam multos Constantinopolitanæ Ecclesiæ Episcopos heretica labe notatos, magnaque ex parte hæresum nouarum architectos, post Eusebium Nicomediensem Sedis Constantinopolitanæ inuasorem, & maledicti Arii signiferum, post Macedonium Hæresiarcham, post Eudoxium & Demophilum Arianos, post Maximum Apollinaristam, post Arsacium schismaticum, post Nestorium alium Hæresiarcham, post Acacium schismaticum pertinacissimum, post Anthimum Eutychianum, post Eutychium resurrectionis in carne negatorem, vnus Ioannes successor proximus, ne nihil illi Sedi turpitudinis deesset, sibi primus arrogauit, applaudere Mauritio Imperatore, cuius arrogantiam, etsi plurimis epistolis B. Gregorius Magnus acerrimè refutauit, eiusque successores sub Anathematis pœna interdixerint & damnauerint, eandem tamen successores eius Imperatorum patrocínio fulti, nunquam corrigere voluerunt, paucis quibusdam illius Ecclesiæ sanctis sacerdotibus exceptis, Methodio, Maximo, Tarasio, & aliis. Sed quis huius arrogantiae fructus alius esse potuit, quàm vt alci sapientes, & typho seculari inflati, in iudicium inciderent diaboli, in hæreses & schismata sibi quasi cathenatim succedentia? Nam sub tertio post Imperatore Heraclio, à Sergio Pyrrho, & Paulo Constantinopolitanis Episcopis, exorta est Monothelitarum hæresis plurimarum sectarum infausta parens, cui à Romanis Põtificibus, Theodoro, Martino primo & Aga-

thone, sexta generali Synodo conuocata, maximo studio obuiatum tuit, ne hac rursus cōtacta labe Orientalis periret Ecclesia. Ceterum hac vesania non contenti, Orientales Iconomachiam proximo sequenti seculo, maximo studio & cum acerbissima Catholicorum persecutione propagarunt, nec vlli magis quam Constantinopolitani, donec Paulus tandem Patriarcha Constantinopolitanus relicto Episcopatu pœnitentiā agens ad vñionem hortaretur, eiq; suffectus Tarasius vir sanctissimus, non prius dignitatem illam acceptare voluerit, quam cum Romana Ecclesia Græci se vnirent, & de Imaginum quæstione in Synodum vniuersalem Nicææ congregandam consentirent: vbi illi hæresi & adiuncto schismati penitus occursum fuit. Mox enim sub Constantino & Irene, Nicæna septima Synodo generali ab Adriano primo celebrata, Græci Latinis iterum vniti fuerunt. A qua tamen vñione Constantinus citò resiliens, à matre Irene Imperio priuatur, eiusque successor Nicephorus alia in Oriente Synodo conuocata, cum Romana Ecclesia quartum vnitur. Huius verò proximi ferè successores Leo Armenius, Michaël Balbus, Theophilus ad Iconomachiam relapsi, schisma renouarunt, donec sub Michaële tertio Theophili filio, studio & opera S. Methodij Patriarchæ Constantinopolitani, qui Romæ enutritus, à Sede Apostolica Constantinopolim presbyter missus fuerat, Imaginum cultus & orthodoxa doctrina restitueretur. Cæterum ne diu infelix Oriens conuiesceret (per Apostolos quippe Petrum & Paulum, *Occidens factus est Oriens*, ut eleganter scripsit Nicolaus primus) sub eodem Michaële ingens alia discordiæ flamma succensa est. Quum enim

Zon. Tom. 3.

Eutrop. lib. 24.

Anast. Biblioth. in epist. ad Car. & Nicol. 1. in epist. ad Michaelē Imperatorem.

Bardas, Cæsar omnia sub Michaële administrans, vxore contra fas dimissa, & nurui suæ copulatus, ab Ignatio Patriarcha Constantinopolitano ab Ecclesiæ ingressu arceretur, isque ea occasione Ignatio Sede sua spoliato, Phocam seu Photium quendam intruderet; ab isto Phoca, & per illum hominem alioqui multæ lectionis & acutum, quem Nicolaus primus, & Adrianus secundus expulerunt, Ignatiumque in Concilio Generali octauo Constantinopoli sub Imperatore Basilio habitato restituerunt; noua aduersum Latinos quæstio de processione Spiritus S. à Patre Filioque primùm agitari & ventilari cæpit. Quæ vna quæstio maximæ & pertinacissimæ Græcorum à Latinis dissensionis ac discessionis causa fuit, vt in Concilio Florentino Marcus Ephesus attestabatur. Ducentis quidem ferè post annis nouam aduersus Latinos quæstiunculam de Azymi in mysteriis consecratione mouerunt, idque tanta contentione vt Michael Constant. Patriarcha ausu nefario Latinos veluti Azymitas excommunicare præsumserit, cuius infamiam Leo nonus doctissima aduersus eum epistola facillè compescuit: Missis quippe à Leone nono Constantinopolim legatis crimen suum Græci agnouerunt, & iterum se Latinis etsi frigidè adiūxerunt, vt in chronico suo notauit Sigisbertus. Sed altera illa quæstio implacabilis odij seminarium fuit. Tamen si quippe aperto scismate à Latinis Græci confestim sese non separabant, nec Photij insaniã omnes mox complexi sunt, illum tamen grauem errorem ducentis post Photium annis tanta pertinacia defendere ceperunt, vt Romanam Ecclesiam eo nomine excommunicare non sint veriti, si vera narrat Hermānus Gigas à Genebrardo citatus. Sanè huius

Anno 868

Ferrar.
Sess. 3.Leo 9. in
epist. ad-
uersus
Frasum-
phones
Mich. &
Leonis
Arch.Anno
1020.Anno
1028.

Sigubert-
us anno
1054.

Anno
1088.

Edictum
in vita
Anselmi.

Anno
1154.

Anno
1178.

Anno
1215.

erroris sicuti & multorum aliorum Leo nonus in epistola ad Constantinum Imperatorem paucis post annis Græcos insimulauit, atque vt ad sanio rem mentem redirent, missis Constantinopolim tribus legatis viris doctissimis, vno Cardinali, vno Archiepiscopo, & tertio Romanæ curiæ Cancellario, omnem operam posuit. Sed & quadraginta, circiter post annis in Concilio Barensi sub Urbano secundo Anselmus Cantuariensis Archiepiscopus hunc Græcorum errorem illis presentibus doctissime refutauit. Centum annis post plus minus Adrianus quartus pro sollicitudine paterna suspicatus Græcos non bene nobiscum conuenire, misit ad Emanuelem Imperatorem, Balduinum & Balditzonium clericos Romanos doctissimos, qui hoc inquirerent: Ad Basilium quoque Acridenum Thessalonicensem Metropolitam in eandem sententiam scripsit, qui tum quidem benignè responderunt, nihil esse dissidij in fidei doctrina inter nos & Græcos. Extant literæ vtrinque, missæ in Codice iuris Orientalis inter responsa Patriarcharum. Alexander tertius huius successor proximus, curauit vt præter alios Constantinopoli esset *Hugo Eterianus* vir doctissimus, & Emanueli Imperatori gratus, cuius extant scripta subtilissima aduersus Græcos de Spiritu S. processione à Patre Filioque. Sed & missus sub idem tempus in eandem rem Constantinopolim Ioannes Cardinalis Pontificius legatus, qui à furentibus Græcis occisus est. Porro vix triginta post annis in Concilio Lateranensi generali, sub Innocentio tertio conuenientibus Patriarchis Græcis Constantinopolitano & Hierosolymitano, de hac quæstione veluti iam sopita, nihil actum aut conclusum legitur, seu Romani Pontificis

ficis & Latinorum Præfulum reuerentia tactis, seu ex animi sententia tacentibus Græcis. Nam eodem ferè tempore Ioanne Duca in Oriente imperâte, Nicephorus Blemmydes doctissimus Monachus & Græcus, hūc suorum errorem eruditissimo scripto refutauit, vt Nicephorus Gregoras, Historicus Græcus author est. Quare paulò post siue propter constantiam & insignem eruditionem *Joannis Beci* Patriarchæ Constantinopolitani, qui à suis grauissimè vexatus, ad mortem tamen vsque Latinæ Ecclesiæ dogma orthodoxum contra cæteros Græcos fortissimè astruebat, Nicephori Blemmydæ scriptis adiutus, vt idem cōmemorat *Gregoras*, siue propter

Frates Ordinis S. Dominici & S. Francisci quos Gregorius decimus ad Græcos ab errore reuocandos Constantinopolim miserat; Michael septimus Paleologus dictus cum omnibus suis in Concilio Lugdunensi sub eodem Pontifice nouam & solemnem cum Latina Ecclesia vnionē fecit. At verò eodem Imperatore mortuo, cui etiam à sacerdotibus Græcis, si Blondo credimus, vel certè à filio, vt Gregoras commemorat, sepultura ideo negata est quia Latinis cōsenferat. Andronico secundo proximè imperante, iterum Græci à Latinis schisma renouant, idque maiori crudelitate contra suos, quàm olim contra Iconomachos vsi. Becus tamen Patriarcha vtrunque depositus publica facta disputatione ab vnione Latinorum nō discessit; imò tantum effecit vt Thesiali Phiotæ & Pelasgi ipsèque Imperator Andronicus, ipsis Episcopis frustra reluctantibus cum Latinis conuenirent, vt latè describit ac deplorat Nicephorus Gregoras. Qui etiam commemorat duos Episcopos à Pontifice Romano Constantinopolim missos, qui cum re-

Niceph.
Gregoras
lib. 4.

Lib. 5.

Georgius
Pachyme-
res lib. 5.

Gregoras
lib. 6.

Lib. 7.

fractariis Græcis de quæstione illa controuersa publicè disputarent; sed ipsomet procurante Gregora ad disputationem admissos non fuisse, eo quòd (vt ipsemet fateatur) nemo inter Græcos illis par esse videretur. Nihilominus sub proximo Imperatore Andronico iuniore, quum missis à Benedicto 12. Constantinopolim legatis pro Ecclesiarum vnione omnē collationem ac disputationē Græci pertinaciter recusarent, vnus Barlaā monachus Calaber Cōstantinopolim profectus, hæresim hanc Græcanicā tribus totis annis publicè exagitauit, nemine resistente, donec Palamam quēdam illi Græci opponerent; quem cū ex scriptis suis hæreticum hominem esse, in publico confesso, cui & Imperator interfuit, probare vellet, ab omnibus explosus audiri nō potuit. Ita sola pertinacia Iudaica aduersus cōceptum errorem veritati oculos aperire noluerunt. vnde factum est vt Græcorum rebus in peius la bētibus, & in magnas angustias Orientali illo Imperio redactō (de quo mox) ipsis quoque Græcis propter hanc vnā quæstionem toto iam animo Latinæ Ecclesiæ communionem respuentibus,

Gregoras
lib. 10.

Anno
1340.

In Concil.
Ferrar.
Sess. 3.
Anno
1438.

Sess. 6.
Ferrar.

In definit.
Concilio
Florentini.

vt disertè profitebantur, vno integro post seculo ad generale Conciliū sub Eugenio quarto, Ferrarię primum, postea Florentiæ habitum Episcopi Græcanici cum suo Imperatore Ioanne Paleologo cōuenerint, vbi post multas & doctissimas disputationes habitas, (eo maximè Græcis demonstrato, particulam illam *filioq;*, non fuisse aliquam Symboli Patrum adiectionem aut additionem (quod illi maximè clamitabant) sed expositionem clariorem) omnes in vniuersum Episcopi Græci (vno Marco Ephesio excepto) ipseque Imperator nouam & vltimam cum Latinis vnionem, eamq; in omnibus fidei articulis

ticulis plenam atque perfectam iurauerunt. Caterum
 leuitate plusquam Græcanica ab vno illo Marco Ephe-
 sio iterum seducti, ad vomitum suum redierunt retroce-
 dentes à sancto mandato. Quare & viginti post annis
 Mahometes Turcarum Imperator ad quos Asia & Græ-
 cia pellendos cum Latinis Principibus copias & vires
 suas coniungere Imperatores Orientales saepe ac subin-
 de rogati (vt ipsemet narrat Gregoras) nunquam volue-
 runt, Constantinopolim vi capit, idque ipso Penteco-
 stes die quo Spiritus S. descensum (cuius æternam pro-
 cessionem à Patre Filioque agnoscere Græci noluerunt)
 Catholica celebrat Ecclesia, Constantinum Imperato-
 rem cum omni sua gente interficit, & Orientale Impe-
 rium tollit: totamque illic Christianitatem seruituti acer-
 bissimæ quam adhuc seruiunt crudelissimè subiecit.

Anno

1453.

Lib. 11.

Aen. Syl-
uius.

Hæc Romanæ Ecclesiæ ad conseruandam Orienta-
 li Ecclesiæ pacem, vnionem sanam & orthodoxam do-
 ctrinam per aliquot secula opera indefessa, cura & solli-
 citudo paterna, hoc eius studium indefatigabile fuit.
 Sed vt diuinæ scripturæ verba repetamus, dum illi *sub-*
sannabant nuntios Dei, tot legatos doctissimos à tot
 Pontificibus missos, *et paruipendebant sermones eorum,*
illuderentque Prophetis Apostolicis; idque si Trithemio cre-
 dimus *terdecies conciliati, toties relapsi*, ascendit tandem
 furor Domini in eos, & nulla superfuit curatio. Eluxit
 interim Romanæ Ecclesiæ opus magnificentissimum
 & verè admiratione dignum, quæ per tot secula tam
 refractar os hostes, tam pertinaciter aberrantes oues in-
 caulas Dominicas reuocare, nullo vnquam tempore.
 cessauit.

In Chro-
nico mo-
nasterij
Hirsaug.

CAP. VIII.

Orientalis Imperij dignitas quanto sudore defensa.

ALIVD nunc Romanæ Ecclesiæ opus, non tam Pontificale & Pastorale quàm Regale aut etiam Imperiale (humanum dico propter infirmitatem multorum qui regalia magis quàm pontificalia, & profana magis quàm sacra admirâtur) explicare aggredior, quo videlicet Christianorum regna, prouincias, vrbes, tam in Oriente quàm in Occidente, aduersus Barbarorum & infidelium incursiones, armis & exercitibus potentissimis missis, vel tutati fuerint, vel etiam recuperauerint: idque eo solo intuitu & fine, vt Christiana religio aut facta tecta conseruaretur, aut à Barbaris oppressa, in integrum restaurata refloresceret. Primus qui hoc magno animo attentauit, & felicem ac gloriosum successum reportauit, fuit *Vrbanius secundus* pietate, fortitudine, eruditione præstantissimus Pontifex. Sarracenis enim & Turcis Syriam & Asiam penè totam obtinentibus, & ipsa quidem Hierosolyma à Sarracenis ferè quingentis annis occupata, Imperatoribus autem Græcis aut otio & ignauia torpescantibus, aut ab omni cum Latinis fœdere ad communem hostem expugnandum abhorrentibus, *Vrbanius secundus* ausus est omnium primus populos Cruce signare, & in Concilio Claromontano celeberrimam expeditionem aduersus Sarracenos & Turcas indicere, vsque ad tercentena armatorum millia ex Gallis, Burgundis, Italis, Hispanis & Anglis collecta (soli quippe tunc conuiuere, & aliis Christianis illudere Germani voluerunt, ipso videlicet Im-

Anno

1095.

Plas. 179

Vrbani. 2.

peratore

peratore Henrico tertio huic Pontifici infensissimo) Ducibus Gothifredo Lotharingæ & Brabantia Ducce, cum fratribus Eustathio & Balduino, qui tribus exercitibus ductis, Nicæa primùm vrbe Turcis, mox Hierosolyma Sarracenis erepta, tota Asia & Syria paucis post annis fidei hostes eiecerunt, Chisti que trophæa in latissimis illis tractibus de nouo erexerunt. Et Asiæ quidem ciuitatibus Imperatori Orientis restitutis (tametsi Zonaras id taceat, & Nicephorus Gregoras vnico tantùm verbo agnoscat, *Orientem qui à Turcis tenebatur* Lib. 4. *fuisse ab Alexio Commeno receptum op Gallorum fascis*) Syria verò & Palæstina à Christianis Europæis re-tenta, Græcorum Rex & Imperij Orientalis salus ac dignitas per annos prope ducentos in tuto fuit.

Hoc bello sacro Romani Pontificis auspiciis felicissimè confecto, ad ea conseruanda quæ fortissimè recuperata erāt, primus militum Hierosolymitanorum Hospitaliorum, siue S. Ioannis Ordo, soli Sedi Apostolicæ & magno magistro proprio subiectus institutus fuit, qui ad urbem ipsam Hierosolymitanam tutandam, & peregrinos eò proficiscentes hospitio excipiendos, ex religionis voto sese obstrinxerūt. Horum exemplo Templariorum Ordo ad templi defensionem à Gallis Principibus erectus fuit; quia Gallorum maximè opera recuperata Hierosolyma fuerat. Horum erat peregrinos per loca sacra ducere ac reducere, vt sine vllo periculo aut maleficio sanctam illam peregrinationem peragerent. Sed & non ita multo pòst Frederico primo Imperatore à Gregorio octauo literis ac legationibus impulso, copias quoque amplissimas in Syriam ducente, exadificata Hierosolymis S. Mariæ æde, Ordo Teuthonicus Cæ-

Ordines
sacri mi-
litares.

Plat. in
Gelaf. 2.

cus Cēlestino Pōtifice approbante, aduersus fidei Christianae hostes institutus etiam fuit. Horum exempla longē pōst in Hispania Castellani secuti sunt, ordinem S. Iacobi ad fidei defensionem, & aduersus Mauros Mahometanos, excitantes. Vltimi fuere Lusitani, qui ad eundem finem ordinem Christi excitarunt: Atqui (quod obseruatione & admiratione dignissimum est) cæteris omnibus Ordinibus iam extinctis, quia suis Regibus, non Sedi Apostolicæ immediatē subiecti erant, & Templariis quidem à Philippo Pulchro Galliarum Rege, cupiditate magis quàm iusta ex causa (si Gallis authoribus credimus) penitus extinctis, Teutonicis verò militibus primū à Frederico secundo ex Syria abductis, & ex autoritate Gregorij noni in Prussia collocatis, postmodum autem Alberto eorum magno magistro in hæresim Lutheranam prolabente, & Prussiam sibi titulo Ducali subiiciente, hoc modo sublati; Castellani demum & S. Iacobi militibus, eiectis semel tota Hispania Mauris Mahometanis, solo iam Rege magni magistri locum obtinente, ideoque amplissimos huius Ordinis fundos in Commendas, quibus ei videtur elargiēte, similiter à primæua Institutione dilabentibus; quod & idem Lusitanis accidit; soli nunc Hierosolymitani milites, & S. Ioannis Ordo supersunt, qui Apostolicæ Sedi subiecti, aduersus hostes fidei ex primo eorum instituto in armis stant; & vtcunque ante paucos annos Rhodo eiecti, Melitam adhuc insulam tenēt, vnde soluētes publicos fidei hostes indefinēter fatigant, & à Sicilia atq; Italia ingressu fortissimē abarcēt. Opus hoc heroicum & magnificū Romanæ Ecclesiæ auspiciis & autoritate inchoatum, in suo adhuc robore perstat.

Papirius
Massonus.
Paulus
Acmyl.

Quum autem ad sacrum aduersus fidei hostes bellum ab Urbano secundo primò excitatum, totis ducentis & amplius annis in Syria & Asia à Sarracenis & Turcis eripienda, Occidentis Principes Christiani plurimam & perpetuam operam poneret, Nicæa primùm, mox Edissa, dein Antiochia, ipsa que demum Hierosolyma illis crepta, Accarone, Beritho, Sidone, Tyro, Ascalone, similiter expugnatis, Ægyptiis quoque qui Christianos in terra Sancta infestabant, à Balduino secundo Hierosolymorum Rege bello victis atque perdomitis, ut ipsi tandem Imperatores Germaniæ, primùm Conrardus tertius cum Ludouico Rege Galliæ, postea Fridericus Barbarossa maximis copiis in Asiam contra Turcas mouerent; ipsis interea Imperatoribus Græcis omnia perfidè contra Latinos Principes agentibus, Alexio quidem insidias illis in via struente, Ema-
 nuele verò Comeno etiam gypsum farinæ Christianorum miscente, & ipsos Turcos contra Christianos Occidentales clanculum excitante, ac denique Fridericum in Germania regnātem aduersus Alexandrum tertium commouente, Isacio quoque secundo Friderici transitum modis omnibus sed frustra impediēte, quæ omnia Nicetas Choniates scriptor Græcus commemorat, non destiterunt interea Romani Pontifices ad Orientis Imperium conseruandum, fideique hostes, ne illud inuaderent profligandos, omnem operam ac studium incessanter ponere. Nam & ipse Alexander tertius, cui Græcus Imperator insidias struxit, Romæ Concilio habito inter alia decreuit, ne quis ex nostra Europa, arma aut bellica instrumenta Turcis adueheret: & sub Innocentio tertio in Concilio Lateranensi maximo, de re-
 peranda

*Gul. Tyr-
rius de
bello sacro
lib. 4. & 5*

*Blondus
Dec. 2.
lib. 5.*

*Tyr. lib.
10. c. 13.
Blondus
vs supra.*

*Lib. 1. 2.
& 7.*

*Alex. 3.
P. Aemyl.
lib. 5.*

Innoc. 3.

Iac. Mey-
etm.
Plat. in
Honor. 3.

Grego-
rium 9.

Bonif.
dec. 2.
lib. 8.

Bonifa-
cium 8.

Anno
1333.
Grego-
rium 10.

Ioan. 22

peranda rursus Hierosolyma quam post octoginta octo annos Salladinus Christianis nuper eripuerat, decretum fuit: vnde Honorio tertio proximo eius successore hortante Andreas Vngarie Rex, cum aliis Christianis Principibus Gallis in Asiam proficiscens Damyatam vi cepit: & primò facta cum Saladino pace reuertens, paulo post Hierosolymam eo pulso recipit: quam mox Tartari cum Sarracenis iuncti Christianis eripiunt. Vnde & paucis post annis Gregorio nono id plurimum fatigente, Ludouicus quartus Francorum Rex maximis rursus copiis in Asiam traiecit. Eodem tempore alij Christiani Principes cum Bela Rege Hungariae, in Syriam profecti, vario Marte cum Sarracenis & Tartaris pro terra sacra pugnant: & (cæteris dissentientibus in hac militia Christianis Principibus) Soldanus Ptolemaidè occupauit, & omni Syria Christianos eiecit, anno millesimo ducentesimo nonagesimo primo, vt Æneas Syluius notat: Quare eodem tempore Bonifacius octauus nullum non mouit lapidem, vt Christiani Reges ad Hierosolymitanam profectionem rursus se accingerent: quod Nauclerus commemorat, anno millesimo ducentesimo nonagesimo nono. Triginta autem post annis plus minus in Cōcilio Lugdunensi sub Gregorio decimo, paulo post habita, de recuperanda Palestina communibus armis Michaël Paleologus Græcorum Imperator cū Latinis cōsenserat. Sed illo promissis non stante, quum Turcæ Chersonesum in Europa occupauerant, multis præliis Græcos Imperatores fuderant, omniâque animo deuorarent, Ioannes vicesimus secundus, Rex Franciæ, & Veneti fœdere inito (nam Ludouicus Bauarus Imperator, hostis Ecclesiæ à Pon-

fice denunciatus fuit) aduersus Turcas classem emisere;
 à nostris felicissimè res gestæ: Turcæ victi, multa loca
 recepta, vt narrat Gregoras Græcus, & è nostris Ioan- *Gregor. lib. 7.*
 nes Villaneus. Sed quid? Græci ipsi Andronicus senior *Villan. lib. 11.*
 & iunior, huiusque liberi de Imperio decertantes, Tur- *cap. 18.*
 cas in Europam ad auxilium vocant, & ad suum ipso-
 rum interitum ac ad nostrum, apertam ianuam patefa-
 ciunt. Non destiterunt tamen ab officio suo, & Chri-
 stianæ religionis cōseruandæ studio indefatigabili Ro-
 mani Pontifices. Nam quum Latini Principes Impera-
 torem Græcorum Andronicum iuniorem, senioris ne-
 potem missis legationibus hortati essent, vt iunctis co-
 piis Turcas Europa pellerent, sed frustrà vt ipsemet re-
 fert Gregoras, Romani Pontifices ipsi, Benedictus duo- *Gregor. lib. 11.*
 decimus, & Clemens sextus, anno millesimo trecente-
 simo quadragesimo quarto potentissima classe aduer-
 sus Turcas suis sumptibus in Asiam missa, à principio
 victores extiterunt, Smyrna capta; mox per impruden-
 tiam magnam cladem acceperunt: nouis nihilominus
 copiis sequente anno à Pontifice submissis, vt latè nar-
 rat Villaneus: Sed annis postea quinquaginta, Baiaze- *Villan. lib. 9.*
 the Turcarum Imperatore Bosnam, Croatiam, & Il- *cap. 32.*
 lyricam vastante Sigismundus Hungariæ Rex, colle- *Borjini dec. 2.*
 ctis ex omni Europa magnis auxiliis, sed à Romano *lib. 3.*
 Pontifice tum magna vi pecuniæ, tum misso exercitu *Villan. lib. 12.*
 adiutus, primò quidem in Walachia Turcas superat, sed *cap. 38.*
 postea ad Nicopolim in finibus Græciæ fusus fugatus-
 que est. Turcarum verò Imperatore Amurathe tam
 Græcorum Imperium miserum in modum lacerante,
 quàm Hungaros & Germanos varia incursione mole-
 stante, Ioannes Hungariæ Rex, ab Eugenio quarto in- *Eugenius 4.*
 stigatus

Dec. 2.
lib. 5.

stigatus & adiutus, Turcarum copias sæpe fudit, maxime apud Adrianopolim, vt Bonfinius latè narrat. Misfa quoque ab eodem Pontifice in Hellespontum classis, cui Franciscus Albertus Cardinalis præerat: Atque actum prorsus videbatur de Imperio ac rebus Turcicis, nisi Amurathes maximis propositis conditionibus à Rege Hungariæ & Poloniæ Vladislao (inconsulto Romano Pontifice) pacem mercatus esset: qua postea ad preces Imperatoris Constantinopolitani rescissa, Rege-que ac Iuliano Pontificio legato, ad Varnam collatis signis infelicitè trucidatis, auctæ quidem Turcarum vires, non tamen destitit vel idem Pontifex, vel successores eius Turcas perpetuò premere, & Græcis auxilia subministrare. Nam Nicolaus quintus Eugenij successor, ad omnes Europæ Reges legatos misit, vt arma concordibus animis in Turcas sumerent. Qui tamen quum nihil efficeret, Deumq; Græcis post Concilium Florentinum ad schisma relapsis, iratum esse aduerteret, prædixit illis vir sanctus, fore vt intra triennium in potestatem Turcarum omnes venirent, nisi interea resipiscerent: quod & euenit, Constantinopoli capta, totaque Græcorum Imperio penitus tunc extincto, vt nuper annotauimus.

Ibidem
lib. 6.Nicolaus
5.

CAP. IX.

Euerso Imperio Orientali contra Turcas opera & labores.

EVERSO nihilominus illo Imperio, sequenti postea Pontifices ad hostem fidei Græcia pellendum, incredibilem operam posuerunt. Calixtus tertius Nicolai

Calixtus
3.

succes.

successor voto se ad id astringit, missoque in Hunga-
 riam Ioanne Caruaiali legato Cardinali, & Ioanne Ca-
 pistrano, innumeras copias coëgit, & anno millesimo
 quadringentesimo quinquagesimo sexto, Turcarum
 Regem Mahometem victoria celeberrima fudit. Aqi-
 leensem Patriarcham magna classe instructa aduersus
 eundem misit, qui triennio multa damna illis intulit,
 nonnullas insulas cepit: Mandauit præterea vt toto or-
 be Christiano sono campanæ meridionali Christiani
 admonerentur omnes, vt ea hora genibus flexis, Deum
 pro victoria aduersum Turcas inuocarent. Missis quo-
 que tam ad omnes Europæ Reges legationibus, quàm
 sacris multis concionatoribus, qui cælestium spe præ-
 miorum populos ad hoc excitarent, nullum optimi
 Pontificis officium toto quo sedit triennio prætermisit.
 Sed propter intestinam Principum Christianorum dis-
 cordiam parum effecit. Eum sequutus Pius secundus, *Pius 2.*
 qui nihil aliud toto quo sedit quinquennio egit, quàm
 vt Græciæ aduersus Turcas subueniretur, Concilium
 Mantuæ ad hoc indixit, & quamuis mox excitata fue-
 rint bella grauissima inter Germanos & Hungaros, Ca-
 stellanos & Aragonēses, Edouardum quartum & Hen-
 ricum sextum de Angliæ regno certantes; Renatum An-
 degauensem & Ferdinandum Neapolis Regem; tantus
 tamen eius fuit ardor, vt inito cum Venetis fœdere clas-
 sem magnam instruxerit, exercitum maximum com-
 pararit, Anconamque ipse ad id bellum profecturus
 perrexerit. Ibi dum Venetorum naues expectat, vita de-
 cessit, Cardinales ad incœptum prosequendum adhor-
 tatus. Ij naues Christophoro Mauro quibus in Turcas
 pergeret tradidere: ingentem quoque pecuniæ vim ad

*Christia-
 norū bella
 intestina.*

Matthiam Coruinum Hungariæ Regem transmissere,
vt stipendia militibus aduersus Turcas persolueret. Pio

Paulus 2. substitutus est Paulus secundus, de cuius in hoc genere
præclaris officiis etsi Platina sileat, suo aduersus hunc
Pontificem odio & stomacho indulgens, Cambinus ta-
men in libro secundo rerum Turcicarum, scribit fœdus
aduersus Turcas cum Venetis initum, à Paulo secundo

Cranz. Et Saxo Gram. lib. 12. cap. 7. fuisse continuatum. Alij quoque scriptores commemo-
rant, maximum ab illo studium positum fuisse, ut pax

inter Christianos Principes aduersus Turcarum Re-
gem componeretur: tandemque formulam pacis certis
conditionibus adiectis ab ipso fuisse promulgatam, cui
Principes Christiani qui non acquiescerent, fidelium

Sixtus 4. consortio priuarentur. Paulo secundo successit Xystus
quartus, qui simulatque creatus est, quatuor Cardina-
les summa cum potestate ad omnes Europæ Principes
misit, ut ipsos ad concordiam pacemque adductos, in
Turcas impelleret: Sed propter acerbas & mutuas Prin-

Christia- noru bella intestina. cipum Christianorum concertationes, Gallo & Anglo
circa regni fines bella bellis ferentibus, Ludouico vnde-
cimo & Carolo Burgundo simili contentione sese mu-
tuo lacerantibus, mox Maximiliano Germanorum Im-
peratore, & in Belgio, & contra Heluetios, & in Italia
multa prælia inaniter pugnante, in Hispania aduersum
Sarracenos Ferdinando dimicante, mox Carolo octauo
Gallo Apuliam & Neapolim Hispanis adimente, sed
confestim missa Neapolim classe, Ferdinando Hispano
vtramque recuperante, tum tota Italia bellis ferè con-
tinuis ad annos circiter triginta inardescente, de princi-
pato Mediolanensi, de Venetorum finibus, de regno
Neapolitano; & inter medias has flammæ Luthero

Apostata nouo hereticę prauitatis incēdio Germaniam infestāte, quod in Galliā, Angliam & Belgium peruadens, omnia ferro flaminaq; miscuit, & necdum restinctos ignes, utinā aliquando restinguendos succēdit, propter has, inquam, intestinas Principum concertationes à quibus respirare Christianus hic orbis nō potuit, nec Sixtus ille quartus profecit quicquam, nec alij Romani Pontifices eius successores, ab integro penē pōst seculo aduersus Turcarū potentiam in immensum crescentem remediū aliquod adferre potuerunt. Vide enim ut sexaginta aut circiter annorū spatio (aliud agentibus Christianis) creuerit. Interea quippe prāter Imperium Constantinopolitanū vniuersum penitus subactum, Imperium quoq; Trapezontinū cum duodecim regnis Turca occupauit, ducentas vrbes Christianis ademit, Peloponnesum & Pōtum expugnat, Chalcidem, Schodram & Hydruntum occupat, Methonem, Naupactum & Dyrrachium Venetis aufert; ab altera quoq; orbis parte duobus deuictis Soldanis, Ægyptū & Arabiam regno suo adiicit, rerum ferē omnium in Oriente potitus, & ad nos se conuertens vnus ferē anni spatio, Belgradum propugnaculum Christianorum in continente, & Rhodum propugnaculum maritimum expugnat, ac tandem in Hungariam cum magno exercitu irrumpens, Ludouicum Regem praelio superatū interficit, Budam regni caput diripit, & totius penē Hungarię dominus factus, toti deuorandę Germaniæ proximus inhiat: Sic autem breui tempore in immensum creuit, quia Romanorum Pontificum sanctissimis monitis acquiescere, priuatas querelas componere, in cōmunem hostem sese armare Christiani Principes noluerunt. Anno ta-

*Turcarū
potentia
breui in
immensū
crescens.*

*Anno
1465.
Egnat.
lib. 3.
Anno
1475.
Salv.*

*Anno
1495.*

*Anno
1520. &
1521.*

*Anno
1525.*

Clemens
7.

Pius 5.

anno
1571.Gregorius
13.Clemens
6.

men millesimo quingentesimo tricesimo secundo, cum Solymannus in Germaniam venisset, Clemens septimus instructissimum Italarum exercitum sub Hippolyto nepote Cardinali legato misit, & auri ingentem vim dedit, vt Germaniæ opem ferret. Tandem nostra ætate Pius quintus Romanus Põtifex, & pietate & eruditione præstantissimus, factõ cum Rege Catholico & Veneris fœdere, classem numerosam ducentarum & nouem triremium, præter sex maiores & quadraginta communes, aduersus Turcarum Principem emisit, & apud Echinades insulas, in faucibus sinus Corinthiaci, non longè ab Aëtiaco promontorio, vbi olim Antonium Octavius profligauit, victoriam maximè memorabilem reportauit, ducentis hostium triremibus partim captis, partim depressis, 40000. cæsis, 2000. captis, Christianis è captiuitate liberatis 12000. tantam sanè, vt ab eo in hunc vsque diem tempore, classe cum Christianis dimicare Turca ausus non fuerit. Eius successor Gregorius decimus tertius, pro fide Catholica restauranda quàm variam, nobilem & heroicam operam posuerit, sed in alio genere, mox in alio capite dicetur. Pretermittere non debeo quod qui hodie Petri clauum tenet, Clemens octauus verè sanctissimus Põtifex, ad hunc fidei hostem à Christianorum finibus arcendum, & copias ex Italia non contemnendas in Hungariam misit, & maxima pecuniarum vi Transilvaniæ Principem iuuit. Hæc sunt heroica & verè admiranda Romanæ Ecclesiæ Opera, non ad proprii Imperij terminos propagandos, aut ad proprii nominis gloriam (duos & perpetuos Romanorum Imperatorum fines ac scopos) sed ad fidem Christianam conseruandam, & ad Christi gloriam,

gloriani, regnum & Imperium stabiliendum gloriose impensa. Imò velim me quis doceat, an tot vnquam Imperatores pro sui Imperij conseruatione tam solliciti fuerint, quàm pro alieni Imperij (Græcorum dico) conseruatione tot Romani Pontifices à me commemorati, perpetua quadam ac succedanea cura solliciti extiterunt.

CAPVT X.

Munificentia in pias toto orbe laborantes.

VENIO nunc ad aliud Operum genus verè quoque heroicum & admirabile, quo vna Ecclesia Romana maximè præcellit. Romani Imperatores pro summa gloriâ ducebant, vt patres patriæ propter beneficia Reipublicæ collata, nuncuparètur: tamen de more potius quàm de iure, & vana Senatus populiq; assentatione magis quàm ex recta ratione titulus ille plerisque tribueretur. Atqui Romanæ Ecclesiæ Antistites ita non patriæ ac Reipublicæ tantùm Romanæ, sed totius orbis Christiani tales patres his multis seculis extiterunt, vt hæc vna Sedes omnium in eo miserorum & afflictorum perpetuum Asylum ac perfugium extiterit, omnes laborantes filios suos, veluti pia & amantissima mater suo gremio complexa, suo sinu fouendos exceperit. Exempla aliquot quæ occurrunt subiiciam: nam singula commemorare nec meâ potest variarum rerum infœtia, nec huius instituti ratio patitur. Et quidem à primis Ecclesiæ Romanæ incupabulis Romanorum Pontificum hæc propria penè gloria fuit, vt Christianorum toto orbe afflictorum calamitatibus succur-

rerent, indigentis subuenirent, cruces subleuarent, non literis modò Ecclesias ad animi fortitudinem adhortando, sed pecuniarum collato subsidio. Extat huius rei apud Eusebium, antiquum & celebre exemplum. Sic

Euseb. lib.

4. cap. 22.

enim apud eum Dionysius Corinthiorum Episcopus, ad clerum Romanum, sedente Sotere Episcopo à B. Petro duodecimo, quasi sesquiseculo post Christum natum. *Apud vos* (inquit Dionysius) *is mos iam inueterauit, ut omnes fratres variis afficeretis beneficiis, & Ecclesiis permultis quas in quaque ciuitate sunt, vita mitteretis subsidia.* Sic planè non solum egentium subleuatis inopiam, verum etiam fratribus qui sunt, ad metalla damnati, operam fertis. Sicque per ea beneficentia subsidia, que iam à primis Ecclesia vestra iactis fundamentis passim mittere consueuistis, cum suis Romani, Romanorum consuetudinem, à patribus traditam sedulo obseruatis: quam quidem certè beatus Soter vester Episcopus, & hactenus custodiuistis diligenter, & mirum in modum suo propenso studio adauxit: idque non modò opes in sanctos reficiendos delegatas benignè subministrando, verum etiam fratres ad ipsum aduenientes, tanquam pater indulgens ac clemens in liberos, beato ac pio sermone ad virtutem cohortando. Hæc de munificentia Romanorum Pontificum ab exordio Romanæ nascentis Ecclesiæ, erga cæteras Ecclesias longè lateque positas, tum fidelissimus testis Dionysius affirmat, tum ipse testatur Eusebius eadem liberalitatis officia ad vltimam vsque Ecclesiæ persecutionē suo tempore grassantem perdurasse. Sanè persecutione acerbius excitata Episcopos longè positos, Romam ad necessaria vitæ subsidia confugere solitos, ex epistola Romani Cleri ad beatum Cyprianum, vacante Sede, scripta patet, vbi ita loquun-

loquuntur. *Diu & quidem multi, & quidem cum quibusdam vicinis Episcopis, & quos ex alijs provincijs longè positis, persecutionis istius ardore eiecerat, ante constitutionem Episcopi nihil in nouandum putauimus.* Porro in acerbissima illa, sub Vandalis persecutione Africana, Himericho Rege trecentos triginta Episcopos, Trasimundo autem ducentos viginti quinque ex Africa in Sardiniam ablegante, rebus omnibus necessarijs destitutos, hos omnes, teste Paulo Diacono, vnus Symmachus Papa abundè aluit, missis omni anno & pecunijs & vestibus (ait Anastasius Bibliothecarius) nihil vt ipsis necessarium deesset. Idem quoque captiuos per Liguriam & Mediolanum, & per diuersas provincias pecunijs redemit, & dona multiplicauit & diuisit, vt in libro de Romanis Pontificibus legitur. Dixerit aliquis, vnde Romanæ Ecclesiæ veteri illi & antiquæ necdū à Constantino dotata, aut certè sub Symmacho regnante in Italia Theodorico, Gotho, & Ariano, illa dote prope modum spoliata tantæ opes, tanti thesauri, vt laborantibus in persecutione Christianis, tot & tantis tam liberaliter succurrere potuerit? Laudantur magnificè Imperatorum veterum, maximè Iulij Cæsaris effusa dona, in milites, in populum, in Senatum: Sanè quæ ex Galliæ templis magnus ille latro corraserat, ipso Suetonio veste, quæ ex aliarum gentium spolijs, cæde, rapinis, alij Imperatores extorserant: quæ non nisi ad luxum, & sui singuli Imperij stabilimentum erogarint? An non sic prædones nostros Batauos & Cattiacos admirari & laudare possumus, qui ex Brabantia & Flandriæ spolijs, ex innumeris abductis è publica via captiujs, ex pagorum incendijs, tum seipso peregregiè ditauit, tum

Anast. in
Symmacho
libro.

ad rebellem alendum militem tam multis his annis dona & stipendia erogarunt? An non Archipirata ille Dracus, qui apud insulas & mare Occidentalis Indiae thesauros Regis Catholici interceptit, mercatores diripuit, ciuitates maritimas expilauit, ut sic in immensum ditatus, & ad equestrem ordinem euectus lautissima fortuna, homo alioqui obscurissimus, vteretur, eodem quoque iure veluti vir magnificus & nouus quidam Triptolemus, laude & admiratione dignus videbitur? Aut qui nuper opulentissimum freti Herculei portum Calis repentina aduecta classe spoliarunt, & in Angliam suam immensis abductis spoliis, publicum populo epulum in vicis Londinensibus dederunt, suaeque Principi opes amplissimas aduexerunt, veluti magnifici admodum viri laudibus efferri pari iure non debent, ut dicamus ad magnitudinem regni Anglicani hoc totum pertinere? Atqui Romanae veteris Ecclesiae opes non nisi ex voluntariis Christianorum oblationibus, aut piis opulentorum hominum legatis, aut factis ex tempore collectis more & ritu Apostolico, aut denique ex variorum Principum donis amplissimis natae sunt. Origo eorum & fundamentum pietate nituntur, sicuti usus & expensio non nisi ad pietatem destinantur. Neque enim aliaratio unde Romanae Ecclesiae tanti tunc temporis thesauri essent, cogitari potest. Thesaurum illum Romanae Ecclesiae quem sub Decio Imperatore ex mandato Sixti Pontificis Laurentius Diaconus, ne persecutor raperet, pauperibus erogauit, à Philippo Christiano Imperatore qui proxime Decium praecessit, donatum Ecclesiae fuisse plus quam probabile est. Vnus Marcion haereticus ducenta sestertia Romanae Ecclesiae intulit, ut eius Ecclesiae

Ecclesiæ communionem obtineret: quæ mox homini
 impio restituta: ipseque à fidelium communione eie-
 ctus. Constantinus Copronymus Iconomachus à Gre-
 gorio tertio in Concilio Romano excommunicatus, ^{Bozium lib. 19. cap. 2.}
 quum alia via Pontifici nocere non posset, tributum
 quoddam sesquitalentorum, quod Sicilia, Calabria,
 Apulia templo S. Petri pendebat, in fiscum redegit. Sed
 & ex variis Gregorij Magni epistolis, luculenter patet
 maxima tunc fuisse Ecclesiæ Romanæ patrimonia, in
 'Africa, 'Neapoli, 'Dalmatia, 'Gallia, 'Sicilia: Sanè
 vnus Mutius Iustinopolitanus librum confecit, in quo
 collegit omnia à Principibus in Ecclesiam Romanam
 munera collata. Siue ergo ex donis diuitum Christia-
 norum (antequã Reges & Principes nutricij huius Ec-
 clesiæ erant, iuxta Esaia vaticinium) siue ex oblationi-
 bus & collectis fidelium, abundauit semper Romanâ
 vetus Ecclesia, vnde afflictos toto orbe Christianos sub-
 leuaret. Quod vt minus mirum videatur, vnus Cypria-
 nus Carthaginensis Archiepiscopus, ad redimendos ca-
 ptiuos in prouincia Numidiæ misit eò sestertium num-
 mum centum millia, quæ ex collecta Christianorum
 subitanea corraserat: vt ex eius ad Episcopos Numidiæ
 epistola patet. Sed ad rem ipsam nunc redeamus, & alia
 munificentia exempla in vna Romana Ecclesia profe-
 ramus. Leo quartus exædificata in Vaticano vrbe Leo-
 nina, eam Corsicis Christianis quos Sarraceni ex insula
 depulerant, incolendam dedit, assignatis viritim agris
 vnde viuerent. Porro Nicolaus primus, conquerente
 Imperatore Michaële Theognostum presbyterû Pho-
 tij per Imperatorem intrusi hostem Constantinopoli
 Romam fugientem, à dicto Pontifice receptum & refo-
 cillatum

Lib. 1.

Epist. 3.

Lib. 5.

Epist. 11.

Lib. 2.

Epist. 41.

44. 61.

Lib. 7.

Epist. 10.

Lib. 1.

Epist. 2.

68. & 70

Epist. 60.

Platina

anno 850.

cillatum fuisse, ei respondet, *multa esse Christianorum millia ex omnibus terrarum sinibus properantium, quae ad B. Petri protectionem quotidie se conferunt.* . Hinc videlicet in vna vrbe Roma pristinis temporibus ante Academijs toto orbe constitutas, multarum nationum scholas, Saxonum, Anglorum, Gallorum erectas legimus: harum quippe in vitis Pontificum per Platinam frequens fit mentio. Et Ioannes Magnus Vspalensis Episcopus, dedit in lucem literas quasdam Gregorij septimi, ad Suenonem Regem Danorum & Olauum Noruegiorum, & ad Regem Visigotthorum, quibus petit inter alia, vt mittant Romam clericos ac pueros nobiles, vt sacras literas moresque Christianos commodè doceri possint. Ex epistolis quoque B. Gregorij primi liquidò apparet, quantum Pontifici Romano semper curæ fuerit, in singulis totius orbis regionibus egentes Catholicos subleuare. Sed vnus nostro tempore Gregorius decimus tertius, prædecessoribus suis eiusdem nominis magnis & sanctis Pontificibus, vt in reliqua pietate nihil degenerauit, ita in hoc munificentiae genere, eos omnes longo interuallo superasse videtur. Hic enim munificentissimus Pontifex præterquam quod seminarium Germanorum in vrbe Roma iam inchoatum, per applicationem Ecclesiasticorum bonorum ad decem aureorum millia dotauit, crexit ipse anno Pontificatus sui secundo in vrbe Roma seminarium Hungarorum; anno quinto Neophytorum, in quibus etiam Chaldei & Armeni instituuntur, Anglorum quoque & Grecorum. Anno Pontificatus nono seminarium Viennense in Austria, Pragenſe in Bohemia, Græcenſe in Stiria, Omulecenſe in Morauia, Branspurgense in Prussia, Muslipontanum

Anno
1050.

Gregorij
13. muni-
ficentia.

Notius de
signis Ec-
cles. lib. 1.
cap. 3.

in Lotharingia. Vndecimo Pontificatus anno Vilnense in Lithuania, Claudiopolitanum in Transsilvania, Fuldense in Franconia: ac demum in vltima Iapania tria seminaria, Funaense, Arimanense & Anzuchxamense. An huius Pontificis munificentissimæ pietati aliquid adiici potest? At non hic Heroicus ille animus conqueuit. In Orientem legatos misit, in quibus Baptista Romanus è Societate Iesu; per eos conuocatum Concilium Episcoporum quadraginta nationis Maronitarum: Collegium præterea institutum in quo pueri tam Orientalium quàm Maronitarum in Catholica doctrina erudiantur, vt inde in patrias sedes reuersi, suos docere possint quæ ad Christi cultum pertinent. Quid quod in egenos & pauperes vrbs Romæ, aliosque priuatos exules, Græcos à Turcis eiectos, & Anglos patrij schismatis flammæ fugientes, tantam liberalitatem exercuit, vt animaduersum fuerit (teste Bozio) eum quotannis aureorum 70000. hos in vsus erogasse. Nec tacendum est in hanc quoque florentissimam Academiam liberalitatis suæ riuos hunc Summum Pontificem ita deflexisse, vt eo nomine inter huius Academiæ benefactores Anniuersaria celebritate meritò reponatur. Tandem memorabilis huius munificentiae ex publicis rationibus accuratè summa collecta, meruit ex Senatus consulto, teste Illustrissimo Baronio, præclaro gloriæ monumento, in Capitolio vnà cum statua omnium votis publicè consecrari, digno planè omnium Patris atque Pastoris elogio, quod inter alia hæc verba habet in marmore incisa. SESTERTIVM OCTINGENTIES SINGVLARI BENEFICENTIA IN EGENOS DISTRIBVTVM. Est autem horum summa vicies

N centena

*Annal.
rom. 2.
pag. 208.*

centena millia aureorum. Talia sunt Romanae Ecclesiae opera magnifica, ad Dei cultum, vel proximi utilitatem destinata.

CAP. XI.

Romana Ecclesia munificentia domestica.

LAVDATVR magnificè Imperij Romani magnitudo ab ædificiis in vrbe Roma incomparabili arte & sumptu extructis, ab Arcubus triumphalibus, ab Amphitheatris, à Circis, à Thermis, à Colūnis, ab Aqueductibus arcuatis longissimè in urbem deductis, à templis maximè Capitolino, in quorum descriptione doctorum ingenia laborant: denique & à frumentatione rotius populi, aliisque huiusmodi. Sed hæc omnia non nisi ad voluptatem inanem, & ostentationem vanam, aut etiam impietatis cultum extructa fuere, duobus exceptis, Aqueductibus & Frumentatione publica. Priori quidem magnificentiæ maius successit in Ecclesia Romana miraculum; Ne enim huiusmodi aquarum derivationibus tam longè tantoque sumptu petitis populus Romanus indigeret, aqua Tyberina utcumque maximè turbida intra mœnia urbis (non extra) potabilis iam facta est, idque tanto purior ac defecacior, quanto diutius in cisterna seruatur, etiam ad annos repōita, sola sanè (ut ciuium traditio habet) B. Gregorij primi prece & benedictione in eum vsum veluti consecrata. Frumentatio autem illa publica, præterquam quod à subsidiiis illis Romanorum Pontificum vndequaue extra urbem collatis facillè superatur (quæ non ex aliarum gentium spoliis, ut illa Romana, sed ex piarum personarum

rum voluntaria oblatione nata fuere) etiam ipsamet ab Octauio Augusto Imperatore sapientissimo adeo non probata fuit, vt primùm quidem, ne obeam populus frequentius à negotiis auocaretur, *pro eo quòd sui quisque mensis tesseram accipiebat, ter in annum quaternum mensium tesseras dare destinauerit, sed ob popolare desiderium consuetudinis veteris id nō perfecerit; postea verò magno impetu motus fuerit eam in perpetuum abolendi, quòd eius fiducia cultura agrorum cessaret: non tamen id praestiterit, quia certum haberet, posse per ambitionem quandoque restitui.* Sed istis (vt dixi) duobus exceptis reliqua omnia non nisi ad vanitatem destinata fuere, nec nisi deliciis effœminatorum & iactantiæ seruiebant. Visebantur Amphitheatra amplissima duo; Theatra duo; Ludique; Naumachiæ quinque; Nymphæa vndecim; Thermæ duodecim; Lupanaria quadraginta quinque; Arcus marmorei triginta sex; Circi duo; Septizonium Seueri, Moles Hadriani, Augusti Mausoleū, Columnæ Traiani & Antonini, Balnea priuata innumera. Hæc non nisi ad luxum & iactantiam instituta, quæ admirantium animos extra omnem sensum raperēt, dimidium prope vrbe occupabant, vt è Publio Victore apparet. Sed inter hæc omnia nulla hospitia publica pauperibus ægris curandis aptata: Hodie in vrbe viginti quinque numerantur. Nullus erat locus publicus in quo paruuli expositi exciperentur & alerentur: Hodie locupletissimæ sunt ædes S. Spiritus in Burgo, ab Innocentio tertio conditæ magnisq; prouentibus auctæ. Nulla erant collegia, in quibus de publico adolescētes haberēt quomodo bonis literis erudirētur: Hodie sunt hæc ampla & opulenta: Capranicæ, Nordini, Anglorum,

*Suet. in
Aug. cap.
40. & 42.*

*Plat. in
luc. 3.*

Germanorum, Bohemorum, Vngarorū, Gotthorum, Suecorum, Græcorū, Syrorū, Maronitarum, Neophytorum, Chaldaeorum. Nullæ erant domus publicæ, in quibus impuberes puellæ patreque orbatæ, ac pauperes discrimen castitatis adeuntes educarentur, & honestis moribus imbuerentur. Est hodie in hunc vsum monasterium quod vocatur S. Catharinæ funariorū. Nullæ erant ædes in quibus publico sumptu alerentur & instituarentur, tum pueri, tum puellæ inopes vtroque parente orbatæ: Nunc sunt duæ; altera quatuor Sancto-
rum coronatorum, altera S. Mariæ in Arquiro. Nulla erant gymnasia in quibus adolescentes erudirentur ad omne doctrinarum genus; imò Academici ex Athenis Romam venientes, ad eò Catoni maiori displicuerunt, ut eos vrbe exigendos in Senatu suaderet: Nunc præter quatuordecim humaniorum literarum scholas, quarum singulæ singulis regionibus attribuuntur, sunt gymnasia amplissima publica duo: alterum quod Sapientiæ vocatur, alterum verò quod est Societatis Iesu, à Gregorio decimo tertio fundatum. Tandem nulla hospitia peregrinis adueniētib; ad Romanorum sacra quæcunque illa forent visenda Romæ erant, in quibus aduenis istis certo aliquo tempore alimonia de publico suppeditaretur: Hodie præter Hospitale S. Trinitatis, quod quibuscumque peregrinis triduo patet, multis nationibus suum separatim hospitale fundis benè dotatum extructum est, non Gallis modò S. Ludouici, Belgis de Anima, Anglis S. Thomæ Cantuariensis, & singulis Italiæ prouinciis, sed & ipsis extremis Æthiopibus & Armenis, his ad S. Mariæ Ægyptiacæ, illis verò ad S. Stephani post templum S. Petri. Hæc sunt Romanæ Ecclesiæ

Plutare.
in Cat.
Censorio.

Ecclesiæ opera verè magnifica ad Dei cultum & proximi vtilitatem, omnis Reipublicæ benè institutæ duos fines primarios excitata & destinata quæ pectori cuius Christianoverè admiranda & suspicienda videri debēt.

CAP. XII.

Templorum magnificentia.

ATinques, ad opera magnifica quod attinet, saltem quoad ædificia ac templa splendidissima, arte & opere incomparabili extructa, Romani Imperij gloriæ Romanæ Ecclesiæ moderatio necessario cedere debet. Quid enim in Romanæ Ecclesiæ templis atque ædificiis, vel Capitolio Romano, vel Pantheo Agrippino vel templo pacis Vespasiani, vel ipso vrbis templo comparabile ostendi potest? Et æquum tamen erat vero Deo magnificētius seruire, quàm idolis & dēmoniis gentium. Atqui iudicium tantisper suspende, qui hæc Romana ethnica tantopere extollis; vide mecum an nō templum S. Pauli Apostoli via Ostiensi & magnitudine & multitudine columnarum: item templum S. Marię ad Præsepe, siue Maioris, vt nūc vocatur, quodlibet horū multis partibus non superet. De forma fortasse quæstio foret, in qua antiqua illa superabant. Sed in hoc etiam genere, vnum illis omnibus oppono Templum Societatis Iesu, Illustrissimi Cardinalis Farnesij, opera & opibus magnificētissimè nostro tempore extructum, quod veteribus illis & forma & materia & mole multò excellentiùs indicant Romani hodie scriptores graues. Quicquid autem de illo Templo sit, de templo B. Petri in Vaticano, quid Thomas Bozius scriptor Romanus &

*De signis
Ecclesiæ
Dei lib. II.
cap. 3.*

modernus scripserit, ipsius his verbis referam. Quid de templo S. Petri quod nunc perfectū conspicimus & admiramur, dicemus? Ac ne quis antiquitatum cupidus laudator temerè nos loqui pūter, afferamus quę de Pantheo scribit, quasi spectaculo tāi operis attonitus Ammianus Marcellinus. Pātheon (inquit) velutī regionem teretem speciosa celsitudine fornicatam, elatosq. vertice scānsili suggestus, Consulū & priorū Principū inuitamenta portantes. Hęc Ammianus. Atqui Tholus solummodo Templi S. Petri est altitudinis cum Pantheo eiusdem supra fastigium quatuor ædium quibus insidet medius, latitudinis verò paululo minoris, specie porrò longè excellentiori ob multiplices fenestras, capitula, bases, columnas, epystilia & coronas. Adde illud longè præstantissimū, quòd tholus est duplici fornice contectus, & inter vtrūque fornicem quasi ædiculę innumerę suis & ipsę cameris distinctę. Sed cū quatuor, vt diximus, infra tholum seu verticem illum concameratum sint templa, horum quodlibet mole, artificio, excellentiaque materię nobilius Pantheo est. Præter hęc quatuor templa inter se cohærentia & peruia, quibus insidet excellētissimè tholus, est spatiū medium tholo respondens quod est à pavimento vsque ad summū verticem altitudine duplum ad Pantheon. Adde aditū anteriorem, & fornicem posteriorem: vt omittamus porticum, quod nondum perfecta sit. Hęc omnia, sanè si perpendas, rationemque discriminis ducis, videbis Templum D. Petri in vrbe admirabili isto Pantheo sextuplo reuera esse admirabilius. Pantheon altitudinis est pedum centum nonaginta octo: tantum latitudinis. Atqui quodlibet ex iis quatuor quibus incūbit tholus

supre-

supremus nostri tēpli est celsitudinis maioris, eiusdemq; prope latitudinis. Superest deinde spatium mediū cum tholo, & pars anterior & posterior. Super sunt intercurrentia ab imo ad supremū fastigium tum molis ipsius, tum cuiuslibet templi spatia parietibus inclusa, lato interstitio suas domunculas cum suis cameris aptē dispositas habentia: ita vt reuera hoc templum dignitate & artificio superet omnia, in quibus iacet se cum suis fabulis ostentatrix antiquitas. Hæc hætenus Bozius scriptor Romanus, qui quæ vidit attestatur. Addit celsitudinem huius templi tantæque molis stadij dimidij esse plus minùs: pedum scilicet tercentum, longitudinē verò quadringentorum: moxque cum Dianę Ephesiæ fano iuxta Plinij descriptionem comparās, ad cuius structuram viginti septem Asiæ Reges coierint, & ducentos viginti annos in opere consumpserint, ostendit quum vix octoginta anni ab huius tēpli inchoatione effluerint, nec tot Reges ad opus perficiendū sese adiunxerint, in reliquis omnibus multo esse illo fano nobilius D. Petri templum. Quàm nūc Romæ esse vellem, vt hoc nobilissimum templum, cuius & initia & progressus olim vidi, nunc consummatum & absolutum cernerē, meaque illic Deo vota nuncuparem. Atqui illic & esse & floruisse mihi nuper licuerat, à summa in terris maiestate benignissimè vocato, nisi hoc me loco Dei prouidentia, Principis voluntas ac benignitas, meaqué infirmitas, addo & indignitas constrictum tenuissent.

Quòd si iam quæ extra urbem Romam toto passim orbe Christiano magnificentissima extructa tēpla conspiciūtur, vel ex Francisco Aluaresio de templis Æthiopicis omnem penè fidem superantibus, vel ex Ioanne Bruschio

Bruschio de templis Germanicis, vel ex Procopio de ædificiis Iustiniani tam multis, tam magnis, tam celebribus, vel ex Iacobo Zeiglero de templis Borealibus, vel quæ in sola Italia S. Marci Venetiis, S. Spiritus Florentiæ. Sanctorum Petri & Petronij Bononiæ, S. Ioannis Euangelistæ Rauennæ, Sanctorum Dominici & Episcopij Neapoli videtur, vt Galliam, Belgium, Angliam & Hispaniam prætermitterem, maximè S. Laurentij ædem à potentissimo Hispaniarum Rege Philippo secundo recentissimè in sua Scuria, & magnificentiissimè extructam hoc loco commemorare & describere vellem, qui adhuc antiquitatem Romanam illis antepondere auderet, helleboro dignum existimarem. Sed nos in Romanæ Ecclesiæ vna Vrbe & Sede sistimus, eam quæ & eius opera magnifica omnibus antiquæ Romæ monumentis antepondere nihil formidamus.

CAP. XIII.

Romana Ecclesia Senatus.

QUOD vno adhuc argumento cõfirmabimus. Romani Imperij splendor, magnitudo, maiestas, ex Romanæ vrbis Senatu & patribus illis conscriptis, magna haud dubiè ex parte eluxit: quorum videlicet prudentia, consilio, grauitate annis benè septingentis libertatem illa vrbs seruauit, multi quæ populis imperauit, quem etiam confessum qui sub Imperij fastigio coluerunt, optimi semper Imperatores habiti sunt, maximè postquam ab Octauio Augusto Senatorum incondita turba, & numerus nimis superfluens ad iustum & mediocrem redactus erat. Sed quid? An Romanæ Ecclesiæ
suus

suus deest aut defuit vnquam Senatus: Iam ab exordio
 nascentis illius Ecclesiæ Clerus Romanus, quo Senatu
 & presbyterio primi Pontifices vsi sunt, quanta graui-
 tate & autoritate excelluerit, vt vacante Sede alias Ec-
 clesias in officio continuerint, vacillantes roborarint,
 aberrantes in viam reduxerint, rebus dubiis finem de-
 derint, missis etiam per totum orbem eorum literis, ex
 variis D. Cypriani epistolis, quibus cleri Romani literæ ^{Epist. 3.}
 inferuntur, luculenter patet. Sed progressu temporis cle- ^{31. Or 52}
 ro illius vrbis ad maximum numerum excrescente, fa-
 ctus est delectus; & vt ab ipso D. Clemente primo, iu-
 xta septem vrbis regiones, septem Notarij instituti sunt
 ad Martyrũ res gestas accuratè scribendas, quibus No-
 tarij Numerarij hodie septem seu Protonotarij septem
 de numero participantium successore; ita si Wolfango ^{Lib. 2.}
 Lazio viro doctissimo credimus, iuxta veteres curato- ^{cap. 2.}
 res vrbis & regionum illius, qui præfecto prætorio Vr- ^{de Repub.}
 bano proximo loco & ordinè subseruiebant, instituti ^{Rom.}
 sunt presbyteri Cardinales ad titulos singularũ Regio-
 num, prout à Martyrum memoriis per loca distinctis,
 distinctas nuncupationes acceperunt. Hinc in Cõcilio
 Romano sub Siluestro primo habito tẽpore Constanti-
 ni Magni, Diaconi in Cardine constituti, fit mentio:
 Item Cardinalium vrbis Romanæ septem qui Dalma-
 ticis vterentur, & pallia Lænostina læua eorũ tegerent.
 In eodem Concilio Papa Siluester, septẽ vrbis regiones
 diuisit septem Diaconibus, veluti earum curatoribus.
 Hæc igitur prima & antiquissima Amplissimi huius
 Ordinis institutio est, vt ineptè Volaterranus aliique
 Neoterici ad annum 1040. eam reiiciant. Sequentibus
 autem temporibus vt maiori in numero & pretio esse,

ita non iam ab vrbis regionibus quibus praeerant, sed à templis martyrumque memoriis, vel etiam ab ædificiis & patrimoniis Sedi Apostolicæ legatis discriminais causa vocari ceperunt; vnde in Decretis Symmachi Papæ qui sedit anno quadringentesimo nonagesimo quinto, legimus Diaconos non solum regionis primæ, secundæ, quartæ, quintæ & septimæ, sed titulo S. Clementis, S. Marci, S. Matthæi, S. Laurentij, S. Pammachij, S. Sabinæ, videlicet à memoriis martyrum: tum titulo Damasi, Cyriaci, Chryfogoni, Marcelli, Caij, videlicet à bonis legatis: tum denique Æmilianæ, Crescentiæ, Cæciliæ, Praxedis, Faciolæ, videlicet à collationibus matronarum: qui omnes post Italiæ Episcopos subscripserunt, quibus necdum hic ordo prælatus fuerat. Idem subscriptionis Ordo, & sub eisdem titulis, in quadam apud Gregorium Magnum cōstitutione anno sexcentesimo legitur. His solis postea in Concilio Mantuano sub Nicolao secundo eligendi Pontificem potestas datur, quæ cū prius penes totum clerum Romanum esset, eumq; numerosissimum, non sine magno sæpe tumultu illa electio fiebat. Demum in Concilio Lugdunensi sub Innocentio quarto, purpurati patres maioris dignitatis causa constituuntur. Horū postea collegium, tametsi vsque ad Sixtum quartum numerū tricessimum nō attigerint, & vsque ad Leonem decimum vix quinquaginta superarint, vsque ad numerum autem septuagesimum, si Onuphrio Panuinio credimus, nunquam perucenerint, viros tamen semper & omni scientiarum genere florentissimos, plurimosque etiam scriptis monumentis illustres, & rerum agendarum prudentia solertissimos, & pietate ac virtute celeberrimos, alios etiam

*Epist. 22.
lib. 9.*

*Anno
1060.*

etiam ex prima orbis Christiani nobilitate ascitos complexū fuit. Horum opera, & ad legationes amplissimas toto orbe obeundas, & ad pacem inter Principes Christianos bellis se mutuis conficientes componendā, & ad perpetua rerum decernendarum consilia (ad quæ bis per omnem hebdomadam cōuocantur) & ad causas omnes ac difficultates decidendas, siue forum conscientia, siue forum externum ea concernunt, felicissimè vtitur summus ille orbis arbiter D. Petri successor. Sed & à summis Monarchis ad regnorum & Rerum publicarū amplissimarū gubernacula, vicaria potestate tenenda summo consentiente Pontifice assumūtur. Nihil vt hoc amplissimo ordine vel nobilitate illustrius vel eruditione præstantius, vel ad res gerendas prudentius orbis vnquam viderit. Ad Ecclesiæ igitur Romanæ magnificentiā, qua Imperio Romano nihil cedat, Ordo iste & Senatus amplissimus meritò pertinet.

CAP. XIII.

Orbis salutem ab hoc sacro Principatu pendere.

ET ad Imperij ipsius adeoque orbis totius, decus, tutelam ac columnen, & hic selectissimorum Ecclesiæ procerum ordo, & quicquid hætenus de Romanæ Ecclesiæ amplitudine, fortitudine, potestate, dignitate, ac splendore in medium protulimus. Eminentissimū namque hunc Ecclesiæ Romanæ principatum vniuersis his, siue naturæ, siue gratiæ ornamentis illustrare voluit diuina benignitas, nihil vt deesset, quod inclinantis ac labantis mūdi restitutioni necessarium foret, vt in huius, qui tam perspicua luce in omnium oculos incurreret,

sacrofanctam societatem sese aggregarent, quicunque
vitæ suæ rationem sibi quoquo modo constare vellent,
ab eo qui abirent, aut in eum cæci impingerent, elisi fra-
ctique corruerent: id pluribus exemplis à pluribus illu-
stratum, ego ex iis quæ hætenus dicta fuere, satis consti-
tutum existimo; addo tamen, ne quid quod instituti ra-
tio requirat, prætermittam, paucula alia. Vrbis imò non
urbis sed orbis Romani clades, vastitates, ruinas, quibus
Deus erecto primitus sacrofancto huic principatui illa-
tas iniurias vindicauit, ac gentiles Imperatores vsque ad
Constantinum Augustum simul cum ipso Imperio ob-
triuuit, compedio recenseret fidelis ac grauis scriptor Oro-
sius. Illis è medio sublati primus Imperatorum Roma-
norum apertè Christi trophæum erexit Constantinus
Magnus, ac sacrorum Principi Romano Pontifici urbem
orbemque submittens, bonis omnibus Romanum Im-
perium locupletauit. At alius ab eo alium rerum suarum
successum obtinuit, Liberij Romani Pontificis persecu-
tor Constantius, iterum clades, iterum veteres illæ orbis
terrarum ruine, euersa funditus terræ motu Nicomedia,
Pontus, Asia, Macedonia, grauissimis cladibus obruta:
ipseque Imperator incurabili planè morbo ad instar Pha-
raonis à Deo percussus, sed ab eo iterum Sanctorum In-
tercessione sanatus, dum in sua impietate perseverat, vi-
ta simul & Imperio exuitur.

*Lib. 7.
cap. 4. &
seqq.*

*Sozomen.
lib. 4. c. 15
Ammian.
lib. 21.*

*Socrates
lib. 4. c. 2
Ammian.
lib. 26.*

*Paul. Dia-
con. lib. 16*

Eadem mala sub Valente, Romano Pontifici adhæ-
rentes persequente, in orbem ipsumque iterum Impera-
torem recurrere, qui anno Imperij sui decimoquarto à
Gothis profligatus, & in Tugurio cōcrematus, impie-
tatis suæ pœnas dedit. Similis malorum congeries Iusti-
nianum Christianissimum prius ac felicissimum Pinci-

pem exceptit: Quum enim in Syluerium ac Vigiliū Romanos Pontifices impias manus ihiecit, nullo non calamitatis genere exagitatus est, tandemque in insaniam versus, subitoque morbo perculsus è vita migravit. Similibus à Deo malis mulctatus Constantius Heraclij nepos, cum sanctissimum Romanæ Ecclesiæ Præsulem Martinum in insulam Chersonis relegasset: Similibus Leo eiusque filius Constantinus Copronymus, cum in eandem petram imegissent. Et hæc quidem mala iustissima Dei ira perpeffi Oriētis Imperatores: Quid post eos alij siue Reges siue Imperatores rerum in Occidente potiti, qui illorum impietatē imitati sacrosancto huic principatui rebelles extitere? eiūsve iura sibi temerè violanda præsumpserunt? Et ipsi similia omnia. Philip-
 pus Pulcher & Carolus sextus Francorum Reges, Occidentis Imperatores Henricus secundus & quartus, Fridericus secundus, Ludouicus Bauarus alii que plures: vbi eo magis diuina iudicia extimescēda occurrunt, quod non in solos Reges ac Imperatores, sacrę huic maiestati iniurios superni numinis ita exarserit, sed populos ipsos, prouincias, regna, imperia quæ iis hîc quam ratione socia, similibus plagis inuoluerit: Et his iterum plena & veterum & recentiorum Historiographorū scripta. Neque aliorum hætenus ab annis non-gentis, aut regna euersa, aut occupata ab impiis Mahometanis imperia, quàm eorū qui ab eius sese obedientia subtraxere. Vbi namque modò, quæ olim in Asia, quæ in Africa fuerunt. Quæ causa? schisma, & ab hoc principatu discessio. Et in Europa hac nostra? Dij meliora: Et hîc tamen quid sani, quid integri, quid in re Christiana trāquilli ac pacati? Quid aliud quàm quod

*Zonaras,
Laudul-
phus.*

** Aimoinus lib. 5.
cap. 1.
* Marianus Scotus
Dodechi-
nus, Vile-
nius lib.
12.*

huic sacro principatui inhærescens, ab eodem ne labat
sustinetur, à quo quod recedit, hosti cedit, vincitur, sub-
iugatur, perditur: Neque enim aliud iuxta illud diuini
Isaia 60. Vatis oraculum expectandum, *Gens & regnum, quod*
non seruiert tibi, peribit.

EPILOGVS.

ET hac quidem verè Admiranda de Romana Ecclesia
principatu compendio dixerimus, qua quale, quantumque
illius regnum sit, præ reliquis mundi regnis & Imperiis suf-
ficienter cuique ob oculos posuerint: aurea illa sint, argen-
tea, ænea, ferrea, terrena tamen sunt ac caduca omnia, eoq;
sua potentia modum habentia, suis conclusa limitibus, suis
temporibus definita, hoc verè nostrum ortus sui principium
Daniel. 2. in Deum ipsum authorem refert, ab eo suscitatum, super
Matt. 16 petram adificatum, potestas huius, potestas diuina, celestis,
clauis regni calorum sortita, potestas æterna que non aufere-
tur, & cuius regnum non corrumpetur, ventorum turbines,
ac tempestatum omnium procellas immota exceptans. Lan-
guescunt itaque alia illa omnia sensimq; deficiunt, regnum
verò hoc regnum omnium seculorum est, & dominatio eius
in omni generatione & generationem. Nec mirum: cum
Matt. xli. hac potestas ab ipso Christo sit. Qui ascendens in calum
apertè profitetur, sibi datam à Patre omnem potestatem
in calo & in terra.